

قاتل القلوب

أمنية الريحاني

الكتــــاب: قاتل القلوب
المؤلف: أمنية الريحاني
تصميم الغلاف: شيماء صلاح

المراجعة اللغوية: نشوه أبو الوفا
الطبعة الاولى فبراير ٢٠٢٠

رقم الإيداع: 20953\2019
978-977-6757-22-9
الترقيم الدولي :

الإخراج الفني : MK for Publishing and Distribution

المدير العام: محمد عبدالعال قاسم

جميع الحقوق محفوظة

وأى اقتباس أو تقليد، أو إعادة طبع، أو نشر دون موافقة قانونية مكتوبة
يعرض صاحبه للمساءلة القانونية، والآراء والمادة الواردة وحقوق الملكية
الفكرية بالكتاب خاصة بالمؤلف فقط لا غير.

العنوان: 6 ش احمد عبد الرحيم - الملك فيصل -جيزة

موبايل: 01003002847

البريد الإلكتروني: mkbookstor@gmail.com

قاتل القلوب

رواية

أمنية الريحاني



Publishing
Distributio

_____ الفصل الأول _____

تفتح كارما عينيها ببطء لتجد نفسها مقيدة على كرسى في مكان مظلم أشبه بالمخزن، يدخله بصيص من الضوء من شبك صغير أعلى الحائط محاط بالحديد، بدأت تشعر بالألم من رأسها وحاولت أن تتذكر ما حدث لها، وبدأ الذعر والخوف يدخل إلى قلبها حينما تذكرت ما حدث وكيف أتت إلى هذا المكان، ولكنها تساءلت من هؤلاء الذين اختطفوها؟، وماذا يريدون منها؟، ولماذا أتوا بها إلى هذا المكان .

قطع تفكيرها دخول شخصين عليها يبدو عليهم الشر، فازداد الخوف في قلبها ولكن حاولت أن تتظاهر بالقوة.

الشخص الأول: إلحق القطة شكلها صحيت.

كارما: أنا فين؟، وانتوا مين؟، وعايزين منى إيه؟.

الشخص الثاني: هتعرفي كل حاجة في وقتها يا قطة.

كارما: افتكرتك إنت إللي خطفتني وجبتني هنا، إوعوا تكونوا فاكرين إنكم هتقدروا تعملوا معايا أى حاجة، إنتوا مش عارفين أنا مين، وجوزى يبقي مين؟.

الشخص الأول: طب حيلك علينا بس، وكفياكى تهديد على الفاضي، إنتى مش شايفة نفسك فين، ومتكفة إزاي، يعنى انتى تحت إيدينا دلوقتى، وبعدين هو فين جوزك إللي بتخوفينا بيه دلوقتى؟، شكلك اتسندى على حيطة مايلة. كارما: إخرس يا حيوان، جوزى مش هيسكت وهيربيكم على إللى بتعملوه معايا.

الشخص الثاني : دا لو عرفلك طريق أصلا.

الشخص الأول: سيبك منها دلوقتي، وتعالى نشوف البوص هيامر نعمل معاها إيه.

يخرج الشخصين تاركين كارما تبكى من شدة خوفها.

كارما ببكاء: إنت فين يا شهاب تعالى إلحقني.

تستند كارما برأسها على الكرسي المقيدة به وتعود بذاكراتها إلى الورااء بضعة سنوات.

فـلاش بـاك

في فيلا الصفدي.

تدخل كارما الفيلا بعد أن عادت من الجامعة، وهى سعيدة وتسلم على المريبة رحمة، وتسألها على أبوها لتخبرها رحمة أنه في غرفة الطعام يتناول الإفطار، تذهب كارما إلى والدها حسين الصفدي تسلم عليه وتقبله.

(حسين الصفدي من أكبر رجال المقاولات في مصر، يبلغ من العمر خمسة وستون عاما، صعيدي الأصل جاء إلى القاهرة مع أخيه إبراهيم الصفدي ليعملا واستطاعا أن ينشئا مجموعة شركات للمقاولات من أكبر الشركات في مصر، ولكن أخيه إبراهيم الصفدي توفاه الله هو وزوجته في حادث سيارة وتركوا ولد وبنت رباهم عمهم حسين الصفدي، وعاملهم كأبنائه، فكان الابن الأكبر شهاب الصفدي وهو بطل روايتنا هو المسؤول عن مجموعة شركات الصفدي، يبلغ من العمر خمسة وعشرون عاما، متخرج من كلية الهندسة بتقدير امتياز، وهو شخص ناجح جدا في عمله وجاد جدا وهو أيضا كبير عائلة الصفدي بعد عمه)

كارما تقبل والدها: صباح الخير يا بابا.

حسين: صباح النور يا كارما، ها عملتى إيه في الإمتحان؟.

كارما: عيب يا باشا تسأل السؤال ده، زي باقى الإمتحانات امتياز طبعا إن شاء الله.

حسين: الله ينور عليكى يا بنتى، ياريت أخوكي كان طلع زيك بدل ما هو مغلبنى، المهم دي كانت آخر مادة مش كده؟.

كارما: آآآآآه خلاص معدش في امتحانات تاني.

حسين: طب اطلعى بقى حضري شنطتك.

كارما بهرح: ليه يا باشا هو عندكم إليلي بيخلص امتحانات بتطردوه من البيت.

حسين: يا بت بطلى لماضة، لا يا ستى عشان نساfer كلنا فيلا مطروح، بما انك خلصتى امتحانات أهو نقضيلنا كام يوم هناك.

كارما: ايواآآآآآآ بقى يا صفدي يا كبيبيير هو دا الكلام، يعيش حسين بيه، يا يعيش، يا يعيش.

حسين: طب يا بكاشة إلحقي وضبى شنطتك، قبل ما ولاد عمك ما يجو.

كارما بفرح: إيه ده هما ولاد عمي هيجوا معنا.

حسين: طبعا يا بنتى، هو إحنا من امتى روحنا مكان من غيرهم من ساعة

خمسون عام، وهى أيضا بمثابة الأم لكل من لبنى وشهاب)
تخبر ليلي كل من لبنى وكارما بوصول شهاب ومناقشته لبعض المواضيع
الخاصة بالشركة مع حسين فى غرفة المكتب فتذهب كارما إلى والدها
مشاكسة شهاب.

كارما: إنت جيت يا شهاب؟.

شهاب: إنتي شايفة إيه؟.

كارما: طب خلاص يا عم متزوقش ، بابا إنت لو فضلت مسلم دماغك
لشهاب اليوم هيضع مننا ومش هنسافر النهاردة.

شهاب: ليه إن شاء الله شايفانى بادلع مع عمى مش بنخلص شغل.

كارما: هو دا وقت شغل وإحنا مسافرين!!.

شهاب: أومال نسافر ونسيب الدنيا بايظة عشان يعجب جنابك.

حسين: بسسسسس خلاص يا شهاب، خلاص يا كارما يا حبيبتي، إحنا
خلصنا يالا بينا.

يتحرك الجميع فى طريقهم إلى مرسى مطروح، حسين وليلى ومعهم الخدم فى
سيارة، والسيارة الأخرى يقودها شهاب وتركب معه لبنى وكارما، بعد إصرار
كارما أن تتركب معهما لكي تكون مع لبنى .

وفى أثناء الطريق تتحدث كارما مع لبنى ولكن نظراتها كلها مسلطة على
شهاب الذى لم يتحدث بأي كلمة طوال الطريق، ولكن يكفي كارما أنه
أمامها .

وفجأة يوقف شهاب السيارة.

كارما: إيه يا شهاب وقفت ليبييه؟؟.

شهاب: هاجيب حاجة من الاستراحة وجاي.

لبنى: طب ما نازل معاك بدل قعدة العربية دي إللي وقفت رجلنا.

شهاب: إنتِ بتهزرى!!، تروحي فين؟، دي استراحة على الطريق ، ولامة من
كل الأشكال، دقائق وجاي استنوني هنا متتحركوش.

تركهما شهاب فى السيارة وذهب إلى الاستراحة.

كارما بغیظ: إيه يا بنتى المخلوق العجيب ده!، بقالنا أكثر من ساعتين ونص
فى الطريق منطقتش كلمة واحدة.

لبنى: ما إنتِ عارفة يا كوكي شهاب كلامه قليل.

كارما: عارفة يا أختي، عارفة الله يكون فى عونى!.

يعود شهاب إلى السيارة، ليستأنفوا الطريق إلى مرسى مطروح.

وبعد أن وصلوا جميعا إلى الفيلا، إستأذن شهاب لكي يذهب لشراء بعض المستلزمات الخاصة بإقامتهم ، أصرت كارما أن تذهب معه، ومع إصرارها وافق والدها .

وفي السيارة في طريقهم إلى السوبر ماركت.

كارما: هو إنت هتفضل ساكت كتير؟!.

شهاب: يعني عايزاني أقول إيه؟.

كارما: يا أخي قول أي حاجة إن شالله إزيك.

شهاب: بس كده بسيطة، إزيك.

كارما: يا ساتر عليك، طب ممكن أسألك سؤال.

شهاب: إسألني.

كارما: هو إنت زعلان إني جيت معاك؟.

شهاب بابتسامة: لا مش زعلان طبعا.

كارما: إيه ده!!، دا إنت بتبتسم زي الناس أهو، طب ممكن أعرف مكنتش

عايزني آجي معاك ليه؟.

شهاب: مكنتش عايز أتعبك بس.

كارما: يا سلام!، يعني خايف على تعبي.

شهاب: طبعا، مش بنت عمي.

كارما: بنت عمك بس؟.

شهاب: إحم.. يالا انزلي، وصلنا خلاص.

كارما في نفسها (صبرني يا رب)

دخل كل من شهاب و كارما إلى السوبر ماركت، وبعد أن انتهيا من شراء ما

يلزمهم، ترك شهاب كارما وذهب ليدفع المال مقابل المشتريات.

وفي هذه الأثناء جاء أحد الرجال ليسأل كارما عن شئ وأخذ بالتحدث معها.

الشخص: لو سمحت يا مدام ممكن تساعديني؟، متعرفيش أنهى نوع بامبرز

في دول أحسن؟.

كارما: أنا آسفة، بس بصراحة معرفش، أنا لسه آنسة متجوزتش يعني،

وماعرفش في موضوع البامبرز ده.

الشخص: أنا آسف، أنا لما شفت الأستاذ معاكي افكرته جوزك.

كارما : حصل خير.

كان شهاب ينظر لما يحدث من بعيد في غضب وبعد أن إنتهى من دفع المال ذهب إلى كارما.

شهاب بغضب: فيه حاجة يا كارما؟.

كارما: لا يا شهاب دا الاستاذ كان بيسأل على حاجة.

شهاب: ويسألك ليه كنتى بتبيعى فى المحل!، اتفضل حضرتك إسأل البياع على إللي إنت عايزه.

كارما: محصلش حاجة يعني يا شهاب؟.

شهاب: اتفضلى يا هانم أدامي.

خرج كل من كارما وشهاب من السوبر ماركت فى غضب من شهاب، وفي طريقهم للفيلا.

كارما: ممكن أعرف إنت مضايق ليه دلوقتي، محصلش حاجة يا شهاب لكل ده.

شهاب: ازاي تسمحى لواحد غريب يكلمك؟.

كارما: كان بيسألني على حاجة، عادي يعني متكبرش الموضوع.

شهاب: ماشي يا كارما، بس أحسنلك متكرريش دا تاني.

كارما: يعنى لو حد جيه يكلمني مردش عليه؟.

نظر لها شهاب بنظرة نارية أربكتها.

كارما: خلاص يا بشمهندس بلاش بصتك دى (و استطردت) شهاب !.

شهاب: أفندم !

كارما: هتفضل زعلان كتير خلاص بقى، ميقاش دمك ثقيل، أوعدك لو حد

جيه يكلمني تاني هاقوله لو سمحت خد الإذن من ابن عمي الأول قبل ما

تكلمني، خلاص بقى.

كتم شهاب ابتسامته.

كارما: هو انت إضايقت ليه لما الشخص ده كلمني.

شهاب: انتى بتهزري!، يعني إيه إضايقت ليه؟.

كارما: يعنى إنت إضايقت عشان إنت ابن عمى ومش عايز حد غريب

يكلمني وإلا في سبب تاني.

نظر لها شهاب وسرح في نظراتها له ولكنه سرىعا ما انتبه أنه يقود السيارة.

شهاب بتردد: ممكن تبطلي رعى بقى، وتسيبيني أسوق بدل ما أعمل بيكى

حادثة.

وصلا للفيلا ولكن كارما طلبت من شهاب أن تذهب لشراء آيس كريم من

محل خليل الموجود أمام الفيلا لأنها تعودت أن تذهب إليه وأن تشتري منه، منذ أن كانت صغيرة، وافق شهاب ولكن طلب منها ألا تتأخر .

فذهبت إلى المحل وهناك قابلت خليل وابنه حسن.

(حسن خليل وهو البطل الثاني لروايتنا يبلغ من العمر اثنان وعشرون عاما، متخرج من كلية التجارة ويبحث عن عمل، وهو شاب متوسط الحال من أسرة فقيرة، والده خليل صاحب محل بقالة صغيرة، وأمه متوفية، وهو يحب كارما ومتعلق بها منذ أن كانت صغيرة)

كارما: إزيك يا عم خليل؟.

خليل: إزيك يا ست البنات كلها، حمدا لله على السلامة، مطروح نورت.

كارما: شكرا يا عم خليل.

وهنا يقاطع حسن حديثهم.

حسن: حمدا لله على السلامة يا ست كارما، والله وليكوا وحشة.

كارما: الله يسلمك يا حسن، فين بقى الآيس كريم بتاعي، إوعى تقولي مش موجود.

حسن: لا طبعا موجود، دا أنا أول ما شفتكم جيتوا رحت جبتھولك مخصوص. كارما: شكرا يا حسن، عن إذنكم.

تركتهم كارما وذهبت ولكن عيني حسن كانت متعلقة بها .

خليل: ياه على الأيام بتجري بسرعة، أهي ست كارما دي إمبارح بس كانت عيلة بضيفيرتين بتشب عشان تطول الطرايبزة وتأخذ الآيس كريم، وأهي دلوقتي كبرت وبقت ما شاء الله عروسة.

حسن بشرود: هي فعلا كبرت، وبقت أحلى عروسة.

الفصل الثاني

في الصباح كان جميعهم على الشاطئ، وكانت كارما تلعب الكرة مع لبني وهي سعيدة وعندما رأت شهاب قادم ذهبت إليه في مرج.

كارما: ما تيجي تلعب معنا يا شهاب.

شهاب: أَلعب!، أَلعب إيه هو أنا عيل عشان أَلعب؟!.

كارما: يا سلام، هي العيال بس هي إللي بتلعب.

شهاب: أه طبعا اللعب إللي بتلعبوه دا اسمه لعب عيال، وبعدين وانتي زعلانة ليه ما انتي لسه عيلة.

كارما: أنا عيلة يا شهاب، طب عالعموم شكرا.

ترك كارما شهاب وهي في قمة غضبها، وتعود إلى لبني التي تلاحظ تغير كارما.

لبني: مالك يا كوك؟.

كارما: أنا خلاص زهقت، وجبت آخري من برود أخوكي ده.

لبني: برده مش عايز ينطق!.

كارما: هو بس مش عايز ينطق، دا أسلوبه في الكلام معايا وحش أوي، أنا بدأت أحس إني أنا بس إللي بحبه.

لبني: بطلي هبل، انتي عارفة إن شهاب بيحبك من زمان.

كارما: ما هو باين أوي الحب.

لبني: اسمعى يا كارما، انتي عارفة إننا أصلنا صعايدة، يعنى منتتظريش من شهاب أى كلام حب ودلع من بتوع الشباب، وبعدين متتسيش كمان إن شهاب شال المسؤولية بدري بعد وفاة بابا وماما، وكمان عمى مسكه مسؤولية شركات الصفدي كلها، يعنى أسلوبه الحاد والجدي اللي فيه دا طبيعى جدا، بس انتي عارفة إن جواه طيب أوي وبيحبك وبيخاف عليكى.

كارما: أيوا يا لبني إحنا صحيح صعايدة، بس بابا وعمي سابوا الصعيد من زمان أوى من قبل حتى ما نتولد لما جم يشتغلوا في القاهرة، يعنى إحنا إتولدنا وإتربينا في القاهرة مش في الصعيد.

لبني: بس العرق الصعيدي بيجري في دم شهاب يا كارما، ومتتسيش إنه أكبرنا وأقرب واحد لعمي، يعنى خد من بابا وعمي الطبع الصعيدي.

كارما: طب يعنى أفقد الأمل في أخوكي من الآخر وإلا أعمل إيه؟.

لبني بتفكير: امممم.... يعنى انتي عايزة الجبل ينطق.

كارما: أها.

لبنى: لقتها... انتي مش قولتي لي إنه امبارح لما شاف واحد بيكلمك الدم ضرب في دماغه وكان باين عليه الغيرة.
كارما: آه حصل.

لبنى: لازم نستفز شهاب ونخليه يغير عليكي ويتجنن يقوم ينطق علطول.
كارما: أيوا بس أخليه يغير إزاي ومن مين؟
لبنى: نفكر.

بعد أن انتهوا من الشاطئ عادوا جميعا إلى الفيلا، ولكن كارما أوقفت شهاب وطلبت منه أن تذهب لمحل خليل لشراء آيس كريم.
نظر شهاب في إتجاه المحل، وعندما رأى حسن داخل المحل ظهر عليه الضيق ولاحظت لبنى هذا.

كارما: شهاب هروح أجيب حاجة من محل عم خليل بسرعة.
شهاب بغضب: إنتِ إيه حكايته كل شوية عايزة تجيبى حاجة من عم خليل؟

كارما: ودي فيها إيه؟

شهاب: ابقى قوليلي عايزة إيه وأنا أبقى أجيبهولك.
كارما: على إيه؟ دا أنا هاجيب آيس كريم مش مستاهلة يعني.
شهاب بضيق: طب بسرعة ومنتأخريش.

بعد أن تركهم شهاب.

لبنى: لقيت الشخص اللي هيحرك شهاب ويخليه يغير.
كارما: ودا مين ده بقى؟

حركت لبنى رأس كارما في اتجاه محل خليل لتنظر إلى حسن الواقف بداخل المحل.

كارما: انتي قصدك مين؟

لبنى: حسن ابن عم خليل.

كاراما بسخرية وضحك: انتي بتهزري يا لبنى، بقى شهاب الصفدي هيغير من حسن ابن عم خليل.

لبنى: انتي مشوفتيش كان مضايق إزاي لما قولتي إنك رايحة تجيبى حاجة من هناك.

كارما: أيوا بس ده مش معناه إنه غيران، وبعدين بالعقل كده يعي شهاب هيصدق إن كارما الصفدي تبص لواحد زي حسن.

لبنى: يا ستي نجرب، مش هنخسر حاجة يمكن الصنم يتحرك.

كارما: طب إنتي عايزانى أعمل إيه ؟.

لبنى: هقولك.

وفي أثناء تناولهم لوجبة الغذاء، تعمدت كارما أن تطلب من والدها أن تذهب لمحل خليل لتشير غيرة شهاب وغضبه.

كارما: بابا ممكن أنزل بعد ما نأكل أجييب حاجة من محل عم خليل.

حسين: ماشى يا حبيبتي بس خدي بالك من نفسك.

كارما: حاضر يا بابا.

شهاب: إيه حكاية عم خليل هو كل شوية عايزة تجيبي حاجة من عنده؟.

كارما: ودى فيها إيه دي يا شهاب؟.

شهاب: أصلها مش صورة يعني كل شوية داخله خارجة.

كارما: داخله خارجة إيه، دا المحل قصاد الفيلا.

شهاب: برضه ابقى قوليلي على اللي انتي عايزاه وأنا أبقى أجيبهولك.

كارما بسخرية: مش هتعرف تجيبي اللي أنا عايزاه.

شهاب بغضب: ليه إن شاء الله ؟.

حسين: بس بقى يا ولاد كفاية خناق، انتوا علطول كده زي الديوك خلاص يا

شهاب مفهاس حاجة لما تروح تجيب اللي هي عايزاه من عم خليل دا زي

أبوها وهي متعودة عليه.

شهاب في نفسه (المصيبة لتكون متعودة عليه هو وابنه).

نظرت كارما إلى لبنى، التي غمزت لها بإحدى عينيها، وعلمت كارما أن خطة

لبنى ستجعل شهاب يتحرك ويروح بما يخفي لها من مشاعر.

ذهبت كارما إلى محل خليل وتعمدت أن تفتح حديث مع حسن، خاصة

عندما رأت شهاب وهو يراقبها من خلف شباك الفيلا .

كانت كارما تنظر لشهاب نظرات متقطعة وكلما تراه يزداد غيظا وغيره

تزيد هي من ضحكها مع حسن ولم تكن تعلم أن هذه الضحكة لم تثير غيرة

شهاب فحسب، فكانت بالنسبة لحسن سحر ينقله لعالم آخر فهو يحبها منذ

أن كانت طفلة، وهي الآن شابة وجميلة وحبها يزداد داخل قلبه، فهو لم

يستطع أن يرى غيرها طوال السنين الماضية.

قطع شهاب حديث كارما وحسن بصوته الغاضب.

شهاب: انتى هتفضلي ترغي كثير كده، مش جبتي الحاجة اللي عايزاها!،

واقفة عندك ليه؟.

كارما بخبث: أنا لا أنا خلاص خلصت.

شهاب: طب يالا على فوق.

كارما: حاضر.

ذهب شهاب وكارما وتركا حسن في عالم آخر، هائم في كارما وسحر عينيها وحبها لها.

كارما: شهاب هو إنت إيه اللي نزلك؟.

شهاب في تردد: إيه إتأخرتي نزلت أطمئن عليكي.

كارما: بجد ! لا كتر خيرك ومضايق ليه دلوقتي؟.

شهاب: مش مضايق، بس بعد كده تأخدي اللي إنت عايزاه وتمشي علطول، مش تقعدي تقضيها رغي مع حسن.

كارما: ودي فيها إيه يضايقك؟.

شهاب بتردد: إيه يضايقني!...انتى! ... قصدي إنت مش بنت عمي وأخاف عليكي وعلى سمعتك.

كارما: بنت عمك ! طيب تصبح على خير يا ابني عمي.

تمر الأيام وكانت كارما تتعمد أن تذهب إلى حسن المحل كثيرا، وتتحدث معه وتضحك معه لتثير من غيرة شهاب، ولم تكن تعلم أن ما تفعله يزيد من حب وتعلق حسن بها، فحبه لها زاد إلى درجة الجنون وحديثها معه بعث في نفسه الأمل أن تبادلها نفس المشاعر .

في إحدى المرات التي كانت كارما بها في محل خليل عزم حسن أمره أن يبدأ معها الحديث ليعرف حقيقة مشاعرها تجاهه.

كارما: مالك يا حسن شكلك مضايق؟.

حسن: هو انتو صحيح مسافرين بكرة الصبح؟.

كارما: آه يا حسن خلاص الأجازة خلصت ولازم نرجع القاهرة.

حسن: ملحقتوش تقعدوا .

كارما: معلش بقى عشان بابا وشهاب كمان عندهم شغل مهم وعشان استعد للدراسة.

حسن: ربنا يوفقك يا ست البنات.

كارما: مش هتقولي بقى مالك؟.

حسن: مفيش حاجة.

كارما: امممم. شكلك بتحب يا حسن.

حسن: إيه ده ؟، وأنا شكلي باين عليه أوي كده؟
كارما: باين أوي أوي، قولي بقى مين سعيدة الحظ دي؟
حسن: بنت زي البدر في تمامه، عينيها سحر رباني، جمالها بيأخذ اللي قدامها
لعالم تاني، كلها على بعضها لوحة ربانية أبدع الخالق في رسمها.
كارما: إيه ده يا حسن!، إنت بقيت شاعر يا بختها بيك وبحبك.
حسن: بجد يا ست البنات .
حسن: طبعاً وهي ترفضك ليه؟، شاب متعلم وليك مستقبل ومؤبد
وأخلاقك عاليًا وجدع.
حسن: وإيه الفائدة؟
كارما: يعني إيه وإيه الفائدة هي مبتحكش؟
حسن: معرفش، ساعات بحس من إهتمامها إنها بتحبني ومشدودة ليا،
وهي معايا بتحاول تفتح كلام عشان الوقت بينا ميخلصش أبداً، بتعمل أي
حجة عشان تيجي وتشوفني.
كارما: ولسه بتسأل تبقى أكيد بتحبك، كل اللي بتقوله ده معناه حاجة
واحدة إنها بتحبك.
حسن: معقولة يا ست كارما!!، ممكن تكون بتحبني فعلاً دا يبقى حلم.
كارما: وإيه اللي يمنع يا حسن.
حسن: الفرق بينا عالي أوي.
كارما: مش عيب واحد متعلم زيك يقول كده ، الكلام ده كان زمان ، وهي
لو بتحبك فعلاً هتسيب الدنيا كلها علشان تبقى معاك .
حسن: كلامك حلو أوي ويدخل القلب.
كارما: خلاص يبقى إسمع كلامي واتشجع وكلمها.
حسن: ممكن أسالك سؤال يا ست كارما؟
كارما: إسأل يا حسن.
حسن: هو إنت يعني... بتحبي... مرتبطة يعني بحد.
كارما: أيوا يا حسن، بحب واحد أوي، أوي، أوي، وكل منايا يحس بحبي ليه.
إعتقد حسن أن كارما تتحدث عنه، ولم يكن يعلم أنها تتحدث عن شهاب
وأنها تحب ابن عمها منذ صغرها.
حسن: وافرضي إنه عرف وحس بحبك المفروض يعمل إيه؟
كارما: المفروض يكلم بابا ويتجوزني.
كان حديث كارما مع حسن بمثابة الأمل له، فقد حزم أمره أن يتشجع

ويدخل التحدي، لتكون كارما من نصيبه وأن يعرض الموضوع على شهاب
أولا فانتظر أمام الفيلا إلى أن وجد شهاب عائدا.
حسن: بشمهندس شهاب.

شهاب: خير يا حسن؟.

حسن: معلش كنت عايز حضرتك في موضوع مهم.

شهاب: طب قول أنا سامعك.

حسن: معلش مينفعش في الشارع أصله موضوع حساس شوية.

شهاب: آه، طب تعالى ندخل نتكلم جوا.

دخل كلا من شهاب وحسن إلى الفيلا، وعندما رأتهم لبنى ركضت إلى كارما
لتعلمها بما رأته فتعجبت كارما ولكنهما قررتا أن تراقبا حديث حسن مع
شهاب دون أن يراهم أحد.

شهاب: خير يا حسن عايزني في إيه؟.

حسن: بصراحة أنا مكسوف من حضرتك يا بشمهندس.

شهاب: قول يا حسن متتكسفش، إنت أخويا الصغير، تحب أشوفلك شغل؟،
أنا عرفت من عم خليل إنك اتخرجت من كلية التجارة .

حسن: لا ربنا يخليك أنا الحمد لله قدمت على وظيفة كويسة أوي في شركة
كبيرة عندكم في القاهرة واتقبلت وقريب أوي هاستلم الشغل.

شهاب: طب عظيم، آمال عايزني في إيه؟.

حسن: يعني بصراحة كده يا بشمهندس نويت أكمل نص ديني.

شهاب: ياه بالسرعة دي، طب اصبر حتى لما تثبت رجلك في الشغل، وبعدين
فكر في الجواز.

حسن: لا ما أنا بفكر أخطب دلوقتي، واستنى شوية لحد ما أفف على رجلي،
وبعدين نتجوز.

شهاب: شكلك مستعجل أوي.

حسن: بصراحة مستعجل أوي يا بشمهندس، ونفسي تبقى معايا النهاردة
قبل بكرة.

لبنى بهمس لكارما: دا قصده على مين ده؟، وإيه علاقة شهاب؟.

كارما: مش عارفة اصبري واسمعي.

شهاب: عظيم، وطبعا عايزني آجي، معاك مش كده؟.

حسن: مش بالضبط كده بس الموضوع تقريبا في إيد حضرتك.

نظرت كارما للبنى بتعجب.

حسين بيقاطعه: إيه ! إنت طلبت منه إيد كارما بنتي، ومستغرب عمل فيك كده ليه؟، دا الحمد لله إنه مقتلكش.
حسن: مش للدرجة يا حسين بيه أنا عارف طبعا إني مش قد المقام بس.....
حسين: مقام إيه يا ابني مش حكاية مقامات، حكاية إنك رحى تطلب كارما من خطيبها.
حسن في صدمة: إيه خطيبها!!!!!!!

شهاب: تبقى عبيطة يا كارما لو فكرتي كده، يا كارما أنا بحبك من زمان أوي، من أول ما عيني فتحت عليكي وانتي بتكبري أدامى يوم ورا يوم، بحسك حته مني، حاجة تخصني لوحدي، كنت مستنى اليوم اللي نتجوز فيه وتبقى مراتي حلالي، وساعتها كنتي هتخسي أنا أد إيه بحبك.
كارما: كان فين الكلام الحلو دا بس من زمان؟!.

شهاب: يا حبيبتي لازم تعرفي إني غصب عنى، مبعرفش أقول كلام الحب والدلع بتاع الشباب، ده مش طبعى يا كارما ومتعودتش أقوله، لكن انتي المفروض تخسي بحبي من تصرفاتي معاكي، من اهتمامي بيك وخوفي عليك.
كارما: كفاية عليا إني أخيرا سمعت منك إني حبيبتيك.
يسك شهاب يديها ويقبلها : انت حبيبتي، وبنت عمي، وأختي، وبنتي، وقريب أوي إن شاء الله هتبقى مراتي، وأم عيالي، وكل حاجة ليا في الدنيا.
نظرت له كارما بعينين مليتين بالدموع وفجأة ارقمت بين ذراعيه متعلقة برقبته.
كارما: بحبك يا شهاب، بحسك يا ابن عمي.

فى اليوم التالى استعدوا جميعا للعودة إلى القاهرة، وفى هذه الأثناء رأت كارما حسن واقفا بداخل محله، فاستغلت عدم تواجد شهاب الذى ذهب لشراء بعض المشتريات، وذهبت لحسن لكي تعتذر له عما حدث منها دون قصد.

كارما: حسن ! عامل ايه دلوقتي؟.

حسن بحزن: الحمد لله.

كارما: حسن ! أنا بجد آسفة أوي على اللي حصل معاك إمبراح واللي عمله معاك شهاب.

حسن: متأسفيس يا ست البنات دا مش ذنبك ولا ذنبي.

كارما: مش فاهمة قصدك إيه؟.

حسن: يعنى أنا عارف إنكم صعايدة، وأكيد والدك أجبرك تتخطبي للبشمهندس عشان مينفعش تتجوزي من برة وفلوس العيلة متخرجش برة وكده.

كارما: مين اللي قالك الكلام ده؟!، بابا صحيح صعيدي بس عمره ما فكر كده ولا عمره أجبرني على حاجة.

حسن: أمال يعني هيكون إيه اللي خلاكي توافقني على خطوبتك من ابن عمك بعد اللي حصل بينا.

كارما: اللي حصل بينا !!!!!!!، هو إيه اللي بيننا مش واخدة بالي ؟.

حسن: انتي مش فاهمة يا كارما إيه اللي بينا؟!.

كارما: اللي بينا إيه؟، هو أنا عشان وقفت اتكلمت معاك شوية وسألتك عن أحوالك بقيت بحبك!.

حسن: لا مش بس كده اهتمامك بيا وكلامك معايا وكل تصرفاتك معايا بتقول إنك بتحبيني، مش فاكرة لما قولتيلي إنك بتحبي واحد وهو مش حاسس بيك.

كارما: آااااااااه، وإنت بقى بذكاءك فسرتها إني بحبك إنت؟!.

حسن: أمال كنت تقصدي مين؟.

كارما: يا حسن ما تفوق بقى من الوهم اللي إنت فيه، أنا محدش جبرني على خطوبتي من شهاب ابن عمي لإني ببساطة بحبه وهو كمان بيحبني، وهو نفسه الشخص اللي كلمتك عنه وقولتلك إني بحبه، شهاب مش بس ابن عمي، شهاب كمان حبيبي وخطيبي.

حسن: حرام عليكى!!، إنت ليه عملتي فيا كده؟، ليه رفعتيني لسابع سما وبعدها وقعتنيني على جدور رقبتى.

كارما: إنت اللي عشت حلم مش بتاعك، دا مش ذنبي، وأنا مش كل ما هتكلم مع حد يبقى بحبه يعنى، فوق يا حسن وإعرف أنا مين وإنت مين، أنا كارما الصفدي خطيبة المهندس شهاب الصفدي، فاهمنى وأرجوك فوق لنفسك بقى وحاول تنسى اللي حصل.

حسن: حاضر يا كارما هانم، يا بنت الصفدي أوعدك إني هفوق لنفسي.

تمر السنوات وتزوج كارما من شهاب ويعيشا حياة سعيدة يتخللها الحب والتفاهم

في منزل شهاب الصفدي.....

تنزل كارما إلى الصورة المعلقة على الحائط، وهي صورة زفافها من شهاب وتبتسم محدثة نفسها.

كارما: ياه يا شهاب، أربع سنين دلوقتي عدوا على جوازنا، صحيح الأيام الحلوة بتعدي بسرعة أوي، ربنا يخليك ليا يا حبيبي وتفضل معايا العمر

كله.

في شركة الصفدي.....

يجلس شهاب على مكتبه يراجع بعض الأوراق الخاصة بالشركة ويدخل عليه كريم.

(كريم الصفدي، هو الأخ الأكبر لكارما، وابن عم شهاب ويصغر شهاب بعامين، شاب مستهتر، دائم السهر في الليل، ولا يعتمد عليه، متخرج من كلية السياسة والاقتصاد).

شهاب: أهلا يا بيه متأخر زي عوايدك.

كريم في كسل: مش المهم إني جيت، يالا إطلبلي قهوة بقى، عشان أعرف أركز معاك.

شهاب: يا كريم مش كده، مش كل يوم سهر للصبح، حتى الشغل مش مركز فيه.

كريم: آه دي ليلي هانم موصياك عليا على الصبح بقى.

شهاب: ومن غير طنط ليلي ما تكلمني، ما أنا شايف أدامي، كل يوم بتيجي الشغل متأخر، ومش مركز في حاجة، يا كريم متنساش إن عمي الله يرحمه موصيني عليك قبل ما يموت.

كريم: ماشي يا كبير عيلة الصفدي، ممكن نكمل الإسطوانة بتاعة كل يوم، بس بعد أما أشرب القهوة وأفوق، ويالا نتكلم في الشغل.

شهاب: شغل إيه بمنظرك ده؟، لما تبقى تشرب القهوة، المهم إعمل حسابك متتسرمحش في حتة النهاردة.

كريم: ليه خير نويت تيجي تسهر معايا.

شهاب: أعود بالله عليك يا أخي، إنت إيه؟، إنت ناسي إني متجاوز أختك، المهم متنساش الي اتفقنا عليه ولا ده كمان نسيتته.

كريم: آه، آه افتكرت خلاص يا عم كنت ناسي.

شهاب: طب يا أخويا، على الله على بالليل متكونش نسيت تاني.

كريم: صحيح هي كارما عاملة ايه؟.

شهاب: كويسة الحمد لله نفسها تفتكر إن ليها أخ ويجي يزورها.

كريم: صباح تلقيح الكلام على الصبح حاضر يا شهاب هبقى أزورها ، أنا رايح أشرب قهوتي في مكتبي، سلام.

شهاب: سلام.

يترك كريم شهاب وبعدها يمسك شهاب بهاتفه محدثا كارما.

شهاب: صباح الخير على حب عمري كله.
كارما: صباح النور يا حبيب عمري، زعلانة منك، مشيت من غير ما أشوفك النهاردة.

شهاب: حبيبتي لقبيتك نائمة مرضتش أصحكي، المهم عايز أرجع من الشغل ألاقيكي جاهزة وعلى سنجة عشرة.
كارما: اשמعنى يعني؟.

شهاب: يعني زي ما تقولي كده هنخرج نسهر برة النهاردة.
كارما: ماشي يا حبيبي، هستناك بس على الله إنت اللي متتاخرش عليا زي عوايدك.

مع حلول الليل تستعد كارما للخروج مع شهاب، أما شهاب فيقف أسفل العمارة في انتظار نزولها، وعندما تنزل كارما ينبهر شهاب بجمالها فكانت كالأميرة في رقتها وجمالها.

شهاب: يا خبر أبيض عليا وعلى سيني.

كارما بابتسامة: إيه يا شهاب مالك؟.

شهاب: مالي إيه بس هاخرج بيكي إزاي كده؟.

كارما: إيه شكلي وحش؟.

شهاب: وحش إيه بس، دا انا شايف الشمس اتكرمت ونزلت تسهر معايا، لا، أنا غيرت رأيي مش هنروح نسهر برة، يالا على فوق.

كارما: يالا يا شهاب بلاش غلاسة بقى.

شهاب: هخرج على مسؤوليتك، بس لو طخيتلى كام واحد على الماشي عشان بصولك متبقيش تزعلي، وانا صعيدي ومخي مقفول.

كارما: لا وعلى إيه الطيب أحسن.

شهاب بضحك: طب يالا يا قمري.

كارما: قوي بقى هنروح فين؟.

شهاب: دلوقتي تعرفي.

ركبا السيارة متجهين إلى فيلا الصفدي.

شهاب: يالا انزلي.

كارما: أنزل فين؟، إحنا إيه اللي جابنا الفيلا هنا؟!، إنت مش قولت هنسهر.

شهاب: انزلي بس.

يتوجه شهاب وكارما إلى داخل الفيلا، وعندما يفتح الباب تتفاجئ كارما بأن شهاب أعد لها حفل كبير ودعا فيه جميع الأقارب والأصدقاء بمناسبة عيد

زواجهم.

كارما بفرحة: إيه المفاجأة دي يا شهاب!، إنت عملت كل ده امتى؟.

شهاب يخرج من جيبه خاتم ويلبسه لكارما وبعدها يقبل يدها.

شهاب: كل عيد جواز وانتي معايا يا حبيبتى.

لم تصدق كارما ما يحدث حولها وشعرت وكأنه حلم جميل، فاحتضنت

شهاب بشدة ودموع الفرحة في عينيها.

كارما: بحبك يا شهاب، بحبك يا ابن عمي.

بعد انتهاء الحفل ذهبا إلى منزلهما، وبعد أن أبدلا ثيابهما، جلس شهاب

بجوار كارما على السرير ممسكا بيدها ونظر لها بحب.

كارما: أنا مش مصدقة إنك عملت كل ده علشانى، ربنا يخليك ليا يا شهاب.

شهاب: لو معملتش كل دا علشانك يا كارما هعمله بس علشان مين، دا انتي

حبيبتى، ومراتى، وبنت عمي، لسه برضه مش شيفانى رومانسي؟.

تمسك كارما بطنها وتحدث بتعب: ياه إنت لسه فاكرك.

شهاب: مالك يا كارما؟.

كارما: معرفش يا شهاب مخلص جامد أوي.

شهاب: دا عندك من امتى؟.

كارما: عندي من الصبح، بس كنت بلهى، بس مكنش جامد كده.

يزداد تعب كارما .

شهاب: طب هطلبلك الدكتور.

كارما فى أم: لا يا شهاب وديني المستشفى أحسن، أنا مش مستحيلة الوجد

خالص.

شهاب: طب اسندى عليا وتعالى أوديكي المستشفى.

تسندت كارما على شهاب لتذهب إلى المستشفى ولكنها تفاجأ بنزول دم

غزير منها.

كارما بصراخ : الحق يا شهاب !!!!!.

صدم شهاب عندما رأى الدم، وحمل كارما وذهب بها سريعا إلى المستشفى.

.....في المستشفى.....

يقف شهاب أمام غرفة الكشف فى انتظار خروج الطبيب ليطمئنه على

كارما.

شهاب: خير يا دكتور طمني.
الدكتور: للأسف حالة إجهاض.

شهاب بوجع: تالالاني.

الدكتور: أنا أسف يا بشمهندس، بس أنا سبق وقولتلكم إن المشكلة إن إنت والمدام ولاد عم، ودا مآثر على موضوع الحمل ومخلي كل حمل يحصلها يتعرض للإجهاض، المشكلة إن الرحم عندها أجهد من كتر الإجهاض، ولازم تأخذ وسيلة تمنع الحمل في الوقت الحالي لحد ما الرحم يرتاح شوية. شهاب: أنا قولتلها يا دكتور، بس هي رفضت، قالتلي ازاي أمنع الحمل بإيدي، هي نفسها تبقى أم.

الدكتور: أيوا بس هي كده بتعرض نفسها للخطر، لإن كل حمل بيحصل مبيكملش وكل ده إجهاد على الرحم.

شهاب: أنا هحاول أتكلم معاها تاني ويارب المرة دي تفتنح.

الدكتور: عالعموم إحنا عملنا اللازم وممكن تفضل معناا للصبح نضمن عليها وبعدين تروح.

شهاب: متشكر يا دكتور.

الدكتور: شد حيلك يا ابني.

يدخل شهاب على كارما ليجدها نائمة على السرير، معلق لها بعض المحاليل ووجهها باهت ومتعب، يجلس شهاب بجانبها ويمسد على شعرها ممسكها يدها فتفتح كارما عينيها ببطئ عندما تشعر به.

كارما بضعف: شفت يا شهاب ابننا راح المرة بي كمان سقط زي كل مرة.

شهاب: هشششششش متفكر يش في أي حاجة دلوقتي، أنا أهم حاجة عندي إنك تقوميلي بالسلامة.

كارما: بس أنا نفسي أوي أجيب ابن منك نفرح بيه يا شهاب.

شهاب: حبيبتي دا نصيب وإحنا لازم نرضى بيه، وصدقيني يا كارما أنا مستكفى بيكي عن الدنيا كلها.

كارما: خليك جنبي يا شهاب أنا تعبانة أوي.

شهاب: أنا جنبك يا حبيبتي وعمري ما هابعد عنك.

بعد قليل يدخل كلا من كريم وليلى ليطمئنوا على كارما.

ليلى: إيه اللي حصل يا شهاب كارما مالها؟

شهاب: الحمد لله يا طنط عدت على خير.

يذهب كريم لكارما ويقبل رأسها.

كريم: سلامتک يا کارما ألف سلامة عليکي يا حبيبتى.
کارما بضعف: الله يسلمک يا کريم ، متقلقيش يا ماما أنا کويسة.
شهاب: کريم ! تعالى أنا اعزيزک.
کريم: حاضر.
يخرج کريم مع شهاب ويترکا ليلى بجانب کارما تحتضنها ، يقص شهاب على
کريم ما قاله الدكتور له.
کريم: يا حبيبتى يا کارما إجهاض تاني دي تعبت أوي يا شهاب كده.
شهاب: المشکلة يا کريم إن الدكتور قال لازم تأخذ مانع حمل لإن الرحم
أجهد من تکرار الإجهاض ودا مش کويس علشانها.
کريم: مستحيل هتوافق دي أختي وأنا عارفها صعيدية ودماعها ناشفة.
شهاب: أيوا بس المرة دي بتخاطر بحياتها وأنا مستحيل أسمح بده .
کريم : بص يا شهاب الوحيد اللى يقدر يقنعها بحاجة زي دي هو إنت، مش
بس لأنک جوزها ، لأنک کمان حبيبها وأقرب واحد ليها من زمان إنت الوحيد
اللى ليک قدرة على اقناعها.
شهاب: تفتکر هقدر أقنعها المرة دي.
کريم : جرب.

في منزل شهاب.
يعود شهاب مع کارما إلى المنزل، بعد أن سمح لها الطبيب بمغادرة المستشفى
،وتقابلهما انتصار الخادمة
انتصار: حمدا لله على السلامة يا هانم.
کارما: الله يسلمک يا انتصار.
شهاب: حضري الأکل يا انتصار لکارما ودخله جوا في الأوضة.
انتصار: حاضر يا بيه.
کارما: مليش نفس يا شهاب.
شهاب: مفيش الكلام ده، أنا هافتح نفسک.
يدخل شهاب کارما غرفتهما، ويريحها على السرير، ويحاول معاها أن تأکل.
کارما: خلاص يا شهاب مش قادرة، عشان خاطري يا شهاب متغصبش عليا.
شهاب: خلاص يا ستى، بالهنا والشفأ.
کارما: ربنا يخليک ليا يا شهاب.

شهاب يقبل يديها: ويخليكي ليا يا حبييتي، كارما ! في موضوع عايز أكلّمك
فيه،
كارما : موضوع إيه؟.

الفصل الرابع

في شركة الصفدي.....
يدخل كريم مكتب شهاب ليراجع بعض الملفات فتدخل عليه نيفين السكرتيرة.

نيفين: كريم بيه هو شهاب بيه مش هيجي النهاردة؟.
كريم: لا يا نيفين كارما تعبانة شوية هيفضل جنبها النهاردة.
نيفين: ألف سلامة عليها.
كريم: لو في حاجة مهمة بلغيني.
نيفين: حاضر يا فندم، صحيح في واحد سأل على بشمهندس شهاب.
كريم: واحد مين اسمه إيه يعني؟.
نيفين: مرضيش يقول اسمه.
كريم: طب كان عايز شهاب في إيه يعني؟.
نيفين: بيقول موضوع شخصي.
كريم: موضوع شخصي !!!، طب لو جيه تاني ابقى دخلهولي.
نيفين: حاضر يا فندم.

ونعود لمنزل شهاب
يستأنف شهاب حديثه مع كارما لإقناعها بأخذ وسيلة تمنع الحمل في الوقت الحالي.

كارما: إنت بتقول إيه يا شهاب إنت عايزني أمنع الحمل بإيدي، عايزني أقتل الأمل اللي عايشة عليه إن حملي يتم وأبقى أم، عايزني أقتل بإيدي حلم الأمومة عندي، لا أكيد إنت بتهزر!.

شهاب: يا حبيبتي أنا مقلتش هتمنعيه علطول، دي فترة مؤقتة لحد ما الرحم يرتاح شوية، وانت تستردي صحتك، كارما حبيبتي إحنا ناس مؤمنة وراضين باللي يجيهولنا ربنا وعارفين إن مفيش حمل لينا بيتم.
كارما: أيوا، بس أنا عمري ما هافقد الأمل، وعندي إحساس إن ربنا هيعوض صبري خير ويحققلي أمنيتي وابقى أم.

شهاب: يا كارما انت كده بتخاطري بحياتك!.

كارما: انت لسه قائل إننا ناس مؤمنة، وأنا راضية باللي كاتبهولي ربنا.
شهاب يحتضنها: عشان خاطري يا كارما أنا خايف عليكى أوي ومش متخيل

الحياة من غيرك.
كارما: يا سيدي انت شوفتنى حملت خلاص مش يمكن الحمل يتأخر لوحده.
شهاب: ولو حصل.
كارما: ساعتها يبقى يحلها ربنا.
شهاب: دماغك ناشفة يا بنت عمي.
كارما: خليك جنبى بس يا شهاب، وجودك جنبى هو اللى هيديني القوة
استحمل أي حاجة مهما كانت صعبة.
شهاب يقبل رأسها: أنا جنبك علطول يا كارما.

بعد مرور يومين في منزل شهاب.....
بدأت كارما تستعيد قوتها وصحتها وتتحرك داخل المنزل.
كارما: انتصار اعلميلي نسكافيه.
انتصار: حاضر يا هانم.
يدق جرس الباب فتذهب انتصار لتفتح الباب لتجده عامل من محل ورد
يأتي بباقة ورد لكارما.
كارما: مين يا انتصار؟
انتصار: دا واحد جايب بوكيه الورد ده لحضرتك.
كارما: ليا أنا ! مقلش من مين؟
انتصار: لا يا هانم.
كارما: طب هاتي كده.
تمسك كارما بباقة الورد وتقرأ الكارت الموجود معها لتجد مكتوب فيه
« الف سلامة عليكي يا ست البنات »
كارما: معلهوش اسم، بس أكيد من شهاب ، هيكون من مين يعني؟؟؟؟
يعود شهاب من عمله إلى المنزل ليلا ليجد كارما في انتظاره.
شهاب: إيه القمر ده هما كل اللى بيتعبوا بيحلوا كده.
كارما: يا سلام دا بكش بقى.
شهاب: مين قال إن ده بكش، دا واحد شايف مراته في عينه علطول حلوة
وزي القمر.
كارما: طب ممكن تغير هدومك عشان نتعشى سوا، مجاليش نفس آكل
طول اليوم من غيرك.

شهاب: حااااااضر. قوليلي صحيح مين اللي جاب بوكيه الورد اللي برة.
كارما باستغراب: إيه ده أنا افتكرتك انت اللي بعته!!
شهاب: لا أنا مبعتش ورد هو مكنش عليه كارت.
كارما: كان عليه بس مش مكتوب عليه اسم، كل اللي كان مكتوب عليه ألف
سلامة عليكي.
شهاب: غريبة دس.
كارما: عالعموم يمكن يكون حد من صحابنا أو أقاربنا وعرف بتعبي وبعته
ونسى يكتب اسمه عليه.
شهاب: يمكن.

بعد مرور عدة أيام في منزل شهاب.....
تجلس كارما على الأريكة تشاهد التلفاز فإذا بهاتف المنزل يرن فتذهب
كارما وترد.
كارما: ألو.
الشخص: ازيك يا حبييتي.
كارما: افندم! حبييتي! مين معايا؟
الشخص: أنا حبييك.
كارما: اظاهر حضرتك طلبت رقم غلط.
تغلق كارما الهاتف ولكنه يعاود الاتصال من جديد فترد مرة أخرى.
كارما: ألو.
الشخص: كده تقفلى السكة في وشي بدل ما تقوليلي وحشتني.
كارما: لا اظاهر إنك فاضي، وبتتسلى وتعاكس وإحسنلك تقفل ومنتصلش
هنا تاني.
الشخص: عندك حق الكلام في التليفون ملوش لزمة أنا هاجي بنفسي عشان
أشوفك، أصلك وحشاني أووووي.
كارما: لا دا انت إنسان مش محترم بقى واظاهر إنت مش عارف إنت طالب
مين؟
الشخص: لا عارف كويس يا مدام كارما أنا طالب مين، عالعموم استنيني
الأيام الجاية، آه وسلامي لبشمهندس شهاب.

أغلق الشخص الهاتف وترك كارما في حيرة من أمرها، من يكون هذا الشخص؟ وهل هو مجرد شخص مشاغب؟، أو أنه شخص له حكاية، وأن مكالمته ليست بمحض الصدفة إنما هي مقصودة لتوجيه رسالة معينة، والغريب أن هذا الشخص يعرفهما جيدا فقد ذكر اسمها واسم زوجها، والسؤال الأهم هل يجب أن تخبر شهاب بهذه المكالمة؟، ولكنها تعلم مدى عصبية زوجها وأنه من الممكن أن يقتل صاحب هذه المكالمة وهي لا تريد الأذى لأحد، أو أنها تعتبرها مكالمة من شخص مشاغب وتنساها.

تضع كارما يدها على رأسها من الحيرة والتفكير. يعود شهاب الى المنزل بعد انتهاء عمله فيدخل يبحث عن كارما ليجدها تقف في الشرفة ناظرة للنيل وشاردة يقترب شهاب منها ويحتضنها من ظهرها. كارما: شهاب ! إخص عليك خضتيني.

شهاب: حبيبي سرحان في إيه؟. التفتت كارما لشهاب ونظرت له ولكن نظراتها كانت كلها قلق وخوف.

شهاب: مالك يا كارما في إيه يا حبيبتني؟. كارما: حاسة إني مخنوقة أوي يا شهاب وقلبي مقبوض. شهاب احتضنها: دا بس عشان اللي حصلك لكن مفيش حاجة تخليكي تقلقي، أنا معاكى وجنبك.

ازدادت كارما من احتضانها لشهاب لكي تشعر بالأمان ولكن قلبها مازال قلقا وخاذفا من حدوث شيئا ما لا تعلمه.

بعد مرور شهرين.....

في شركة الصفدي.

يجلس شهاب في مكتبه يراجع بعض الملفات فتدخل عليه نيفين.

شهاب: خير يا نيفين في حاجة؟.

نيفين: في واحد عايز حضرتك برة.

شهاب: واحد مين ده؟.

نيفين: هو كان جيه لحضرتك قبل كده لما كانت مدام كارما تعبانة بس مرضيش يقول اسمه.

شهاب: ليه يعني جنبه اللهو الخفى، أقولك دخليه نشوف إيه حكايته .

نيفين: حاضر يا فندم.

يدخل الشخص لمكتب شهاب فيتفاجأ شهاب من وجود هذا الشخص وتتغير ملامح وجهه إلى الضيق .

شهاب: إنت ! هو إنت بقى اللي عايز تقابلني ومش راضي تقول اسمك.

حسن: آه أنا يا بشمهندس، يا ترى فاكركي وإلا السنين خلتك نسيته.

شهاب: لا للأسف فاكرك، خير جاي تخطب مين المرة دي يا حسن.

حسن: متستعجلش يا بشمهندس هتعرف أنا عايز إيه؟.

شهاب: طب اقعد وقول عايز إيه بس بسرعة عشان مشغول.

حسن: أنا مش هأخذ من وقتك كثير هما كلمتين هقولهم وامشى.

شهاب: وياه هما الكلمتين؟.

حسن: انا جاي النهاردة اطلب منك تعمل موقف نبيل، وتسبب اتنين بيحبوا

بعض يرجعوا لبعض وترحمهم من العذاب اللي عايشينه وهما بعيد عن

بعض، وأنا واثق إنك مش هترضى تبني سعادتك على حساب تعاسة غيرك.

شهاب: إنت بتقول إيه؟، أنا مش فاهم منك حاجة، هما مين الاتنين اللي

عايزني أرجعهم لبعض وأنا دخلي إيه أصلا بالكلام ده؟.

حسن: لا دخلك يا بشمهندس لأن الاتنين اللي بكلمك عليهم هما أنا وكارما

مراتك.

شهاب بعصبية: إنت بتقول إيه يا حيوان!!، إزاي تجرؤ تجيب سيرة كارما

مراقي على لسانك، اظاهر علقه المرة اللي فاتت معلمتكش الأدب وإلا شكلك

شاربلك حاجة.

حسن : اهدى بس يا بشمهندس وحاول تفهم الموضوع صح وياريت بلاش

تهور.

شهاب: موضوع إيه اللي أفهمه؟.

حسن: أنا مقدر طبعا إن الموضوع بالنسبة ليك صدمة، بس هي دي الحقيقة

اللي لازم تتعايش معاها، أنا وكارما بنحب بعض من زمان، ولولا إن حسين

بيه الله يرحمه جبرها إنها تتخطبك وتتجوزك كان زماي أنا وهي متجوزين

دلوقتي، وعلى فكرة ده كلام كارما مش كلامي هي كل ما تقابلني تأكدلي

إنها لسه بتحبني، وإنها عمرها ما حبت ولا هتحب حد غيري، وإنها كانت

مجبرة تتجوزك عشان تنفذ رغبة والدها مش أكثر.

يذهب شهاب إلى حسن ليتشاجر معه ويمسكه من قميصه ويتحدث بصوت

عالي.

شهاب: انت اتجننت يا كلب ازاي تتكلم كده عن مراقي، مراقي أنا بتروح

تقابلك إنت وتقولك الكلام ده.

يدخل كريم إلى المكتب عندما سمع صوت شهاب ليجده يتشاجر مع حسن.
كريم: مالك يا شهاب بتزعلق ليه ومين الشخص ده؟.

شهاب: البيه جاي يقولي إن كارما بتحبه وبتروح تقابله من ورايا!!.
كريم: إنت بتقول إيه يا بنى آدم انت ازاي تجرؤ تجيب سيرة كارما على لسانك؟.

حسن: أنا غلطان إني جيت أطلب منك تنسحب بهدوء من حياتنا، بدل ما تفضل عايش طول عمرك زوج مراته بتستغفله.
وهنا لم يستطع شهاب أن يتمالك أعصابه فتوجه إلى درج مكتبه، وأخرج منه مسدسه وهم أن يطلق النار على حسن لولا أن امسك كريم يده .
كريم: هتعمل إيه يا مجنون؟.

شهاب: هاقتله أمال هسيبه عايش بعد الكلام اللي قاله على كارما.
كريم نظر لحسن: غور انت من وشه دلوقتي ليقنتك، وقسما بالله لأدفعك
تمن كل كلمة قلتها على أختي.

حسن: عالعموم أنا هرجعلك تاني لما تهدي، يمكن تبقى حابب تعرف أكثر
عن حقيقة اللي بيني وبينها، آه وأبقى بلغها إني هبقى معاها في أقرب وقت
فمفيش داعي تبقى قلقانة كده وقلبها مقبوض.
كريم: اطلع برة يا حيوااااان برة لأطلبك الأمن.

خرج حسن من مكتب شهاب تاركا إياه مصدوما من وقع الكلام وواضعا
يده على رأسه.

كريم: إيه يا شهاب مالك؟.

رفع شهاب وجهه ناظرا لكريم.

كريم: إنت بتبصلي كده ليه؟، المفروض متبقاش في الحالة دي ولا الكلام
يفرق معاك أصلا، دا واحد مجنون وبيقول كلام مجانيين محدش يصدقه.
لم ينطق شهاب بأي كلمة وكأن الكلام تجمد على لسانه.

كريم: أنا كنت متخيل في موقف زي ده إني المفروض أنا اللي أثور، وإنت
اللي تحاول تهديني.

شهاب: اشمعنى؟.

كريم: عشان إنت عارف كارما أكثر مني يا شهاب، أنا صحيح أخوها شقيقها
لكن إنت بالنسبة لها كل حاجة في حياتها، إنت ابن عمها اللي رباها وكانت
بالنسبة ليك أختك، وبننتك، وحببنتك، ودلوقتي مراتك انت تعرف كارما أكثر

من نفسك ، اوعى تقولي إنك صدقت حرف واحد من كلام الواد ده، لا دا انت تبقى بتهزر، دا انتوا قصة حبكم كانت معروفة في العيلة كلها، إزاي تصدق ولو مجرد شك إنها ممكن تفكر في غيرك.
شهاب: أنا عارف كل الكلام اللي إنت بتقوله كويس أوي، وزى ما إنت قولت كارما تبقى حبيبتى قبل ما تبقى مراتي و بنت عمي، عشان كده مش متخيل إن ممكن كلب زي ده يقول كلمة واحدة عليها.
كريم: خلاص يبقى تنسى كل اللي حصل واتقال .
شهاب: هحاول يا كريم، بس ممكن كارما متعرفش حاجة عن اللي حصل ده، هى فيها اللي مكفيها.
كريم: ماشى يا ابن عمي.

في منزل شهاب ليلا.....
يعود شهاب إلى منزله وهو في حالة غير طبيعة من أثر كلام حسن ويبدو عليه الشرود ، يجد شهاب كارما في انتظاره وعندما تراه تجري عليه وترتمي في حضنه، لكن هذه المرة لم يتجاوب معاها شهاب ولم يبادلها مشاعرها له وتركها وجلس على السرير .
جلست كارما أمامه على ركبتها ممسكة يديه.
كارما: مالك يا شهاب؟.

لم يجيبها شهاب ولكن ظل ينظر لها ويحدث نفسه هل يمكن ان يكون ما يراه أمامه من حب طوال هذه السنوات مجرد تمثيل؟، هل يمكن أن تخدعه كارما كل هذه السنين؟، وأن يعيش على وهم كبير اسمه الحب، لا، لا يمكن، فهذا هي كارما حبيبتة التي رباها على يديه وكبرت أمامه وفي قلبه، لا يمكن أن يكون حبهما وهم أو لعبه، ولا يمكن لكارما أن تخدعه أبدا فهي حبيبتة. ولكنه تذكر كلمة حسن له « وابقى بلغها انى هبقى معاها قريب فبلاش تبقى قلقانة كده وقلبيها مقبوض»
وازدادت حيرته التي بدأت تظهر على وجهه.
ولكنه أفاق من شروده على صوت كارما.
كارما: إيه يا شهاب بكلمك من ساعة ما جيت مبتردش عليا، إنت مش سامعني؟.

شهاب بضيق: معلش سرحت شوية، كنتي بتقولي إيه؟؟.

كارما: بقولك مالك يا حبيبي شكلك مضايق ؟.

شهاب: انت لسه قلبك مقبوض وقلقانة؟!.

كارما: ليه بتسأل السؤال ده ؟.

شهاب: مفيش بظمن عليكى.

كارما: لا يا حبيبي طول ما انت معايا أنا ببقى مطمئنة وبنسى كل القلق.

تركها شهاب ليبدل ملبسه فى قلق منها.

كارما: طب أنا هاروح أحضرك العشا على ما تغير هدومك.

شهاب: لا أنا هنام علطول.

كارما: ليه يا شهاب مش هتتعشى؟.

شهاب: مليش نفس، تصبجي على خير.

كارما فى نفسها (هو فى ايه ماله؟).

ظل كريم ينظر لكارما التي قرأت في عينيه الضيق والحزن.
كارما: إيه اللي حصل يا كريم؟ أرجوك طمني، أنا حاسة إن في حاجة انتوا
اللاتين مخبينها عليا.
كريم: حاضر يا كارما هقولك على كل حاجة.

في شركة الصفدي.....
يجلس شهاب في مكتبه بداخل الشركة في حالة ضيق ناظرا إلى الهاتف، وكأنه
في انتظار مكالمة هاتفية وعندما يئس من الانتظار تحدث في الهاتف مع
نيفين.
شهاب: نيفين ! عايزة أسألك على حاجة... الشخص اللي جالي من كام يوم
ومكنش راضى يقول اسمه مجاش ثاني.
نيفين: لا يا فندم مجاش.
شهاب: ولا اتصل؟.
نيفين: ولا اتصل يا فندم.
يخلق شهاب الهاتف مع نيفين ليعود إلى شروده مرة أخرى، ولكن يقطع
شروده صوت هاتفه فيرد.
شهاب: ألو.
حسن: ازيك يا بشمهندس، أنا حسن خليل.
شهاب: إنت جيت رقمي منين؟.
حسن بسخرية: بلاش أجابو عشان مضايقتكش.
حاول شهاب أن يتمالك أعصابه حتى لا يخسر ما يريد أن يعرفه.
حسن: أنا طبعا عارف إنك مستنى مكالمتي دي من ساعة ما جتلك وإنك
هتجنن وتسمع الكلام اللي عندي.
شهاب: مين اللي قالك الكلام الفارغ ده؟، ومين أصلا فهمك إني مصدق كلمة
واحدة من اللي قلتها.
حسن: عالعموم لو تحب ممكن أكرر زيارتي ثاني، بس المرة دي لازم تبقى
هادي عشان تقدر تسمع وتتقبل اللي هقوله وأعصابك متفلتتش منك.
شهاب: قصدك الكذب اللي هتكذبه.
حسن: سميتها زى ما تسميها، المهم إنك هتجنن وتسمع الكذب دا وتعرف
إيه دليلي عليه؟،

شهاب: قصره هتيجي امتي؟.
حسن: الوقت اللي تحدده بس المرة دي أفضل أجيلك البيت.
شهاب: انت اتجننت بيت ايه اللي تيجي فيه!!، إنت محدش علمك إن البيوت ليها حرمة.
حسن يضحك بسخرية: مش يمكن الحرمة دي تخصني أكثر ما تخصك.
شهاب: قسما بالله لو ما احترمت نفسك واتعدلت في كلامك لأعرفك شغلك كويس.
حسن: خلاص يا عم من غير تهديد، أنا عايز أجيلك البيت لإن الكلام اللي هاقوله مينفعش يتقال في الشركة عندك، وفي نفس الوقت عشان يحصل مواجهة بيني وبين المدام وتتأكد إني مش بكذب عليك.
شهاب: أنا هوافق بس عشان أشوف كارما وهي بتبهلك اداامي وبتسمح بكرامتك البلاط.
حسن باستفزاز: ميعادنا بكرة الساعة ثمانية، سلام.
شهاب في نفسه (وديني لأقتلك يا حسن يا خليل، بس بعد ما أحط حد لكل ظنوني وشكوكي وارتاح).

في منزل شهاب.....
نعود لكريم الذي قرر أن يخبر أخته بحقيقة حزن شهاب الفترة الماضية.
كارما بصدمة: إنت بتقول إيه يا كريم أنا مش قادرة أصدق اللي بسمعه.
كريم: كارما يا حبيبتي أرجوكي مضايقيش نفسك، وأنا أوعدك ورحمة بابا لأدفع الكلب ده تمن كل كلمة قالها عليكي أنا اللي منعني عنه ساعتها إن خفت شهاب يقتله ويروح فيها.
كارما: إنت فاكِر إني مصدومة من الكلام اللي الزفت دا قاله ، لا يا كريم أنا مصدومة من رد فعل شهاب على الكلام، انت عايز تقولي إن شهاب متغير اليومين دول وبعيد عني بسبب الكلام اللي سمعه من حسن، عايز تقولي إن شهاب جوزي وحبيبي وقبل كل ده ابن عمي مصدق الكلام اللي اتقال عليا، طب ازاي يصدق إني ممكن أحب غيره!!، وإني كمان أخونه، أنا مش قادرة أصدق إن اللي بتتكلم عنه ده شهاب.
كريم: أرجوكي اهدي يا كارما، وكل حاجة وليها حل، المهم انتِ ناوية تعملي إيه دلوقتِي.

كارما: مش هعمل حاجة يا كريم هستنى واشوف رد فعل شهاب، هشوف كل السنين اللي عشتها معاه فيها كنت ببني بيت متين وحياء بجد، وإلا كنت ببني بيت من الرمل أضعف موجة تيجي تهده، أنا مش هعمل أي حاجة يا كريم هتفرج وبس.

يعود شهاب إلى المنزل ليلا ليجد كارما في انتظاره ولكن هذه المرة لا تركض إليه كعادتها وتحضنه وإنما ظلت تنظر له في صمت نظرات لها معنى وقد لاحظ شهاب نظراتها له.

شهاب: مالك يا كارما بصالي كده ليه؟.

كارما بجمود: إيه مش من حقي؟.

شهاب: لا مش الفكرة بس حاسك عايزة تقولي حاجة.

كارما: ولا أي حاجة، أنا بس عايزة أفضل ببالك، عايزة أفضل باصة لابن عمي اللي فتحت عينيا على حبه عشت واتربيت معرفش حاجة غير حبه ومبتمناش حاجة غير إنه يفضل جنبي.

اختق صوت كارما للحظة ولكنها تمالكت نفسها وعاودت الحديث: عارف يا شهاب وأنا صغيرة كنت بتحجج اني عايزة ألعب مع لبني أختك عشان أروح البيت عندكم وأفضل اتفرج عليك من بعيد وإنت قاعد مع عمي، كنت ساعتها عيلة صغيرة مش عارفة أنا بعمل كده ليه؟، وليه كنت ببقى مبسوفة وأنا شايفاك ادامي وقريب مني، ولما دخلت المدرسة كنت بعمل نفسي مش فاهمة الرياضة عشان عارفة إنك شاطر فيها، وهتذكرهالي، كنت لما بتمرحلي المسألة وابقى فهماها أوي، وبالرغم من كده أعمل نفسي مش فاهمة عشان تعيدهالي، تاني وتالت كل ده عشان تفضل أطول وقت ممكن جنبي، ولما دخلت ثانوى كنت هموت وادخل كلية الطب وابقى دكتورة لكن فضلت ادخل علمي رياضة زيك عشان تفضل انت برضه اللي تذاكري، وتبقى قريب مني وكانت النتيجة اني مجبتش مجموع لإني دخلت حاجة مبحبهاش ودخلت في الآخر كلية تجارة، بس عارف رغم كل اللي حصل مكنتش بيهمني غير إزاي ابقى جنبك وقريبة منك، عارف يوم ما عرفت إنك كلمت بابا وخطبتني منه كنت عاملة زي العيلة الصغيرة قعدت اتطنطت على السرير من الفرحة، ويومها صليت كثير أوي عشان أشكر ربنا إنه حقيقي أعلى أمنية عندي، الحاجة الوحيدة اللي كنت متأكدة منها طول عمري هي حبك يا شهاب، اللي على مدار عمري كان بيكبر جوايا من غير حدود.

وهنا لم تستطع كارما الحديث وانهاالت دموعها على وجهها ، لم يستطع

شهاب تحمل رؤية دموع كارما وحديثها معه زلزل كيانه من الداخل ، اقترَب، شهاب منها وأمسك بيديها.

شهاب: انتى كمان يا كارما حبك اتولد فى قلبي من يوم ما جيتي للحياة، كنتي كل يوم بتكبري ادامى وأنا حاسك حاجة غالية أوي تخصني، لا أنا كنت بحسك حته مني بتتحرك ادامي، حته مني رجعت جوايا يوم ما اتجوزنا وبقيتي جنبي، ممكن أعرف بقى إيه لزمة الكلام دا دلوقتي؟، وإيه اللي فكرك بيه؟.

كارما بانهياري: عشان بعد كل الحب ده وكل السنين اللي بينا بتشك فيا يا شهاب، بعد عمري اللي عشته بحلم فيه بقربك ووجودك جنبي، أعرف إنك صدقت كلام اتقال عليا من واحد حقير عايز يوقع بينا. شهاب : انتى عرفتي إيه بالطبط؟.

كارما: عرفت كل حاجة يا بشمهندس عرفت الكلام اللي حسن خليل قاله عليا، بس صدقني مش دا اللي جرحني، اللي جرحني بجد شكك فيا، كونك تتغير معايا وتبعد عني وللحظة تفكر مجرد تفكير إن كلام زي ده ممكن يكون صح، دا قتلني مش جرحني بس.

شهاب: كارما انا مصدقتش كلام الزفت ده، بس أي واحد يسمع كلام زي ده عن مراته لازم يتصدم.

كارما: أي واحد غيرك انت، لأنى ببساطة أنا إنت، أيوا احنا شخص واحد كل صغيرة وكبيرة في حياتي تعرفها عني، أنا كبرت بين إيديك وفي حضنك يبقى إزاي ممكن تصدق كلام زي ده؟.

شهاب احتضنها بقوة: ارجوكي يا كارما خليكي جنبي وفي حضني لحد ما نعدى الأزمة دي سوا متبعديش عنى مهما حصل. كارما: خايفة أوي من اللي جاي يا شهاب. شهاب: طول ما احنا مع بعض هنعدى أي أزمت.

في اليوم التالي في منزل شهاب.....
كان الكل فى انتظار وصول حسن ،كانت كارما يظهر عليها القلق وعندما أحس شهاب بقلقها ذهب إليها وضمها إليه ليطمئنها ، دق جرس الباب معلنا وصول حسن خليل، فذهب كريم ليفتح الباب لعدم وجود أي خدم فقد أعطاهم شهاب جميعهم إجازة .

وعندما فتح كريم الباب وجده حسن خليل، دخل حسن ونظر إلى كارما التي يضمها شهاب إليه وتقابلت عيناهما في نظرة طويلة ، أفاق حسن من سحر نظرة كارما فهي لا تزال الانسانة الوحيدة القادرة على نقله إلى عالم آخر بنظرتها الساحرة له.

حسن: ازيك يا كارما.

شهاب: اسمها مدام كارما الصفدي حرم المهندس شهاب الصفدي متنساش نفسك.

حسن بسخرية : ماشي يا بشمهندس، عاذرك ومقدر موقفك لحد بس ما أخلص كل اللي عندي وعايز أقوله.

كريم: ما تخلص يالا وتبخ اللي في جرابك وتخلص.

حسن: تحبوا تعرفوا إيه بالضبط العلاقة بيني وبينها وصلت لفين؟ وإلا أقولكم إيه رأيكم أحكيلكم الحكاية من أولها.

كارما بغضب : علاقة إيه يا حيوان؟!، أنا في بيني وبينك علاقة أصلا.

حسن: خلاص يا كارما اللي بينا مبقاش ينفع يستخبي أكثر من كده وإلا انتي متعبتيش من بعدك عني.

لم يستطع شهاب أن يتمالك أعصابه وكاد أن يقتله ولكن كريم أمسكه وأبعده عنه.

شهاب: وديني لاقتلك يا ابن خليل.

كريم: اهدى يا شهاب وانت يالا قول اللي عندك وخلص.

حسن: ماشي، الحكاية بدأت يوم ما رحنا اتقدم لكارما هانم واطلب إيديها من البشمهندس، لإني مكنتش أعرف بموضوع خطوبتها منه، ساعتها البشمهندس بهدلني وضربني وأهاني بما يكفي، خرجت من عندكم وأنا يائس ضايع كاره الدنيا باللي فيها، وقررت أسبب البلد كلها وأسافر، وفعلا واحد صاحبي جابلي شغل كويس في السعودية، سافرت وهناك كنت بشتغل ليل نهار مكنتش بنام ساعتين على بعض كنت بحاول انسى اللي حصلي، كنت بحاول أنساها هي شخصيا، ورجعت بعد ثلاث سنين وعرفت إنها اتجوزت شهاب بيه، وإن كمان حسين بيه اتوفى ،ساعتها فكرت أروحها القاهرة أعزيها بس تراجع في آخر لحظة قلت لنفسي لازم أخرجها من حياتي وأنساها وأسببها تكمل حياتها مع الإنسان اللي اختارته، لحد ما في يوم كنت قاعد في محل أبويا وفوجئت إنها جت هي وشهاب بيه الفيلا عشان يقضوا يومين، أول ما شوقتها كل قراراتي اللي خدتها بنسيانها اتلغت فورا

حسن: متزعليش مني، انت دلوقتي بقيتي متجوزة، وأنا بافهم في الأصول.
كارما: عندك حق، عالعموم أنا مش هاطول عليك، أنا بس في كلام جوايا
ومحتاجة أقوله، عندك استعداد تسمعني.

حسن: طبعا اتفضلي قولي يا ست البنات.

كارما نظرت له وابتسمت.

حسن: بتضحكي على إيه؟.

كارما: بقالي كتير مسمعتش الكلمة دي منك.

حسن: ما انت هتفضلي طول عمرك ست البنات في عيني.

كارما: بجد يا حسن.

حسن: طبعا يا ست البنات، قوليلي بقى عايزة تقولي إيه.

كارما: فاكرا يا حسن لما جيتلك من ثلاث سنين قبل ما أسافر وقولتلك إنساني
وإني باحب شهاب ابن عمي.

حسن بوجع: آه لما اتريقتي عليا وعلى حبي ليكي وقولتيلي أفوق من اللي أنا
فيه وأعرف أنا مين وإنّ مين، إنّ كارما الصفدي خطيبة المهندس شهاب
بيه الصفدي وإنّ شهاب بيه هو ابن عمك وحبيبك.

كارما: أنا آسفة يا حسن إني قولتلك ساعتها كده، بجد مكنش قصدي أجرحك.

حسن: آسفة على إيه إنّ قولتي الحقيقة.

كارما: بس اكتشفت بعدها إنّ مش دي الحقيقة.

حسن: يعني إيه مش فاهم؟؟.

كارما: يعني يا حسن أنا اكتشفت إنّ حبي لشهاب هو اللي كان مجرد وهم،
أنا طلعت لقيت شهاب قدامي طول الوقت والعيلة كلها بتعدوا الكبير
بعد بابا الله يرحمه، طبيعي إني أتشد ليه، لكن لما اتكلمت معاك وقرئت
الحب اللي في عينيك وعرفت منك إنّك عندك استعداد تعمل أي حاجة
وتضحني بأي حاجة عشان خاطرني ساعتها لقيت مشاعري وأحاسيسي بتتغير
وتتروحلك إنّ .

حسن: واكتشفتي الكلام دا امتي؟.

كارما: بعد ما سافرنا القاهرة بعد اللي حصل علطول، ساعتها لقيت نفسي
من غير ما أقصد بفكر فيك باستمرار بافتكر كل كلامنا وضحكنا مع بعض،
لقيتك محتل كل تفكيري، لدرجة إنّ مبقاش في مجال لشهاب في دماغني.

حسن: امال اتجوزتي شهاب بيه ليه؟

كارما: بعد ما إتاكدت من حقيقة مشاعري ناحيتك قررت أواجهك بالحقيقة

دي، واستغلّيت يوم ما رحتش فيه الجامعة وسافرت مطروح عشان أقابلك، بس ساعتها والدك قابلني، وقال لي إنك سافرت، ساعتها الدنيا كلها إسودت في وشي، وإتأكدت إنك سبت البلد بعد اللي حصل مني فقدت الأمل ساعتها إنك هترجعلي تاني ومكنش قدامي غير إني أكمل جوازتي بشهاب.
حسن: بس إزاي وانتِ بنفسك جيتيلي واعترفيلي بحبك لابن عمك.
كارما: خفت يا حسن لما جيتلك ساعتها كنت خايفة .
حسن: خايفة من إيه؟؟؟.

كارما: شهاب لو عرف بحقيقة مشاعري ناحيتك مكنش هيسكت ولا هيسيبك في حالك، دا كان ممكن توصل بيه إنه يقتلك، وأنا عمري ما كنت هاسامح نفسي لو كان جراللك حاجة بسببي.
حسن: كنتي قوليلي، حرام عليكي، مكنتيش سيبتيني باتعذب من كلامك طول السنين دي، أنا كنت مستعد أتحدى أي حد عشانك، لا أنا كنت مستعد آخذك ونهرب بعيد ونتجوز.

كارما : شهاب مكنش هيسيبنا كان هيفضل ورانا.
حسن: وانتى بقى جاية دلوقتي عشان تحكي لي اللي حصل ساعتها؟.
كارما: لا يا حسن أنا جاية اقولك إني لسه بحبك.

بنظرها إلى شهاب تبحث عن طوق النجاة، كانت تود أن ترى في عين شهاب نظرة ثقة، لكن خذلها وبادلها نظرات كلها إتهام وشك. كارما بإنهيار: دا كداب يا شهاب، إوعى تصدقه دا عايز يوقع بيني وبينك، صدقتي أنا عمري ما حبيت غيرك، ولا عمري أفكر أسيبك ولا أخونك. كان هناك بركان يغلي بداخل شهاب، يود أن ينفجر ولكن شهاب تمالك نفسه حتى لا يندم، أما كارما فلم تستطع تمالك نفسها، فركضت إلى حسن وأمسكته من رقبتة وهي منهارة : إنت إيه يا أخي ليه بتعمل كده ليه؟، عايز تدمرني وتدمر حياتي ليه؟، حرام عليك أنا أذيتك في إيه؟. أما كريم فركض إلى كارما وأمسكها وضمها إلى حضنه بقوة حتى تهدأ، مطمئنا إياها إنه يصدقها: إهدي يا كارما، اهدي يا حبيبتي أنا عارف إنه كداب.

كريم نظر إلى حسن: وإنت غور دلوقتي مش عايز أشوف وشك. نظر حسن إلى شهاب الذي لا يتحرك ولا ينطق بكلمة واحدة من الصدمة نظرة انتصار وأكمل حديثه:عالموم أنا هامشي دلوقتي بس هاجيلكم تاني عشان نكمل الحكاية، وتكون المدام كمان هديت، أه .. علفكرة اسم الشركة اللي باشتغل فيها شركة الفهد للمقاولات، حضرتك طبعا يا بشمهندس تقدر تتأكد بسهولة منهم مين اللي كان واسطتي عشان أتعين في الشركة، سلام. تركهم حسن وذهب، وهم جميعا في حالة يرثى لها، كريم يحاول تهدئة أخته المنهارة في حضنه وشهاب الذي أجمته الصدمة. في آخر الليل شهاب وكارما كانا يجلسان في غرفتهما على السرير، وكل منهما موالى ظهره للآخر في حالة صمت وشروء، وكأن لسانهما أصبحا عاجزان أن يعبرا عما يدور بداخلهما.

ولكن قطع صمتهم صوت كارما التي تحدثت بصوت مختنق: شهاب ! إنت ساكت ليه ؟؟؟.

شهاب: وتفتكري المفروض أقول إيه؟، تحركت كارما في اتجاهه ووقفت أمامه : قول أي حاجة يا شهاب، قول إنك مش مصدق النبي آدم ده في الكلام اللي قاله ! انت عارف إنه عايز يوقع بينا صح ، قول إنك واثق فيا، وإني عمري ما أفكر في غيرك.

لم يرد عليها شهاب، وإنما التفت بوجهه إلى الجهة الأخرى هاربا من نظراتها له، فأمسكت بوجهه ونظرت في عينيه بعينها اللتان تملأهما الدموع وتحدثت إليه: بص في عينيا كده يا شهاب.... لا يا شهاب إوعى يكون الشك

اللي قرياه في عينيك دا بجد، إوعى تقولي إنك مصدق إني ممكن أفكر أخونك، أو أفكر في حد غيرك، دا أنا كارما يا شهاب، كارما بنتك اللي ربيتها على إيدك، وأختك اللي طول عمرها بتسمع كلامك وتحت طوعك، ومراتك وحببتك.

كان شهاب في حالة من الضيق تجعله لا يستطيع أن يتحدث معها حتى لا يصعب الأمور بينهما فهو في الوقت الحالي مشوش، تائه، لا يعرف الحقيقة، فأختار شهاب أن يهرب من هذا الموقف.

كارما بصراخ: رد عليا يا شهاب أرجوك، سكاتك دا بيموتني.

شهاب بصوت مخنوق: أنا خارج يا كارما.

كارما: خارج! دلوقتي وسايبني، رايح فين؟

شهاب: حاسس إني مخنوق وعازيز أقعد لوحدي.

تركها شهاب هاربا من المواجهة، وهي منهارة، لا تصدق ما يحدث حولها، هل يمكن لشهاب أن يصدق ما قيل عنها؟، هل يمكن أن يصدق أنها تخونه مع غيره؟، أما شهاب فظل طوال الليل يسير بسيارته تائها لا يعلم وجهته وكأنه ضل طريقه، وكلام حسن يتردد في أذنيه يزيد من غضبه، عاد شهاب إلى منزله في الفجر فوجد كارما نائمة ووجهها أحمر من كثرة البكاء، أخذ ينظر إليها ويتأمل ملامحها التي طالما عشقها، أخذ يتذكر كل لحظاته معها فهي وحدها من تقدر أن ترسم الابتسامة على شفتيه، وهي وحدها من ملكت قلبه وعقله، أفاق شهاب من شروده وبدل ملابسه ونام بجانب كارما مواليها ظهره، وهنا فتحت كارما عينيها ببطء فهي لم تكن نائمة وإنما ادعت النوم حتى ترى ما سيفعله شهاب معها.

في اليوم التالي.....

عندما حل الصباح خرج شهاب دون أن يتحدث مع كارما وأسرع إلى شركة الفهد حتى يتأكد من حديث حسن، وهناك قابله منير الفهد صاحب الشركة استقبال حافل.

منير الفهد: أهلا وسهلا، أهلا وسهلا، شهاب باشا الصفدي بنفسه هنا!، دا إيه النور ده.

شهاب: أهلا بيك يا منير بيه، أنا كنت قريب منك، وقولت أعدي أسلم عليك. منير: منورني يا باشا والله تشرب إيه؟

شهاب: قهوة مطبوط.

منير: طول عمرك مطبوط في كل حاجة يا بشمهندس.
أمسك منير الهاتف طالبا القهوة لشهاب، أما شهاب فكان شاردا لا يعرف
كيف يسأل منير عن حسن وبأي صفة.
منير: إيه أخبار الشغل يا بشمهندس.

شهاب: تمام ماشي الحال.

منير: ها قريبك قالك إننا عاملين معاه الواجب وإلا لا.

شهاب: قريبي! قريبي مين؟

منير: الشاب ده اللي اسمه حسن، اللي حضرتك بعثلي معاه كارت توصية
عشان أشغله، أنا بصراحة أول ما عرفت إنه جاي من ناحيتك عينيته على
طول.

شهاب بصدمة: إمتى حصل الكلام ده؟

منير: من حوالي سنة.

قبض شهاب على يديه من الغضب وأصبح شاردا.

منير: بس أنا استغربت لما هو قريبك معينتنوش ليه في الشركة عندك؟...
شهاب بيه، ... شهاب بيه، رحى فين؟

شهاب: ها، ... لا معاك كنت بتقول إيه معلش.

منير: كنت بقولك لما هو قريبك معينتنوش ليه في الشركة عندك.

شهاب في تردد: لا، أصله مش قريبي، دا ابن البواب اللي عندنا، وأنا ما حبتش
يחס إنها مساعدة لو شغلته عندي، فقلت أوصي عليه عندك في الشركة.

منير: طول عمرك صاحب واجب.

شهاب بضيق: طب معلش يا منير بيه أنا مضطر امشي افتكرت ميعاد مهم
عندي.

منير: ملحققتش تقعد يا بشمهندس، عالعموم مش عايز أعطلك، بس ياريت
تكرر الزيارة دي تاني.

شهاب: إن شاء الله، بعد إذنك.

خرج شهاب من شركة الفهد وهو في قمة غضبه، هل يعقل أن يكون كلام
حسن صحيحا؟ هل يمكن لكارما زوجته وحببيته أن تخونه حقا؟!!!

قاد شهاب سيارته بأقصى سرعته وهو غاضب متجها إلى منزله، ليواجه كارما
بما عرفه وعندما وصل إلى منزله، أغلق الباب بشدة ودخل على كارما التي
خافت عندما رآته في هذه الحالة.

كارما في قلق: فيه إيه يا شهاب؟.

امسكها شهاب من كتفيها بقوة وتحدث إليها في غضب : في يا مدام كارما
إني اكتشفت بعد كل السنين دي إني مغفل، وإن مراقي بتستغفني وبتعرف
شخص تاني عليا.

كارما: إنت اتجننت يا شهاب!!، إيه اللي إنت بتقوله ده ؟.

شهاب: إيه يا مدام مستغربة ليه؟، مش دي الحقيقة، الحقيقة اللي حاولتي
تخبئها عليا طول الفترة اللي فاتت دي، لحد ما جيه حسن وكشفها، وكشفك
معاها.

كارما بغضب: أنا مش هاسمحك تقول كلمة واحدة زيادة، ممكن أفهم في
إيه لكل ده؟.

شهاب: في يا مدام إن كلام حسن طلع صح (ارتفع صوته) ممكن أعرف
كارت التوصية اللي باسمي راح لشركة الفهد إزاي يا مدام، انطقي كارتي
الشخصي راح لإيد حسن خليل إزاي يا مراقي المصون.

كانت كارما مصدومة من كلام شهاب وكانت تبكي ولم تستطع أن ترد عليه.
شهاب: ما تردي، ساكتة ليه؟، وإلا مش عارفة تقولي ايه بعد ما عرفت
الحقيقة.

كارما: شهاب أرجوك إفهم الحقيقة قبل ما تتسرع .

شهاب: حقيقة إيه؟، حقيقة كدبك عليا، حقيقة إنك كنتي بتقابلي واحد من
ورا جوزك وبتحبوا في بعض والله أعلم كنتو بتعملوا إيه تاني.

كارما: كفاية يا شهاب، أرجوك اسمعني قبل ما تحكم غلط، وحياة الي بينا
لتسمعني، وبعدين إنت حر في حكمك.

شهاب بسخرية: الي بينا!.

كارما: أيوا الي بينا يا شهاب، ولو مكنش دا كفاية بالنسبة ليك، ورحمة عمك
لتسمعني.

حاول شهاب أن يهدأ حتى يسمعها : ماشي يا بنت عمي، أنا هاسمك بس
ياريت تقولي الحقيقة من غير كذب .

كارما: حاضر يا شهاب، أوعدك إني هاقولك الحقيقة، من غير ما أخبي عليك
أي حاجة.

شهاب: كل اللي عايز أعرفه إنتِ قابلتي حسن من ساعة ما اتجوزنا؟.

كارما: آه يا شهاب قابلته.

نظر لها شهاب بصدمة وهم أن يتركها، ولكنها أمسكت يده وأجلسته أمامها

، كان شهاب مستجيب لها ويسمعها لأنه كان يود أن تكون بريئة، فهو لا يستطيع أن يصدق أن كارما حبيته تخونه.
كارما: أنا قابلت حسن مرة واحدة بس من ساعة ما اتجوزنا، أو بمعنى أصح من ساعة اليوم اللي جيه خطبني منك فيه ، اليوم دا كان فعلا اليوم اللي سبتنى فيه في مطروح عشان كان عندك شغل مهم كنت ساعتها قاعدة في الأوضة ولقيت دادة رحمة بتخبط عليا.

فـلاش بـك.....

تتحدث كارما إلى شهاب في الهاتف.
شهاب: هتفضلي زعلانة كثير ما أنا عمال أصلحك من الصبح.
كارما: أيوا هفضل زعلانة عشان سبتني لوحدي وسافرت.
شهاب: يا حبيتي ورق مهم لازم أمضيه لو متمضاش هنخسر ملايين.
كارما: يا سلام ما كان ممكن يبعتهولك بالفاكس وإلا طرد تمضيه وانت هنا.
شهاب: يا حبيتي بقولك ورق بملايين تقولي يبعتهولى طرد.
كارما: يعني الملايين أهم مني.
شهاب: مفيش أهم منك يا حبيتي، خلاص بقى، أوعدك هاروح أمضي الورق، وأجيلك في لمح البصر، النهاردة قبل ما الليل ليليل إن شاء الله هبقى عندك.
كارما: إن كان كده ماشي بس متأخرش عليا.
شهاب: وأنا أوعدك لما أجى هاعرف أصلحك إزاي.
كارما في خجل: ماشي.
شهاب: بحبك.
كارما: وأنا كمان بحبك.
تغلق كارما الهاتف لتجد رحمة تدق الباب.
كارما: خير يا دادة.
رحمة: في واحد تحت عايز يقابلك يا بنتى.
كارما: واحد مين ده ؟
رحمة: حسن ابن خليل صاحب المحل اللي قدام الفيلا.
كارما: إيه حسن ! ودا عايز إيه ده؟، انت مقولتلوش إن شهاب مش هنا.
رحمة: قولتله يا بنتى، بس هو عايز يقابلك انت.
كارما: يا دى النيلة دا لو شهاب شافه تاني مش بعيد يقتله، طب يا دادة

قوليله نازلة.

رحمة: حاضر يا بنتي.

كارما: وبعد إذنك يا دادة خليكي معنا لما أقعد معاه، يعني مينفعش أقعد معاه لوحدي، انت فاهمة طبعاً.

رحمة: طبعاً يا بنتي حاضر.

ذهبت كارما لمقابلة حسن في غرفة الجلوس وكانت تتحدث معه برسمية شديدة في وجود رحمة.

كارما: مساء الخير إزيك يا حسن.

لمعت عينا حسن عندما رآها ولم يجيبها، فقد كان شاردًا فيها وفي عينيها، ولكنها قطعت شروده

كارما: حسن ... إيه رحت فين؟

حسن: مغلش أنا آسف إني جيت دلوقتني.

كارما: مفيش مشكلة خير في حاجة؟

حسن: أنا كنت جاي أعزيكي بس في وفاة الوالد، أنا لسه عارف من يومين لما رجعت من السفر البقاء لله.

كارما: ونعم بالله متشكرة يا حسن.

حسن: قوليلي انتِ كويسة مش محتاجة مني أى حاجة، أنا حاسس باللي إنت فيه.

كارما: متشكرة يا حسن، أنا عارفة، والله إنت زي أخويا، بس أنا مش محتاجة حاجة.

نظر لها حسن بعض الوقت صامتًا وأكمل حديثه: مبسوفة يا ست كارما؟

فهمت كارما ما يدور بي ذهن حسن: آه يا حسن مبسوفة الحمد لله، نت متعرفش يعني إيه الإنسان يتجوز حد بيحبه وخصوصاً لو بيحبه بقاله كثير،

وشهاب زوج رائع وبيحبني أوي وأنا كمان باحبه.

حسن بوجع: لا عارف يا ست كارما عالعموم ربنا يسعدك يا ست الناس ويفرح قلبك.

كارما: متشكرة يا حسن ربنا يكرمك بنت الحلال اللي تسعدك وتحبها يارب. حسن نظر لها وابتسم ابتسامة باهتة: طب عن إذنك يا ست الناس، وأى

وقت تحتاجيني فيه أنا تحت أمرك.

كارما: اتفضل.

زفرت كارما أنفاسها بعد أن تركها حسن وخرج محدثة رحمة: يا ساتر كان

شهاب: دليل إيه؟.

كارما: أنا يا شهاب.

شهاب: يعني إيه مش فاهم؟.

كارما: يعني أكبر دليل على صدق كلامي هو أنا اللي باقولك الكلام ده، أنا كارما الصفدي بنت حسين الصفدي الراجل الصعيدي اللي ربانا على الأخلاق والحزم، وحرم شهاب الصفدي إذا كنت ناسي، ولو ده مش دليل كافي بالنسبة ليك يا شهاب فأنا ساعتها مش هيهمني إنك تعرف إذا كنت صادقة وإلا لا. شهاب: ماشي يا كارما أنا هاصدق كلامك، بس لازم تعرفي إن كدبك عليا في الأول هو اللي وصلنا للى إحنا فيه دلوقتي، كان لازم تحكي لي عليا مقابلة حسن ليكي، وكمان كان لازم تحكي لي على موضوع الكارت اللي إديته لخليل. كارما: أنا عارفة إني غلطانة يا شهاب، بس غصب عني، كدبي عليك كان بحسن نية، كنت خايفة عليك مش أكثر.

شهاب: توعديني متكديش عليا تاني.

كارما: أوعدك يا شهاب، صدقني عمري ما هاخبي عليك أى حاجة تاني. وتلقى كارما بنفسها في حضن شهاب، ولكن هذه المرة لا تشعر بالأمان الذي لطالما شعرت بين ذراعيه، لم تشعر أن شهاب يحتويها كعادته، بل أحست وكأنها في حضن غريب عنها، مما جعل القلق والخوف يدخل إلى قلبها.

في شركة الصفدي.....

يجلس شهاب في مكتبه شاردا فتدخل عليه نيفين.

نيفين: الأوراق دي محتاجة مراجعة حضرتك يا شهاب بيه،.....شهاب بيه، بشمهندس شهاباااااا.

شهاب: ها ... فيه إيه يا نيفين كنتي بتقولي حاجة؟.

نيفين: بقول لحضرتك الأوراق دي محتاجة مراجعة حضرتك.

شهاب: لا مش فايق أراجع حاجة دلوقتي، وديها لكريم يراجعها.

نيفين: حاضر يا فندم.

تذهب نيفين إلى كريم في مكتبه.

نيفين: كريم بيه، شهاب بيه كان باعت لحضرتك الأوراق دي عشان تراجعها. كريم: يا سلام، ما يراجعها هو، بعتهالي ليه؟.

نيفين: بيقول مش فايق يراجع حاجة، بس شكله تعبان أوي.

كريم بضيق: طب يا نيفين سببي الورق وروحي على مكتبك.

كريم في نفسه (وبعدين شكل الموضوع المهبب دا مش هيعدي علي خير).

يهب كريم إلى شهاب في مكتبه ليطمئن عليه فيجده شاردا مهموما.
كريم: إيه يا بوص مالك.

شهاب بضيق: اقعد يا كريم.

كريم: إيه يا شهاب مالك يا حبيبي؟

شهاب: مخوووق أوي يا كريم، حاسس بجبل فوق صدري.

كريم: ليه يا ابني كل ده؟، إوعى تقولي الموضوع إياه تاني.

شهاب: هو في غيره!!، تعرف إني روحت شركة الفهد، وإتأكدت من موضوع

كارت التوصية اللي باسمي الي البيه حسن اشتغل بيه هناك.

كريم: معقولة!!، وجابه منين؟، إوعى تقولي من كارما، مستحيل أصدق.

شهاب: للاسف منها بس مش بشكل مباشر.

كريم: يعني إيه مش فاهم؟

شهاب: أنا هافهمك.

قص شهاب على كريم ما حدث بينه وبين كارما.

كريم: طب يا عم ما البت طلعت بريئة أهو، وابن الكلب دا طلع بيكدب

عشان يوقع بينكم، إيه بقى اللي مخليك في الحالة دي.

شهاب: ممكن ألكمك على إنك صاحبي، وتنسى شوية إنك أخو مراتي.

كريم: طبعا يا شهاب، إنت عارف أنا قبل ما أكون ابن عمك وأخو مراتك

إنت أقرب صاحب ليا.

شهاب: أنا لما كارما حكيتي الي حصل صدقت كلامها، لإني كنت محتاج

أصدقه، كنت عايزها تطلع بريئة بأي شكل، مش قادر أتخيل إن كارما حب

حياتي ممكن تخوني، كنت بحاول بمبرراتها وأعذارها الي قالتها لي أبرد النار

الي قايدة جوايا.

كريم: تمام، فبن بقى المشكلة؟

شهاب: المشكلة فيا أنا يا كريم، أنا اتزرع جوايا الشك، ومش عارف ألقح

جدوره من جوايا مبقتش عارف إيه الصح؟، وإيه الغلط؟، إيه الحقيقي؟،

وإيه التمثيل؟، بشوف الصدق في عينين كارما، وفي نفس الوقت الشك الي

جوايا بيقولي إنها بتمثل عليا، أنا حاسس إني تايه، مش عارف طريقي، كارما

كانت هي طريقي وأماني، بس بعد الي حصل لقتني بأبعد عنها، بأبعد عن

أماني، بتوه في دنيا واسعة هي مش موجودة فيها .

كريم: إوعى يا شهاب تستسلم للشك الي جواك لإنك بكده بتقتل الي

بينكم من غير ما تحس، كارما عمرها ما هتقبل شكك فيها، ولو عذرتك مرة

مش هتعدرك الثانية، إنت عارف أكثر حاجة ممكن تقتل قلبين هو الشك بينهم.

شهاب: عارف يا كريم ، بس مش قادر، بجد مش قادر.

كريم: وناوي تعمل إيه؟.

شهاب بعد تفكير: اسمع يا كريم، عايزك تكلم حسن خليل.

كريم: نعم!!، أكلمه ودا أهب بيه إيه؟.

شهاب: قوله إننا عايزين نعمل معاه قاعدة تاني.

كريم: إنت أكيد اتجننت يا شهاب، دا قاعدة واحدة معاه وصلتك لبي إنت فيه، تقوم تقولي أقعد معاه تاني، دا مش بعيد المرة دي يخليك تطلق كارما.

شهاب: متخافش، أنا عايز أجيب آخره، وأجيب كل اللي عنده، ويمكن لما أقعد معاه المرة دي ألقى حد لكل ظنوني.

كريم: حاضر يا شهاب، زي ما تحب وربنا يستر من اللي جاي.

وبالفعل يتصل كريم بحسن ويحدد معه ميعاد لزيارتهم مرة أخرى.

في منزل شهاب.....

كالمرّة السابقة ينتظر الجميع وصول حسن ، كارما تجلس على الكرسي تفرك يديها من القلق ولكن هذه المرة لم يضمها شهاب ليشعرها بالأمان وبوجوده بجانبها كما فعل المرة السابقة، ولكن فجأة أحست بمن يلف ذراعه حولها ويضمها إليه، اعتقدت أنه شهاب ولكن عندما نظرت إليه وجدته أخوها كريم يضمها إليه وينظر لها نظرة لها ألف معنى، وكأنه يقول لها أنا بجانبك وواثق في براءتك أكثر من ثقفتي في نفسي . وبالرغم من الطمأنينة التي شعرت بها كارما من وجود كريم بجانبها إلا أنها تمنّت أن يكون زوجها وحببها هو من بجانبها ويطمئنها ، يدق جرس الباب مجددا ليعلن وصول حسن وعندما دخل حسن وجد شهاب يجلس بعيدا عن كارما فنظر للأثنين وابتسم ابتسامة سخرية.

حسن: كريم بيه كان كلمني، وقال إنك عايزني أكرر زيارتي ليك تاني، يا ترى في سبب معين وإلا حضرتك إتاكدت إن كلامي صح.

شهاب: بدون استفزاز عشان أنا في لحظة ممكن أعصابي تفلت وأقتلك، عايزك تكمل كل اللي عندك.

وهنا نظرت كارما لشهاب بوجع .

حسن بسخرية: حاضر يا بشمهندس، وقفنا لحد ما مدام كارما إديتني كارت التوصية اللي رحب بيه لشركة الفهد واتعينت وبدأت استقر هنا في القاهرة، طبعا عشان الظروف لإني مكنش معايا اللي يخيليني آجر شقة اقعد فيها، فاضطريت أقعد في لوكاندة كده على قدها، والصراحة اللوكاندة دي نفعنتي أوي قدام.

(وهنا نظر شهاب لكريم باستغراب)

هي بصراحة مدام كارما عرضت عليا تديني فلوس آخذ بيها شقة، بس أنا طبعا مقبلتش آخذ فلوس من واحدة ست، حتى لو كانت الواحدة دي الإنسانية اللي بحبها، واستقرت فعلا في القاهرة وعدى الوقت وكنت بقابل كارما من وقت للثاني في أماكن عامة، على أساس إنها بتخلق مشاكل بينها وبين شهاب بيه عشان تعرف تطلق منه لحد ما في مرة اتقابلنا...

فــــلاش بــــاك.....

يجلس كارما وحسن في أحد المطاعم على النيل.

حسن: أنا زهقت يا كارما، إحنا هنفضل نتقابل في السر كده كثير.

كارما: أعمل إيه بس يا حسن؟.

حسن: يعني إيه عملي إيه؟، تطلبي الطلاق من جوزك ونتجوز بقی، احنا مش مراهقين على اللي بنعمله ده انا وانتي بنحب بعض ومن حقنا نتجوز ونتجمع في بيت واحد.

كارما: يا حبيبي أنا عارفة، بس غصب عني، أنا حاولت أتلکک لشهاب على أي غلطات عشان اتخانق معاها وبعدها أطلب الطلاق، بس هو مش سايبلي أي غلطة أمسكها دايمًا بيعاملني كويس جدا.

حسن بغضب: ولما هو بيعاملک كويس بتعرفيني ليه؟، روعي خليك مع جوزك.

كارما: من غير ما تتعصب عليا يا حسن لو سمحت وقدر موقفي.

حسن: انتی اللي مش مقدرة موقفي، وأنا كل يوم ببقى عارف إنک معاها وفي حضنه، انت مش عارفة دا بيعمل فيا إيه؟.

كارما: لا عارفة وإنك عارف إن ده غصب عني، وإن نفسي أبقى معاك إنت وأتجوزک، بس حاول تفهم أنا لو طلبت الطلاق من شهاب دلوقتي من غير ما يحصل بينا مشاكل، شهاب هيشک إن في حاجة وممكن يعند، ومش بعيد

في بيت الصفدي.....
تنتظر ليلى رجوع كريم ابنها فيدخل عليها كريم ويبدو عليه الحزن.
كريم: مساء الخير يا ماما.
ليلى: مساء النور يا كريم ، تتحسد بقالك كام يوم بترجع بدري يعني.
كريم بضيق: يعني لا كده عاجب ولا كده عاجب.
ليلى: لا أنا بطمن عليك بس، أصل عارفة إن الكباريهات مبتشطبش بدري
كده.
كريم: يا ماما أرجوكي، أنا مش مستحمل نفسي، شيليني شوية من دماغك،
وعالعموم ريحي نفسك، أنا كنت عند كارما.
ليلى : كارما ! ليه يا كريم أختك فيها حاجة؟
كريم بتردد: متقلقيش يا ماما هي بس كانت وحشاني، قوت أروح أقعد
معاها شوية.
ليلى: إوعى تكون أختك في مشكلة وأنا معرفش!
كريم: يا ستى قولتلك متقلقيش، أنا بس حسيت إني كنت مقصر في حقها
أوي السنين اللي فاتت، ولازم أقرب منها وأفضل جنبها، يعني في الأول وفي
الآخر ملهاش غيري، وأنا أخوها الوحيد.
تمسد ليلى على وجهه : ربنا يهديك يا ابني ويخليك لأختك.

في اللوكاندة المقيم بها حسن.....
يجلس حسن على السرير وبجانبه كارما يمسك يدها.
حسن: وبعدين يا حبيبتي هنفضل نخطف الوقت اللي بنتقابل فيه كده.
كارما: غصب عني يا حسن وبعدين ما أنا معاك أهو، إنسى أي حاجة دلوقتي
وخليك في اللحظة اللي أنا معاك فيها.
حسن: أيوا بس أنا تعبت كل ما أتخيلك معاه.
كارما: غصب عني يا حسن متنساش إنه جوزي.
حسن: وليك عين تقوليها، مش انتِ السبب حد قالك تجوزي واحد وانتِ
بتحبي واحد تاني.
كارما: ما انت عارف إنه كان ماسك كل شركاتنا وأملاكنا ولو كنت رفضت
كان ممكن يهد المعبد على دماغنا كلنا، وبعدين مش حضرتك اللي سافرت
وسبتني كان زمامي مراتك إنت بدل ما أنا بعد الساعات لحد ما نتقابل.

حسن: ليه وهو البشمنهندس مش بيهون عليكي الساعات.
كارما: متضايقنيش يا حسن إنت عارف إني مستحتملة معاه العيشة بالعافية
لحد ما استنى الوقت المناسب اللي أطلب فيه الطلاق من غير ما يحس
بحاجة.

حسن: لما نشوف آخرتها.

وهنا أفاق شهاب من نومه مفزوعا وهو يصرخ ووجهه يتصبب منه العرق
فوجد نفسه نائم على الكرسي أمام سرير كارما، واكتشف أن كل ما رآه كان
كابوس، استيقظت كارما على صوت صراخ شهاب مفزوعة وركضت إليه:
شهاب مالك يا حبيبي؟، إيه اللي منيمك كده؟
لم يجبها شهاب ولكنه اكتفى بالنظر إليها وكانت نظرتة لها ألف معنى
كالخنجر يمزق قلبها.

وضعت كارما يدها على كتف شهاب: شهاب طمني عليك يا حبيبي.
أزاح شهاب يدها بجمود وتركها وخرج، دون أن يجيبها بأي كلمة، تركها
وهي تبكي وفي حالة يرثي لها. ظل شهاب يقود سيارته بين الطرقات دون
وجهة محددة كأنه تائه ضل الطريق، أخذ يرسم مواقف في عقله بين حسن
وكارما، ورأى كارما وهي تعامل حسن وكأنه زوجها وكيف تداعبه وكيف
تسخر من علاقتها بشهاب حتى وصل إلى قمة غضبه.

أما كارما فكانت تجلس في غرفتها منهاراة وكيف تبدل حالها من السعادة إلى
الجحيم، كيف لزوجها وحبيبها أن يعتقد أنها تخونه .
ظلت على هذا الحال طويلا إلى أن أشرقت الشمس وحل النهار، فعقدت
أمرها وجمعت جميع ملابسها تاركة منزل شهاب.

كانت كارما تقود سيارتها وفي أذنها تتردد كلمات تلك الأغنية التي طالما
سمعتها ولم تفهم معناها وهي الآن تفهم وتشعر بكل كلمة في الأغنية، بل
إن كل كلمة تمس قلبها فأصبحت تردد بداخلها كلمات تلك الأغنية وهي
تتذكر ما حدث بينها وبين شهاب:

« في خيط ضعيف رابط ما بينا ودا النصيب،
هتخاف عليه هاخاف عليه هتسيب هسيب،

لحد إمتى هاخاف لوحدي يا حبيبي،

الخيط خلاص مبقاش متحمل رعشة إيدى،

لو انت مش عايز نهاية،

ولسه هماك الحكاية،

وعدم وجود جميع ملابسها، فيعلم أنها تركت المنزل ويزفر بضيق جالساً على الكرسي وواضعا رأسه بين يديه.

في فيلا الصفدي.....

تخرج ليلى من غرفة كارما بعد أن اطمئنت أنها نامت وتقابل كريم.

كريم: إيه يا ماما كنتي بتعملي إيه في أوضة كارما؟

ليلى بضيق : اتفضل يا بيه تعالى ورايا على أوضتي.

كريم: هو فيه إيه؟

ليلى: مش هنتكلم هنا أنا مصدقت أختك نامت.

كريم: هي كارما هنا؟

ليلى : أيوا واتفضل قدامي.

تدخل ليلى وكريم غرفتها وهى تزفر ضيقاً.

كريم: في إيه يا ماما جيباني هنا ليه؟، وإيه اللي جاب كارما الصبح كده؟

ليلى: ويعني إنت مش عارف أختك مالها؟، وإيه اللي جابها دلوقتي.

كريم بضيق: لا عارف يا ماما.

ليلى: ليه يا كريم مخبي عليا اللي حصل لأختك ؟.

كريم: مكنتش عايز أضايقك يا ماما.

ليلى: يعني إيه مش عايز تضايقني؟، دي بنتي ومن حقي أعرف مالها وإيه

اللي تاعبها؟،.... انطق قولي أختك فيها إيه خلاها تيجي بشنطة هدومها

الصبح بدري.

كريم: أنا هاقولك على كل حاجة يا ماما.

قص كريم على والدته ما حدث بين شهاب وكارما وكانت ليلى مصدومة مما

تسمع.

ليلى بصدمة: أنا مش قادرة أصدق اللي باسمعه!، مين الكلب اللي قدر

يجيب سيرة كارما الصفدي على لسانه وإزاي شهاب يصدق الكلام دا على

بنتي دي مهما كانت كارما بنت حسين الصفدي الراجل الصعيدي اللي دمه

حر، إزاي!!، وهو قبل ما يكون جوزها يبقى ابن عمها وشافها وهي بتترى

قدامه وشاهد على تربيتنا ليها، معقولة شهاب يعمل كده، ليها حق يا

حبيبتى تبقى في الحالة دي.

كريم: معلش يا ماما الكلام اللي قاله الواد ده كان صعب برضه، ودا جوزها

يعني الموضوع يمسه ويمس شرفه.
ليلي: إنت اتجننت إنت كمان يمس مين وشرف إيه دا أختك أظهر وأنصف بنت.

كريم: أنا عارف وواثق في كارما كويس يا ماما، عالموم هي عملت الصح لما سابت البيت، أقله الدنيا تهدي شوية بينهم ونشوف اللي هيحصل قدام.

في شركة الصفدي.....
يجلس شهاب على مكتبه ويبدو عليه الضيق ويدخل عليه كريم.
كريم: صباح الخير.
شهاب: كارما جاتلكم الفيلا؟.
كريم: يا عم رد الصباح الأول.
شهاب: كريم رد عليا، كارما جاتلكم الفيلاو إلا لا، أنا رحتم لقتها ملت هدومها كلها.

كريم بسخرية: تفتكر هتكون راحت فين غير عندنا وإلا يكون الشك اللي جواك وصلك إنك تشك فيها إنها سابتك وهربت وراحت لحسن.
شهاب: إنت بتستفزني على الصبح يا كريم.

كريم: لا يا شهاب إنت اللي مبقتش حاسس إنت بتعمل إيه، الشك اللي جواك خلاك زي المجنون بترمي تهم وخلص، عمال تدوس على كارما وتوجعها من غير ما تفكر فيها.

شهاب: غصب عنى يا كريم أنا باوجع نفسي أكثر ما بوجع كارما إنت متعرفش كارما بالنسبة لي إيه دي كل حياتي وعمري اللي فات كله.
كريم: وعمرك اللي جاي؟، إيه خلاص مش عايزها تكون معاك فيه؟.
نظر له شهاب ولم يجبه.

كريم: ما ترد ساكت ليه؟، كارما كانت عمرك اللي فات كله وحب حياتك، لكن اللي إنت بتعمله فيها دلوقتي عمرها ما هتقبل تكون عمرك اللي جاي، وأنا مش هسمحلك توجع أختي أكثر من كده، إنت صحيح صاحبي وابن عمي، بس متنساش إنها أختي وأغلى حد في حياتي.

شهاب: خليها ترجع يا كريم.
كريم: لا يا شهاب، إنت دلوقتي في حالة مش طبيعية، اللي عملته كارما كان صح خليك قاعد مع نفسك الفترة دي، وشوف انت عايز إيه؟، لو فعلا شاك

في أختي ولو واحد في المبية إن ليها علاقة بالواد الي اسمه حسن دا يبقى
أكرملك وأكرملها تطلقها وتسيبها في حالها.
شهاب: إنت بتقول إيه أطلقها؟؟؟.
كريم: أمال فاكر إيه؟ تتهمها في شرفها وتفضل قاعد معاها!!، دا حتى
وحشة في حقك يا بشمهندس، عالعموم فكر مع نفسك وراجع حساباتك ولو
حسيت إن الي بينك وبين كارما أقوى من إنك تقتله بالشك فيلا الصفدي
مفتوحة تعالى خد مراتك.

الفصل العاشر

في فيلا الصفدي.....

تجلس كارما على السرير شاردة تتذكر ما حدث بينها وبين شهاب وكيف كان يعاملها الفترة الماضية، أفاقت كارما من شرودها على صوت الباب، فمسحت دموعها سريعا لتجده كريم يستأذن بالدخول.

كريم: القمر عامل إيه دلوقتي؟.

كارما: تعالى يا كريم.

كريم: عاملة إيه يا حبيبتى؟.

كارما: هاعمل إيه يعنى يا كريم، زي ما أنا.

كريم: كارما ! شهاب عايزك ترجعي.

كارما: ارجع! ارجع فين يا كريم ؟، أنا خلاص تعبت مبقتش قادرة أشوف نظرات الشك في عين شهاب في كل لحظة كأنها خناجر بتقتل في قلبي، مبقتش قادرة أشوف البني آدم اللي عشت عمري كله بحبه وعاشه ليه بيعد عني، يا كريم أنا بقى في بيني وبين شهاب سور عالي أوي، كل ما أحاول أعديه عشان أوصله وأحافظ على اللي بينا هو مصمم يعليه زيادة ، إنت مش عارف شهاب بيوجعني أد إيه يا كريم، قولت يمكن لما أبعد أقدر أحافظ على الحاجات القليلة اللي فاضلة بينا قبل ما تضيع.

كريم: كارما حبيبتى شهاب برضه معذور.

كارما بعصبية: معذور ! معذور في إيه يا كريم ؟، معذور إنه مصدق إني باخونه، أنا أخون شهاب، أخون نفسي، شهاب دا مش جوزي، دا حته مني، معذور إنه عمال يدوس عليا وكأن كل السنين اللي بينا سراب أنا مش فاهمة معذور في إيه، هو أى واحد يجيله حد يقوله مراتك بتخونك يصدق، دا لو اعتبرنا إن شهاب أى واحد مش ابن عمي اللي مربيني على إيد.

كريم: يا حبيبتى على قد الحب بتكون الغيرة، والحالة اللي فيها شهاب دي بتدل على حبه ليكي.

كارما: متقوليش حب، اللي شهاب فيه دا عمره ما كان حب، الحب ثقة واحترام، وشهاب لا وثق فيا ولا احترمني، وبعدين تعالى هنا، إنت من إمتى بتدافع عنه، مش شهاب ده اللي وقف ضدك زمان ومريضش يجوزك لبني أخته، دلوقتي جاي تدافع عنه.

كريم: أولاً أنا بدافع عنه لإني حاطط نفسي مكانه، ثانيا هو كان عنده حق في رفضه ليا زمان.

كارما: يا سلام وإنّ ليه معملتش زيه لما جيه يخطبني ورفضته.
كريم: لا يا كارما في فرق كبير، شهاب لما جيه طلب إيديك كان يستحقك
فعلا لإنه شاب ممتاز وراجل يقدر يحافظ عليكي، لكن أنا لما اتقدمت للبنى
كنت طابيش بتاع بنات وكباريهات، وهو كان ليه حق يرفضني ساعتها لإنه
كان شاييف إني مش هقدر أحافظ على أخته.
نظرت له كارما بعدم اقتناع.

كريم: لو الغلط على حد ميبقاش على شهاب، الغلط على اللي هربت من
المشكلة وقررت تسافر ومتواجهش الموقف، أنا وعدت لبنى ساعتها إني
هاغير وارمي كل حاجة وحشة باعملها ورا ضهري وهبقى إنسان جديد
بس تفضل معايا، وكنت متوقع منها بعد ما شهاب رفضني إنها تقف معايا
قدامه وبتتحدى بجنبنا المستحيل، لكن هي فضلت تهرب وتسافر.

كارما: لبنى سافرت عشان تكمل دراستها برة وإنّ عارف.
كريم: عارف إيه دي حجة بس عشان تهرب من مواجهة شهاب، هي لو
كانت عايزاني كانت فضلت هنا جنبي، واتحدت بجنبنا أى حد، بس هي
اختارت الهروب، عالعموم دا مش موضوعنا دلوقتي اللي بيني وبين لبنى
انتهى من زمان أوي من ساعة ما اتخلت عني وعن حبي وسافرت، المهم
انتى دلوقتي يا كارما.

كارما: أنا إيه بس!! أنا تعبت بجد أنا تعبت.
وانهارت كارما في البكاء في حضن كريم.

كريم: طب اهدي يا حبيبتى، وأنا أوعدك ورحمة بابا لآخذك حقا وكل
حاجة هتبقى كويسة، ولازم تعرفي إني واثق فيكي مهما اتقال ومهما حصل يا
كارما، وهافضل جنبك يا حبيبتى وفي ظهرك وعمري ما هاتخلى عنك أبدا .
ومن جهة أخرى يفتح باب الفيلا وتدخل بمرحها المعهود تنادي على كل من
بالفيلا.

لبنى: يا أهل عيلة الصفدي أنا جيت إيه هو مفيش حد هنا وإلا إيه؟.
ليلى: مش ممكن لبنى ... جيتي امتى يا بنتي.
تحتضن ليلى لبنى بشدة فهى أمها التي ربتها منذ أن توفت أم لبنى وشهاب،
ولها في قلبها مكانة كبيرة.

لبنى: لسه جاية حالا يا طنط.
ليلى: حمدا لله على السلامة يا حبيبتى.
لبنى: الله يسلمك يا طنط، وحشتوني أوى، وكارما عاملة إيه؟، وحشتني أوى

هي وشهاب.
ليلى: كارما فوق يا بنى اطلعلها.
لبنى: فوق هي جت هي وشهاب يقعدوا عندكم وإلا إيه.
ليلى: لا يا بنتي كارما لوحدها.
لبنى: في إيه يا طنط مالك؟، هي كارما زعلانة مع شهاب وإلا إيه؟
ليلى: شوية زعل كده يا بنتي وهيروحووا لحالهم.
لبنى: لا زعل إيه!، طالما أنا جيت مفيش زعل، أنا هاطلعلها دلوقتي وأخرجها من اللي هي فيه حالا.
تجلس كارما مع كريم وتدخل عليهم لبنى في مرح وتتفاجئ بوجود كريم.
لبنى: كوكي حبييتي وحشاني.
كارما بفرح ودموع: مش ممكن لبنى!! جيتي إمتي وحشاني أووووي.
وتحتضنها كارما وعيونها مليئة بالدموع.
لبنى: إيه يا حبييتي مالك؟
كارما تمسح دموعها: مفيش يا لبنى، أنا بس فرحانة أوي إنك رجعتي، وكنتي وحشاني أوي.
كان كريم مصدوما من وجود لبنى وتبادلا معا النظرات فكانت نظراتهم كلها حب واشتياق.
لبنى في تردد: إزيك يا كريم.
كريم في جمود: كويس، إزيك إنت يا لبنى.
لبنى: إيه مش هتقولي حمد لله على السلامة.
كريم: آه نسيت معلش، حمدا لله على السلامة، (ونظر لكارما) حبييتي أنا هامشي دلوقتي لو احتجتيني كلميني.
كارما: ماشي يا كريم.
تركهما كريم وخرج.
لبنى: شفتي بيعاملني إزاي يا كارما؟
كارما: معلش يا لبنى اللي حصل زمان مكنش سهل على كريم، وإن شاء الله الأيام الجاية تقرب بينكم تاني.
لبنى: المهم، قوليلي إنت مالك؟، شهاب مزعلك ليه؟، دا أنا بس أشوفه وأنا هاشوف شغلي معاه.
ارتمت كارما في حضنها منهارة تبكي: كنت محتجاي جنبني أوي يا لبنى(و انخرطت في البكاء).

لبنى: إيه يا حبيبتى مالك؟، إحكيلي أنا جبنك أهو .

في شركة الصفدي.....
يجلس شهاب على مكتبه يراجع بعض الملفات وتدخل عليه لبنى فيتفاجئ
بها شهاب ويركض إليها فرحا.
شهاب بفرحة : لا، لا، لا، إيه المفاجأة دي، لبنى الصفدي رجعت مصر،
وحشاني يا صفداوية.

اقترب منها شهاب وكان يريد أن يحتضنها ولكنها منعتة.
شهاب: مالك يا لبنى في إيه؟، هو أخوكي موحشكيش وإلا إيه؟.
لبنى: مش لما يبقى اللي قدامي أخويا الأول، أنا حاسة إني شايقة شخص
غريب غير شهاب أخويا اللي رباني بعد موت أبويا وأمي، وكان ليا الأخ والأب
والصديق.

شهاب: أنا مش فاهم قصدك إيه؟.
لبنى: فعلا يا بشمهندس مش فاهم قصدي إيه؟.
شهاب: آه إنت عديتي على الفيلا الأول وقابلتي كارما، مش كده؟.
لبنى: آه يا شهاب قابلت كارما، وعرفت اللي لو حد ثاني قالهولي مكنتش عمري
هاصدقه، إنت يا شهاب تعمل كده في كارما بعد كل الحب اللي حبتهولك،
دا أنا مشوفتش واحدة حبت واحد زي ما كارما كانت بتحبك، حسن مين ده
اللي تخونك معاه؟.

شهاب: مش وقته الكلام دا يا لبنى.
لبنى: لا وقته ولازم تعرف الحقيقة.
شهاب: حقيقة إيه؟.

لبنى: حقيقة إني أنا السبب في كل اللي حصل لكارما.
شهاب: السبب في إيه؟، أنا مش فاهم حاجة!!.

لبنى: من خمس سنين تقريبا لما كنا في مطروح، كارما كانت عايزة تلفت
نظرك وتحركك شوية، لإن أسلوبك كان حاد معاهها، كان نفسها تسمع منك
إنك بتحبها زي ما هي بتحبك، وساعتها أنا عرضت عليها إنها تثير غيرتك
وتتكلم مع أى حد عشان لما تشوفها تغير وتعترف لها بحبك، وأنا اللي ساعتها
فكرت في حسن ابن عم خليل لأن هو اللي كان موجود قدامنا، يعني
الموضوع كله كان هزار، إحنا كنا عايزينك تغير وبس.

شهاب: يا سلام عايزة تقولي لي إنك السبب في العلاقة بين حسن و كارما.
لبنى: يا ابني افهم مكنش في علاقة أصلا، كان هزار مش أكثر و إنت ساعتها اعترفتلها بحبك و الموضوع خلص.

شهاب: و إيه الي عرفك إنه خلص؟، ما يمكن الهزار قلب جد معاها و معاها بعد كده.

لبنى: لا إنت اكيد مش طبيعي، إنت بتقول الكلام ده على مين؟، على كارما!!،
إنت مصدق نفسك في الي انت بتقوله ده و إلا عايز تقنع نفسك إنك مش
غلطان في حق كارما و خلاص، حتى لو على حسابها ما إنت عارف إن كارما
ما حبتش ولا هتحب غيرك، و الموضوع كله كان على إيدي.

شهاب: لبنى متنسيش إنك بتكلمي أخوي الكبير و حافظي على كلامك.
لبنى: مش لما أخويا الكبير الأول يحافظ على مراته و على كرامتها، عالعموم
إنت حر إعمل الي إنت عايزه إنت في الآخر اللي هتخسر.

شهاب: سيبك من الكلام دا دلوقتي، أنا هابعت السواق يجيب شنطتك من
الفيلا و هتيجي تقعد معايا.

لبنى: آجي أفعد معاك فين؟، أنا هاقعد في فيلا الصفدي.

شهاب: لا طبعا أنا مش هاسمحللك تقعد هناك و كريم قاعد فيها.
لبنى: أنا هاقعد في فيلا عمي يا شهاب، عشان أفضل مع كارما، و مش هاتخلي
عنها مهما حصل، أما كريم فخلاص الموضوع بتاع زمان انتهى و اتقفل من
ساعة ما سافرت، و إنت عارفني كويس قبل ما تعرف كريم و إلا خلاص دايرة
الشك عندك بقت واسعة و محاوطة الكل.

شهاب: أنا مش هاحاسبك على طريقته معايا دلوقتي، إعملي الي إنت
عايزاه.

لبنى: ماشي يا شهاب، عن إذنك.

في فيلا الصفدي.....
تخرج كارما من الحمام و في يدها شئ ما و تجلس على السرير شاردة، تدخل
لبنى عليها.

لبنى: عاملة إيه دلوقتي يا كارما؟.

تنظر لها كارما بصدمة دون أن تجيبها.

لبنى تجلس بجوار كارما و تضع يدها على كتفها : مالك يا كارما؟؟.

هم كريم أن يغادر ولكن أوقفه صوت لبنى.
لبنى: كريم !.

كريم: نعم في حاجة؟.

لبنى: هتفضل تعاملني كده لحد إمتى؟.

كريم: أعاملك إزاي يا بنت عمي.

لبنى: بالبرود اللي إنت بتعاملني بيه دلوقتي، ده ولا كأن كان في بينا مشاعر.
كريم بسخرية: مشاعر! حلوة دي !!.

لبنى: من فضلك يا كريم، كفاية إسلوبك ده معايا.

كريم: إنت عايزة إيه يا لبنى؟.

لبنى: عايزة أتكلم معاك ممكن؟.

كريم: ماشي يا لبنى، اتفضلي نقعد تحت في الجنينة.

وبالفعل تنزل لبنى مع كريم في الحديقة الخاصة بالفيلة ويجلسا ليتحدثا.

كريم: خير عايزة تتكلمي في إيه؟.

لبنى: عايزة أتكلم علينا يا كريم، عليا أنا وإنت.

كريم: أنا وإنت، وإيه الموضوع اللي بقى يجمعني أنا وإنت؟.

لبنى: هو أنا فعلا مبقتش فارقة معاك، وإلا أنا مكنتش فارقة معاك من الأول، وكلامك ليا كله كان كذب وشهاب كان عنده حق.

كريم: لا يا بنت عمي، إنت فعلا كنتي فارقة معايا زمان، أنا مكنتش باكدب عليكي، أنا فعلا حبيتك، يكفيني أقولك إنك الإنسانة الوحيدة اللي حبتها في حياتي، وكنت مستعد أتغير عشانها وأبقى انسان جديد، بس في المقابل الإنسانة دي باعتني.

لبنى: كريم أنا مبعتكش، أخويا اللي رفض جوازنا.

كريم: آه وإنت بقى مصدقتي إنه رفض وسلمتي بكلامه.

لبنى: لا مسلمتتش بكلامه، بس مكنتش هاقدر أقف قصاده، شهاب مش بس أخويا، دا أبويا اللي رباني بعد موت بابا وماما، ماقدرش أقف ضده ولا أعارضه.

كريم: وأنا كنت إيه بالنسبة لك؟، مجرد عريس إتقدملك وإترفض وغيره يجي.

لبنى: لا يا كريم لو كنت زي ما بتقول مجرد عريس إتقدملي وإترفض مكنتش سبت البلد كلها لما أخويا رفضك.

كريم: إنت سافرتي عشان تهربي من المواجهة، لو كنتي عايزاني كنتي فضلتي

جنبي، نقف في وش أى حد يقف قدام حبنا.
لبنى: لو كنت فضلت قاعدة كان ممكن أخويا يفكر يجوزني لأي حد،
وساعتها مكنتش هاعرف أقف قدامه.

كريم: وإنت جاية دلوقتي عشان تقولي لي الكلام ده!
لبنى: لا يا كريم أنا جاية أقولك إني طول ما أنا مسافرة كنت معايا مفارقتش
خيالي، كنت باحلم باليوم اللي أخلص فيه دراستي وأرجع، يمكن تكون
إتغيرت فعلا، وشهاب يشوف التغير ده، ويوافق على جوازنا بس إنت بصراحة
عملت اللي عليك وزيادة بعد ما سافرت، رجعت أسوأ من الأول سهر وسكر
وكباريهات هو دا وعدك ليا يا كريم إنك تبقى إنسان جديد وتتغير.
كريم: اتغير!!، واتغير مين؟، لواحدة سابتنى وهربت!!.

الفصل الحادي عشر

لبنى: قولتلك مهربتش، أنا كنت بدي نفسي وبديك فرصة ووقت، عشان شهاب يوافق عليك، طول ما أنا هنا كان الوضع هيفضل متوتر. كريم: وأنا ماتغيرتش يا لبنى، بالعكس بقيت أسوأ، عارفة بقيت أسوأ ليه؟، لإني في كل مرة كنت بروح أسهر فيها وأعرف بنات كنت باشوفك قدامي واتحداي، أيوا يا لبنى كنت باتحداي، مستغربة ليه كنت بتحدى حبي اللي في قلبي ليكي، اللي كسرني يوم ما سبتيني وسافرتي، كنت باتحدى الإنسان الجديد اللي جوايا اللي كان نفسه يطلع، وكان مستنى فرصة واحدة تظهره، الفرصة دي كانت إنت يا لبنى، بس للأسف إنتِ استخسرتها فيا. لبنى: بس أنا رجعت يا كريم.

كريم: وأنا مبقاش عندي استعداد أتكسر تاني.

لبنى: عمري ما هاكسرك.

كريم: بس إنتِ كسرتيني فعلا، وخليتي الإنسان الجديد اللي جوايا يموت قبل ما يتولد.

لبنى: أنا هارجعه.

كريم: حتى لو رجعتيه شهاب أخوكي رأيه مش هيتغير.

لبنى: حتى لو شهاب رأيه ماتغيرش، أنا يا كريم اللي إتغيرت، أنا اللي مابقتش قادرة أبعد وأعانذ قلبي أكثر من كده يا كريم، أنا لسه بحبك، وبعدي عنك الفترة اللي فاتت خلاني إتأكدت إني مش هاقدر أعيش ولا أكون لحد غيرك، أرجوك ساعدني، وحاول تتغير بجد وأنا هافضل معاك، مش هبعده عنك ومش هاسمح لحد يبعدها تاني.

كريم: حتى لو كان شهاب؟.

لبنى: حتى لو كان شهاب يا كريم، هاقف قدامه، المهم أبقى معاك، مش هاسمحك ترجع للي كنت فيه تاني، ولا تضيع كل حاجة حلوة بينا.

كريم: وأنا أوعدك إني هاغير حياتي، وهاخليها كلها ليكي وعشانك يا لبنى، إنتِ حب عمري الوحيد، أنا بجد بحبك،.... بحبك أوي يا بنت عمي.

لبنى: وأنا كمان.

كريم: وإنتِ كمان إيه؟.

لبنى: والوالله.

كريم بضحك: خلاص يا ستي هتقليلي صعيدي ليه؟.

لبنى: أيوا كده يا أخي، أخيرا ضحكت، يا ستار، المهم دلوقتي يا كريم نقف

جنب كارما لحد ما تعدي الأزمة دي وشهاب يرجعه عقله ويرجع لمراته.
كريم: وأنا وعدتها، وبقولها قدامك يا لبنى حق أختى هاجيبه ولو على
رقيبتي وهافضل واقف جنبها وفي ظهرها لحد آخر نفس في عمري.

تمر الأيام ويبقى الوضع بين كارما وشهاب كما هو، شهاب بعيدا تماما عن
كارما منذ أن تركت المنزل ولا يسأل عنها، وكارما التي يؤلم قلبها تجاهل
شهاب لها، ومصرة على إخفاء خبر حملها، وكريم الذي يقف بجانب كارما،
ويحاول أن يفى بعهده لها بأن يظهر الحقيقة.

وفي يوم من الأيام كان شهاب جالسا في مكتبه ويتردد في أذنيه كلام حسن.
(وفعلنا بقت تجيلي اللوكاندة من وقت للتاني، افتركر اللي بعد كده بلاش
يتحكي لأنه هيضابق ويوجع أوي)

(لإني بقيت أحس إني بالنسبة لكارما هانم مجرد واحد بتتسلى معاه، مش
حبيب نفسها تتجمع معاه في بيت وتبني معاه عيلة، الأول فهمتني إنها
بتحبني وإنها عايزة تطلق من جوزها وتجاوز ودا اللي خلاني قدرت موقفها
وفضلت معاه، لكن مع الوقت لقتها بتتهرب من موضوع الطلاق وفي نفس
الوقت عايزة تبقى معايا، بدأت أحس إني لعبة في إيد الهانم، بتقضي معايا
وقت جميل وفي الآخر ترجع لجوزها، وأنا مقبلش ده)
(خد بالك وإنت بتشيلها يا بشمهندس، متشلهاش من رجلها اليمين عشان
فيها حرق بيوجعها أوي)

وهنا تمالك شهاب نفسه وأمسك بهاتفه محدثا حسن: أيوا يا حسن... كنت
عايز أقابلك... آه عايز أسمع بقية الحكاية منك..... اسم اللوكاندة اللي إنت
قاعد فيها إيه؟..... تمام.... نص ساعة وأكون عندك.

أغلق شهاب الهاتف واستعد للذهاب لمقابلة حسن، ولكن قبل أن يخرج
أخرج مسدسه ونظر له قليلا ثم وضعه في جيبه وكأنه ينوي على فعل شئ
ما.

في اللوكاندة المقيم بها حسن.....
وصل شهاب إلى اللوكاندة المقيم بها حسن، وهناك استقبله رجل عجوز
يعمل في اللوكاندة يدعى عم يحيى.

شهاب: مساء الخير.
يحيى: مساء النور، أي خدمة يا ابني.
شهاب: لو سمحت في واحد عندكم اسمه حسن خليل، كنت عايز أقابله.
يحيى: طب ثواني.
أمسك يحيى بالهاتف محدثا حسن، الذي أخبره بأنه مستعد لمقابلة شهاب.
يحيى: اتفضل يا ابني هو مستنيك فوق أوضة ٢٢٤.
شهاب: شكرا يا حاج.
يحيى: متأخذنيش يا ابني شكلك ابن ناس، إيه اللي جابك لوكاندة زي دي
ما يعلم بيها إلا ربنا.
شهاب: الظروف بقى يا حاج، وبعدين لما حضرتك عارف إنها لوكاندة
مشبوهة شغال فيها ليه؟.
يحيى: أكل العيش يا ابني، ربنا ما يحكم عليك بالحوجة، مين هيرضى يشغل
واحد في سني.
شهاب: طب اتفضل يا حاج دا الكارت بتاعي، تعاللي في أي وقت وأنا
هاشوفلك شغل أفضل من ده.
يحيى: ربنا يريح بالك يا ابني ويسعدك.
يستعد شهاب لمقابلة حسن ولكن بعد تفكير يعود مرة أخرى ليحيى.
شهاب: معلش يا حاج ممكن أسألك على حاجة؟.
يحيى: اتفضل يا ابني.
شهاب: هو في حد بيحي يزور حسن.
يحيى: هو اللي زي ده ليه اللي يسألوا عليه، أصلا مفيش غير واحدة بس اللي
بتجيله كل كام يوم، وشكلهم استغفر الله العظيم يعنى مع بعض.
شهاب بقلق: متعرفش اسمها إيه الواحدة دي؟.
يحيى: مش فاكر يا ابني ياما بيعدى علينا.
شهاب: معلش حاول تفتكر.
يحيى: أبوا هو مرة كان بيندهلها بيقولها يا كريمة!
شهاب: كريمة!
يحيى: أبوا يا ابني حاجة زي كده.
شهاب بوجع: قصد حضرتك كارما مش كده؟.
يحيى: أبوا!!!!!! الله ينور عليك يا ابني هي كارما دي.
شهاب يكور يديه من الغضب ويحاول أن يتمالك أعصابه ويذهب لمقابلة

حسن في غرفته فيجده في الحمام، فينتظره في الغرفة إلى أن يخرج له. كان شهاب ينظر على الغرفة بإحتقار وأخذ يدور بعينه يشاهد أثاث الغرفة القديم، إلى أن وجد أمامه دولا ب، فقاده فضوله لفتح هذا الدولا ب ومعرفة ما فيه، وبمجرد أن فتح شهاب الدولا ب وجد فيه لباس نوم باللون الروز . تتسع عينا شهاب عند رؤيته ويتذكر كارما وهي ترتده، يضعه على أنفه ويشتمه جيدا وحينها تحمر عينا شهاب من الغضب، فعليه نفس رائحة العطر الذي تضعه كارما وكيف لا يعرفه وهو عطر زوجته. يقطع شرود شهاب صوت حسن من خلفه. حسن: ينفع تفتح دولا ب مش بتاعك، أهو أديك لقيت حاجة مكنش ينفع تلاقيها.

شهاب: القميص ده.....

حسن: أيوا يا بشمهندس هو بتاع مدام كارما المدام بتاعتك، ولولا إنك فتحت الدولا ب وشفته أنا كنت عمري ما هوريهولك لأنه بصراحة بيفكرني بذكريات حلوة.

يصل غضب شهاب إلى قمته : لا انت كده اتعديت كل الحدود، وكفاية إني سبتك لحد دلوقتي عايش وواقف على رجلك بعد اللي سمعته منك .

أخرج شهاب المسدس وصوبه في وجه حسن وهم أن يقتله: أنا وعدتك إني هاقتلك يا حسن يا خليل، وأنا دلوقتي هاوفي بوعدني ليك.

وضع شهاب إصبعه على الزناد وهم أن يطلق الرصاص ولكن وجد من يمنعه من خلفه ويرفع يد شهاب لتتجه الرصاصة إلى سقف الغرفة، نظر شهاب خلفه ليجد كريم هو من منعه من قتل حسن.

كريم: إنت اتجننت يا شهاب إنت عايز تضيع نفسك عشان واحد زي ده.

شهاب: سبيني يا كريم أقتله وأخلص.

كريم: لا مش هسبيك، هو يغور في داهية، لكن إنت مش هاسمحلك تدخل السجن في واحد زي ده، وأوعدك إني هجيبه تحت رجلك يلحس جزمته.

يخرج كريم مع شهاب من الغرفة محاولا أن يهدئه وترتسم على وجه حسن ابتسامة نصر، وفي خارج اللوكاندة يحاول شهاب أن يتمالك أعصابه وينظر لكريم بتعجب.

شهاب: إنت إيه اللي جابك وعرفت منين عنوان اللوكاندة؟.

كريم: كويس إني جيت عشان ألحقك قبل ما تودي نفسك في داهية، الزفت اللي اسمه حسن هو اللي كلمني؟.

في فيلا الصفدي.....

تجلس كارما في غرفتها شاردة كعادتها ويدخل عليها كريم ووجهه متجهم.

كارما: في إيه يا كريم مالك؟

نظر لها كريم في صمت.

كارما: كريم انطق قلقتني في إيه ؟ إوعى تقولي شهاب حصله حاجة؟.

أخرج كريم لها لباس النوم وأعطاه إياه.

كارما: إيه ده يا كريم؟.

كريم: يعني مش عارفة إيه ده؟.

كارما: لا عارفة دا القميص بتاعي، أنا قصدي بيعمل معاك إيه؟.

كريم: إنت عارفة القميص دا شهاب جايه منين يا كارما؟.

كارما: يعنى إيه منين؟، أكيد من دولاي اللي في البيت، في إيه يا كريم؟.

كريم: القميص دا شهاب لقاه في دولاب حسن في أوضته اللي في اللوكاندة.

كارما بصدمة: إبيبيبيبيبي إنت بتقول إيه؟، مستحيل أكيد في حاجة غلط؟.

كريم: القميص دا بتاعك مش كده؟.

كارما: أيوا بتاعي يا كريم، لكن راح لحسن إزاي؟!، أنا هاتجنن!، أنا حاسة إني في كابوس ومش عارفة أصحى منه.

كريم: للأسف دا واقع مش كابوس يا كارما، والواقع الأهم دلوقتي إن شهاب بقى عنده يقين إنك خنتيه.

كارما بإنهيار: مختتوش يا كريم ورحمة أبويا مخونتوش، صدقني يا كريم إنت الوحيد اللي لازم تصدقني عشان أنا معملش كده، أختك متعملش كده يا كريم.

احتضن كريم كارما: طب اهدي يا كارما.

كارما: أنا هاروح لشهاب وأكلمه وهو أكيد هيصدقني.

كريم: بلاش يا كارما.

كارما: بلاش ليه يا كريم؟، ما هو لازم يعرف الحقيقة، وهو أكيد هيصدقني، أنا عارفة شهاب ممكن يزعل مني لكن مستحيل يصدق إني أخونه.

كريم: مش هيصدقك يا كارما.

كارما: لا اسمعني إنت بس، هو أول ما يشوفني هيعرف إني مظلومة شهاب بيحبني وعارف.....

كريم يقاطعها: شهاب هيطلقك يا كارما.

كارما : إيه!!!!؟.

في غرفة كارما.....

تجلس كارما في غرفتها بعد أن علمت بأن شهاب قرر أن يطلقها وظلت تتذكر حديثه ومواقفه معها.

(شهاب بغضب: انتِ اتجننتي يا كارما، انتِ مش عارفة انتِ فارقة معايا في إيه؟

كارما: لا مش عارفة يا شهاب.

شهاب بغضب: فارقة معايا عشان بحبك يا غبية فاهمة وإلا أفهمك تاني بحبك...بقولك بحبك وعمري ما حبيت ولا هحب غيرك.

كارما: ياااااااه أخيراه يا أخي نطقتها، أخيرا سمعتها منك.

شهاب: يا سلاااااام، هو أنا يعني لازم أقولها، يعني إنتِ مش حاسة من زمان أوي إني بحبك،

تبقى عبيطة يا كارما لو فكرتي كده أنا باحبك من زمان أوي، من أول ما عيني فتحت عليكي وإنتِ بتكبري قدامي يوم ورا يوم، باحسك حته مني، حاجة تخصني لوحدي، كنت مستني اليوم الي نتجوز فيه وتبقى مراتي حلالي، وساعتها كنتي هتحسي أنا قد إيه بحبك).

(شهاب: يا خبر ابيض عليا وعلى سنيني.

كارما: إيه شكلي وحش؟.

شهاب: وحش إيه بس دا أنا شايف الشمس اتكرمت ونزلت تسهر معايا، لا، لا، أنا غيرت رأيي مش هنزوح نسهر برة يالا على فوق.

كارما: يالا يا شهاب بلاش غلاسة بقى.

شهاب: هاخرج على مسؤوليتك، بس لو طخيتلي كام واحد على الماشي عشان بصولك متبقيش تزعلي، وأنا صعيدي ومخي مقفول.

كارما: لا وعلى إيه الطيب أحسن)

(شهاب: انتي كمان يا كارما حبك إتولد في قلبي من يوم ما جيتي للحياة كنتي كل يوم بتكبري قدامي وأنا حاسك حاجة غالية أوي تخصني، لا أنا كنت باحسك حته مني بتتحرك قدامي حته مني رجعت جوايا يوم ما اتجوزنا وبقيتي جنبي ، ممكن أعرف بقى إيه لزمة الكلام دا دلوقتي وإيه اللي فكرك بيه.

كارما بانهايار: عشان بعد كل الحب ده وكل السنين الي بينا بتتشك فيا يا شهاب، بعد عمري اللي عشته بحلم فيه بقربك ووجودك جنبي، أعرف إنك صدقت كلام إتقال عليا من واحد حقير عايز يوقع بينا، عرفت كل حاجة

يا بشمهندس عرفت الكلام اللي حسن خليل قاله عليا، بس صدقني مش
دا اللي جرحني، اللي جرحني بجد شكك فيا كونك تتغير معايا وتبعد عني
وللحظة تفكر مجرد تفكير إن كلام زي ده ممكن يكون صح، دا قتلني مش
جرحني بس.

شهاب: كارما أنا مصدقتش كلام الزفت ده، بس أي واحد يسمع كلام زي ده
عن مراته لازم يتصدم.

كارما: أي واحد غيرك إنت لإني ببساطة أنا إنت، أيوا إحنا شخص واحد، كل
صغيرة وكبيرة في حياتي تعرفها عني أنا كبرت بين إيديك، وفي حضنك يبقى
إزاي ممكن تصدق كلام زي ده.

شهاب حضنها بقوة: أرجوكم يا كارما خليكي جنبي وفي حضني لحد ما نعدي
الأزمة دي سوا متبعديش عني مهما حصل.

كارما: خايفة أوي من اللي جاي يا شهاب.

شهاب: طول ما إحنا مع بعض هنعدي أي أزمات (

تعود كارما للواقع وتتردد كلماته في أذنها (أرجوكم يا كارما خليكي جنبي وفي
حضني لحد ما نعدي الأزمة دي سوا متبعديش عني مهما حصل).

(متبعديش عني مهما حصل).

وهنا وقفت كارما ومسحت دموعها وعقدت أمرها فذهبت مغادرة المكان
بعد أن أبدلت ثيابها.

_____الفصل الثاني عشر_____

أمام فيلا الصفدي.....
تستعد كارما لقيادة سيارتها لترحل ولكن يوقفها رجلان.
الشخص الأول: حضرتك مدام شهاب الصفدي؟
كارما: أيوا أنا خير في حاجة.
الشخص الثاني: آه للأسف بشمهندس شهاب عمل حادثة قريب من هنا،
عربية نقل خبطت في عربيته.
كارما بصراخ: إيه شهااااب؟، إيه اللي حصله؟، طمني هو كويس؟.
الشخص الأول: إحنا نقلناه اقرب مستشفى، بس هو طالب يقابلك.
كارما: ماشي، ماشي، أنا هاركب، قولولي اسم المستشفى وأنا رايحاله حالا.
الشخص الأول: لا مفيش داعي، إحنا هنوصلك ليه.
كارما: ملوش لزوم أنا هاروح بعربيتي.
الشخص الثاني : لو سمحت يا مدام كارما تعالي معانا، وإحنا هنوديكي ليه
وياريت بلاش كلام كتير.
كارما بعدت عنهم : هو في إيه بالضبط؟، أنا مش فاهمة حاجة انتوا فعلا
جايين من طرف شهاب
وإلا
وقبل أن تكمل كارما حديثها فقدت الوعي، إثر مخدر قام أحدهما برشه
عليها، فحملها ووضعوها في سيارتهما.

ب_____ك.....
وهنا تعود كارما للواقع، ووجدت نفسها مقيدة في هذا المخزن، كانت
كارما تبكي بخوف وتنادي على شهاب: فينك يا شهاب؟، تعالي إلحقني، أنا
محتجالك أوي.
في شركة الصفدي.....
يدخل شهاب مكتبه ويطلب السكرتيرة لتأتي له في الحال.
نيفين: تحت أمرك يا فندم.
شهاب: روعي لكريم بيه قوليله إني عايزه.
نيفين: بس كريم بيه لسه مجاش.
شهاب: نعم لحد دلوقتي! وامبارح مجاش الشركة خالص دا تهريج.

نيفين : تحب حضرتك أكلمه في التليفون.

شهاب: لا روحي إنتي، أنا هاكلمه.

يسك شهاب هاتفه طالبا كريم ، ولكن كريم لا يجيبه فيزفر ضيقا.

شهاب: جراللك إيه يا كريم بيه إنت كمان، وإحنا من إمتي بندخل مشاكلنا الشخصية في الشغل؟، طب لما أشوفك.

وبعد دقائق يدخل كريم ووجهه متجهم ويتعامل مع شهاب بجمود.

شهاب: ما لسه بدري يا بيه.

نظر له كريم دون أن يجيبه.

شهاب بتردد: إنت مبتردش عليا ليه؟، إنت قولت لكارما حاجة؟.

كريم: وإنت كارما تهملك في إيه دلوقتي؟، إنت مش هتطلقها، خلاص ملكش دعوة بيها.

شهاب: أه عشان كده مش عايز تيجي الشركة، بتردهالي يعني، بس لازم تعرف إن الشغل ملوش.....

كريم يقاطعه: ههششش، ممكن ما أسمعش منك ولا كلمة وتفضل تقوم تيجي معايا.

شهاب: إنت إزاي بتكلمني كده؟، واتفضل معاك فين؟.

كريم: كلامي واضح يا شهاب يا صفدي، هتيجي معايا مشوار ولحد ما المشوار يخلص مش عايز أسمع منك ولا كلمة لأن بعدها في حاجات كتير أوي هتتغير، إتفضل معايا.

شهاب: لما نشوف آخرتها.

في أحد المخازن المهجورة.....

ما زالت كارما مقيدة وتبكي من الخوف، ولكن فجأة تشعر بأحد الأشخاص يدخل إلى المخزن، ولكنها لا تستطيع أن تميز ملامحه بسبب الظلام، ولكن الشخص تحدث إليها فأحست أن هذا الصوت تعرفه جيدا وأنه ليس بغريب عنها.

الشخص: منورة يا كارما هانم.

كارما : إنت مين وعايزين مني إيه؟.

الشخص: في الحقيقة أنا اللي عايز مش هما، أنا اللي طلبت منهم يجييوكي لحد هنا عشان في بينا حساب قديم عايزين نصفيه.

كارما: حساب! حساب إيه؟، إنت متعرفش أنا مين! إعمل حسابك أنا جوزي
مش هيسكت على اللي بيحصل ده.

الشخص يضحك بهيسترية: دمك لسه خفيف يا كارما، جوزك إيه بس انت
لسه عايشة في الوهم ده، جوزك اللي بتتكلمي عليه، مش بعيد في اللحظة
اللي باكلمك فيها يكون عند المأذون بيطلقك.
كارما بصدمة: إنت مين؟.

يخرج الشخص من الظلام وتبدأ ملامحه في الظهور تدريجيا.
الشخص: إخص عليكي يا كرومة بقى برضه نسياتي صوتي.

كارما بصدمة: مش ممكن إنت ...
حسن: حسن ... حسن خليل ... قاتل القلوب.

في إحدى العمارات.....

يذهب شهاب مع كريم كما طلب منه فأخذه كريم إلى إحدى العمارات.
شهاب: ممكن أعرف إحنا فين وجايبني هنا ليه؟.

كريم: جايبك شقتي.

شهاب: شقتك!!!.

كريم: آه شقتي، اللي اشترتها من سنين عشان أتجوز أختك فيها لو كنت
ناسي.

شهاب: وطبعا لما رفضتك بقت الوكر بتاعك.

كريم بغضب: لا مسمحكش لحد كده، الشقة دي مقفولة من ساعة ما
اشترتها ومسمحتش لحد يدخلها لأنها أنظف حاجة في حياتي.

شهاب: وانت جايبني فيها ليه دلوقتي.

كريم: إتفضل معايا وإنت تعرف.

يصعد كريم وشهاب إلى شقة كريماً ويدخلا فيها ويطلب كريم من شهاب
أن يجلس ليقدم له عرض.

كريم: أنا النهاردة هاتقمص دور رشدي أباطة في الرجل الثاني يعني تقدر
تقول النهاردة هابقي الساحر، جنابك هتقعد وتتفرج وأنا اللي هعرض.

شهاب: إنت جايبني هنا يا كريم عشان تهزر معايا.

كريم بحزم: إتفضل إقعد يا شهاب يا ابن عمي.

يجلس شهاب في غيظ ولكنه لا يريد أن يثير غضب كريم، فلأول مرة يراه

على هذا الحال.

كريم : ودلوقتي هاقدملك أول فقرة.

يصفق كريم بيده فيفتح باب أول غرفة ويخرج منه خليل والد حسن ويتفاجئ شهاب بوجوده.

شهاب: عم خليل إيه اللي جابك هنا؟.

كريم: شهاب بيه طبعا عارف عم خليل كويس، عم خليل قرر يقوم بأول فقرة معايا، إتفضل يا عم خليل قول لشهاب بيه اللي تعرفه ومين اللي خد كارت التوصية من كارما.

خليل ناظرا لشهاب: يا شهاب بيه أنا عارف يا ابني إني غلطان إني روحت لكارما هانم كان المفروض استناك لما ترجع من السفر، لكن يا ابني أنا اب وابني كان مصمم يسافر فمكنش قدامي غير إني أروح لست كارما وأطلب منها تتوسطلي أشغل ابني في أي حته كويسة، عشان ينسى موضوع السفر ويقعد معايا، وهي الله يسترها مرضيتش تكسر بخاطري، وإدتينى كارت توصية عليه إمضتلك اللي ابني قدمه واشتغل بيه.

كريم: سمعت يا شهاب بيه، اتفضل ارتاح إنت يا عم خليل، وتقدر تكمل معنا الفرجة على العرض.

خليل: هو ابني عمل حاجة يا كريم بيه؟.

كريم: دلوقتي هتعرف كل حاجة.

يصفق كريم بيده مرة ثانية متحدثا : الفقرة الثانية تخرج.

ينفتح باب الغرفة الثانية عقب تصفيق كريم ويخرج منه يحيى عامل اللوكاندة.

شهاب: إنت !!.

كريم: عم يحيى الراجل العجوز الغلبان اللي قابلته من كام يوم في الشركة، وعرفت إنك إديتية عنوانك عشان تساعد يسبب اللوكاندة اللي بيشتغل فيها ، الراجل بصراحة جيه عشان توفيله بوعدك ومكنش يعرف إن ربنا بعته لسبب أهم عشان الحقيقة تظهر على إيده.

شهاب: قصدك إيه؟.

كريم ناظرا ليحيى: عم يحيى إنت قابلت شهاب بيه من يومين في اللوكاندة وقتلته إن حسن خليل بتجيله اللوكاندة واحدة اسمها كارما حصل؟.

يحيى: يا ابني أنا قولت اللي أعرفه والي يمليه عليا ضميري.

كريم: وأنا مصدقك.

فتح كريم أحد الأدراج مخرجا صورة لكارما وأعطائها ليحيي لينظر فيها.
كريم : بص كده يا عم يحيي، هي دي كارما اللي بتيجي لحسن اللوكاندة.
يحيي يدقق النظر في الصورة: لا يا ابني، كارما إيه، دي مش هي خالص.
كريم ينظر لشهاب بسخرية: إتأكد يا عم يحيي وبص في الصورة كويس، مش
هي دي اللي على علاقة غير شريفة بحسن.
يحيي: لا يا ابني الظلم حرام دي شكلها محترم وابن ناس، انما الثانية استغفر
الله العظيم شكلها مش ولايد.
شهاب بصدمة: مش ممكن..... كريم....
كريم بيقاطعه: استنى بس يا بشمهندس متستعجلش لسه فاضل أهم وأخر
فقرة.

يصفق كريم للمرة الأخيره متحدثا: آخر فقرة تدخل.
فينفتح باب الغرفة وتخرج منها انتصار الخادمة الخاصة بهم.
شهاب: إيه ده..... انتصار!!

كريم: ودي بقى الحلقة المفقودة اللي بصراحة تعبت أوى على ما وصلتها،
بس كنت شاكك فيها من أول لحظة.

خليل: انتصار !! ايه يا بنتي اللي جابك هنا وإيه علاقتك بالبهورات.
نظر شهاب لخليل بتعجب: إنت تعرفها يا عم خليل.
كريم: أنا هاجوبك يا شهاب انتصار تبقى بنت خال حسن، ودا اللي إنت
مكنتش تعرفه يوم ما شغلتها عندك، انتصار اتزرعت في بيتك وكانت العين
اللي بتنقل لحسن كل أخبارك وتحركاتك إنت وكارما .

كريم ناظرا لانتصار: ها يا انتصار هتتكلمي وإلا أتصرف معاكي بطريقتي.
انتصار بخوف: هاتكلم، هاتكلم، حسن يبقى ابن عمتي وعارف أنا باحب
الفلوس أد إيه، ولما رجع من السفر عرض عليا إنه يديني فلوس كتير مقابل
إنه يشغلني عند ناس أغنيا أوي، وأجيبله كل أخبارهم، وفعلأ قدرت أتعرف
على البواب اللي عرفت منه إنكم عايزين حد يشتغل عندكم بعد دادة
رحمة ما ماتت، والبواب رشني ليكم واشتغلت، بعدها لقيت حسن بقى
يطلب منى أجيبله أخبار غريبة أوي عنكم، يعنى لو في جرح مميز في
جسم الهانم لمحته، في حادثة غريبة حصلت لها، وساعتها حصلت حادثة دلق
الشاي على رجلها ورحت بلغته وطبعا كان كله بتمنه، كمان كنت بسمع
كل الكلام اللي بيدور بينكم وأروح ابلغوه، أنا صحيح مكنتش فاهمة
هو بيطلب الطلبات دي ليه؟، بس أنا مالي طالما بيدفعلي التمن، وآخر مرة

طلب مني أجييله قميص نوم من دولاب الهانم، وأغرقة بالريحة بتاعتها، في الأول اترددت ورفضت، لإني حسيت إن الموضوع أكبر مما توقعت، بس هو بصراحة سد بقى بمبلغ محترم، وجبتله القميص وخصوصا وحالة الهانم في الفترة الاخيرة مكنتش مركزة تشوف إذا كانت حاجة ناقصة منها وإلا لا، بس دا كل اللي أعرفه.

شهاب بغضب: إنت عايزة تقوليلى إني أنا كنت هاخرب بيتي وأطلق مراتي عشان واحدة ملهاش لزمة زيك كل اللي يهمها الفلوس، مراتي اللي جذمتها برقبة عشرة من أمثالك، شكيت فيها بسبب طمعك وقلة ضميرك، أنا بجد مش مصدق نفسي.

نظر كريم للكل: ودلوقتي يا جماعة العرض خلص، أنا متشكر ليكم جميعا تقدرُوا تتفضلوا.

نظر خليل لانتصار بعد أن فهم ما يدور منها، ومن ابنه، وقام بصفعها على وجهها بشدة محدثا إياها بغضب : اظاهر إنك متربتيش ولا إتعلمتي يعني إيه حرمة بيوت، إتفضلى قدامي وحسابك معايا عسير. غادر الجميع وتركوا شهاب وكريم، نظر شهاب لكريم فوجده واضعا يده على وجهه ودموعه إنهالت.

كريم: أظن دلوقتي عرفت سبب إني مكنتش عايزك تتكلم غير لما المشوار يخلص، تقدر دلوقتي تقول كل اللي إنت عاوزه، وعلى فكرة لو عايز تطلق كارما أنا مش هامنحك لإن كرامة أختي عندي أعلى من حياتي. شهاب: أنا مش عارف أقولك إيه.

كريم: متقولش حاجة يا شهاب أنا كنت عاذرك، إنت كنت بتتعامل مع الموقف على إنك زوج شاكك إن مراته بتخونه، دا كان كفيل يلغي عقلك لكن أنا كنت باتفرج على اللي بيحصل، وأحاول أحلله عشان أعرف مكان الثغرات اللي قدر حسن يدخل منها ويرسم خطته عشان يوقع بينكم، الفرق بيني وبينك يا شهاب إنك كنت بتتعامل مع الموقف على إنك الحبيب المتخان، لكن أنا كانت ثقفتي في أختي أكثر من ثقفتي في نفسي، عشان كده كنت بتتعامل مع الموقف على إني المحقق اللي بيدور الحقيقة فين؟.

هم شهاب أن يتحدث ولكن قاطعه صوت هاتف كريم.

كريم: ألو ... أيوا يا ماما.

ليلي بقلق: إلحقتي يا كريم، أختك خرجت من الصبح، ومش عارفة هي فين؟، وتليفونها مقفول.

كريم بغضب: إيه إنت بتقولي إيه يا ماما؟، إزاي يعني متعرفيش هي فين أنا جاي حالا.

وقف شهاب مكانه وظهر عليه القلق.

شهاب: في إيه يا كريم؟؟.

كريم: كارما خرجت من الصبح ومش عارفين هي راحت فين، وتليفونها كمان مقفول، أنا خايف تكون عملت في نفسها حاجة، إنت متعرفش كانت حالتها عاملة إزاي إمبراح لما عرفت إنك عايز تطلقها.

كان شهاب قلقا لكن بعد قليل من التفكير زال القلق عن وجهه وجلس على الكرسي في هدوء.

كريم: ودا اسمه إيه ده بقى!!، باقولك مراتك مش عارفين هي فين وإنت بالهدوء ده!!.

شهاب: مش بتقول إنها إمبراح عرفت إني هاطلقها، يمكن راحت لحسن تبشره إنها خلاص هتطلق وهيرجعوا لبعض.

كريم وصل لقمة غضبه وبدأ في الصراخ أمام شهاب: لا لحد هنا ومش هسمحلك بكلمة واحدة زيادة يا شهاب يا صفدي، متنساش إن اللي بتتكلم عليها دي كارما الصفدي بنت حسين الصفدي اللي أخلاقها ودينها الكل بيشهد بيهم، أنا كنت عاذرك لحد آخر لحظة، وأقول الشك عامي عينيه، لكن لما توصل إنك تقول إن أختي هربت وراحت لواحد غير جوزها خصوصا بعد ما بقت الحقيقة واضحة قدامك يبقى إنت اللي إنسان مريض، تصدق كارما كان عندها حق لما قالت إنك مش شهاب ابن عمها اللي حبته واتجوزته، أنا دلوقتي بس إناكدت إن إحساسها بيك كان صح، عالموم أنا رايح ألحق أختي، لأن للأسف كبير عيلة الصفدي اللي أبويا أمنه على عيلتنا مبقاش يصلح يبقى كبير علينا.....سلام يا ابن عمي.

ترك كريم شهاب بعد أن زلزه من داخله بحديثه معه وظل يتذكر كلمات كارما له.

(ولا أى حاجة، أنا بس عايزة أفضل بصالك، عايزة أفضل باصة لابن عمي اللي فتحت عينيها على حبه عشت واتربيت معرفش حاجة غير حبه ومبتمناش حاجة غير إنه يفضل جنبى، عارف يا شهاب وأنا صغيرة كنت بتحجج إني عايزة ألعب مع لبنى أختك عشان أروح البيت عندكم، وأفضل اتفرج عليك من بعيد وإنت قاعد مع عمي، كنت ساعتها عيلة صغيرة مش عارفة أنا باعمل كده ليه وليه كنت ببقى مبسوطة وأنا شايفاك قدامي وقريب منى،

ولما دخلت المدرسة كنت باعمل نفسي مش فاهمة الرياضيات عشان عارفة إنك شاطر فيها وهتذكرهالي، كنت لما بتشرحلي المسألة وأبقى فهمهاها أوي، وبالرغم من كده أعمل نفسي مش فاهمة عشان تعيدهالي تاني وتالت، كل ده عشان تفضل أطول وقت ممكن جنبى، ولما دخلت ثانوى كنت هموت وأدخل كلية الطب وأبقى دكتورة لكن فضلت أدخل علمي رياضة زيك عشان تفضل إنت برضه اللي تذاكر لي وتبقى قريب مني وكانت النتيجة إني مجبتش مجموع لإني دخلت حاجة مبجهاش ودخلت في الآخر كلية تجارة، بس عارف رغم كل اللي حصل مكنتش بيهمني غير إزاي أبقى جنبك وقريبة منك، عارف يوم ما عرفت إنك كلمت بابا وخطبتني منه كنت عاملة زي العيلة الصغيرة قعدت اتطنطت على السرير من الفرحة، ويومها صليت كتير أوي عشان أشكر ربنا إنه حقيقي أغلى أمنية عندي، الحاجة الوحيدة اللي كنت متأكدة منها طول عمري هي حبك يا شهاب اللي على مدار عمري كان بيكبر جوايا من غير حدود)

وهنا أفاق شهاب من شروده واستجمع قواه وتحرك كالسبع ليحمي خاصته.

_____الفصل الثالث عشر_____

في المخزن المهجور.....

كارما تفاجئت أن من قام بخطفها هو نفسه حسن خليل.
كارما: إنت يا حسن ... إنت اللي خطفنتي إنت اللي عملت فيا كده...
صحيح وأنا هاستغرب ليه ما إنت عملت اللي أصعب من كده إنت دمرت
حياتي، وخربت بيتي، وخليت جوزي يفتكرني باخونه... نفسى أسألك سؤال
واحد بس، أنا أذيتك في إيه عشان تأذيني بالشكل ده؟.

حسن: ياااااااه يا كارما أذيتني في إيه؟، إنت فعلا مش عارفة اذيتني
في إيه؟،.... أذيتني يوم ما علقتيني بيكي وبحبك، إنت عارفة من وانتى
صغيرة كنت باستنى تيجوا مطروح من الصيف للصيف عشان أشوفك كنت
بأفضل أبص عليكى من بعيد وأأمل ملامحك اللي اتحفرت في قلبي، كنت
بأتمنى يجي عليا اليوم اللي أقولك فيه إني باحبك، وإنك ملكتي قلبي وعقلي،
وإني بانام كل يوم عشان أحلم بيكي وبس...كنت عارف إني باحب من غير
أمل لأني عارف إن الفرق بينا كبير أوي، بس كنت راضى لإن حبك في قلبي
كان لوحده بيسعدني، كان دايمًا الدافع ليا، هتصدقيني لو قتلتك إني كنت
بذاكر وصورتك قدامي في خيالي،أذيتني يا كارما يوم ما قربتني مني، وإذيتني
الأمل إنك ممكن تكوني ليا وتحسي بحبي ليكي، ... أذيتني يوم ما لعبتني
بمشاعري وحسستيني إنك ممكن تحبينني، أذيتني أكثر يوم ما استهزأتني
بيا وبحبي ليكي واتكبرتني عليا فاكرة يا كارما هانم.

ف_____لاش باك.....

(يا حسن ما تفوق بقى من الوهم اللي إنت فيه أنا محدش جبرني على
خطوبتي من شهاب ابن عمي لإني ببساطة باحبه وهو كمان بيحبني وهو
نفسه الشخص اللي كلمتك عنه وقولتلك إني بحبه، شهاب مش بس ابن
عمي شهاب كمان حبيبي وخطيبي).

حسن: حرام عليكى إنت ليه عملتي فيا كده؟، ليه رفعتيني لسابع سما
وبعدها وقعيتيني على جدور رقبتى.

كارما: إنت اللي عشت حلم مش بتاعك، دا مش ذنبي وأنا مش كل ما
هاتكلم مع حد يبقى بحبه، يعني فوق يا حسن وإعرف أنا مين وإنت مين،
أنا كارما الصفدي خطيبة المهندس شهاب الصفدي، فاهمني، وأرجوك فوق

كريم: شهاب!

شهاب: أيوا شهاب يا كريم، شهاب الصفدي واللي اختفت دي كارما الصفدي مراقي، وأنا عمري ما هاسمح إن يجرالها حاجة وأنا عايش.

يحتضن كريم شهاب بقوة وتملاً الدموع عينيه.

كريم بدموع: حمدا لله على السلامة يا ابن عمي.

شهاب: المهم دلوقتي كارما لازم نلاقيها يا كريم، فاهمني لازم.

ينادى شهاب على رجال الأمن ويسألهم في غضب عن كارما وما حدث لها.

شهاب بغضب: أنا عايز أفهم إزاي كارما هانم تختفي، وإنتوا قاعدين كده؟،

أمال انتوا لزمتكم إيه؟.

الحارس الأول: يا شهاب باشا هي اللي رفضت حد مننا يجي معاها.

شهاب: آه وانتوا مصدقتوا وقعدتوا، ما أنا لو مشغل رجالة مش شوية بهائم

مكنش دا حصل، اتفضل يا بيه منك ليه روحوا جيبولي تسجيلات الكاميرات

اللي قدام الفيلا، عايز أعرف إيه اللي حصل من الصبح ويالا غوروا من وشي.

لبنى : شهاب ! أنا كنت عايزة أقولك على حاجة.

شهاب ناظرا للبنى: في إيه يا لبنى؟.

لم تجيبه لبنى ولكن نظرتها له كانت مليئة بالخوف فانتاب القلق قلب

شهاب.

شهاب: لبنى انطقي في إيه ؟.

لبنى بخوف: كارما حامل.

شهاب: إنت بتقولي إيه! إنت أكيد بتهزري.

لبنى: لا يا شهاب كارما من يومين عرفت إنها حامل.

شهاب بصراخ: وانت إزاي متقوليش حاجة زي دي.

لبنى: هي طلبت مني محدش يعرف خالص.

شهاب: انت فاهمة انت عملتي إيه؟، كارما في مشكلة دلوقتي.

كريم: إهدى يا شهاب وإن شاء الله هتبقى كويسة هي وابنك.

شهاب: أهدي إيه بس، إنت اللي مش فاهم حاجة، أنا مش خايف على ابني

اللي في بطنها، أنا خايف عليها هي، كارما ممكن تسقط في أي وقت وتدخل

في نزيف وأنا ماعرفش هي فين؟.

ليلي بانهييار: إنت بتقول إيه؟، يعني بنتي ممكن تروح مني، إتصرف يا

شهاب أرجوك.

ويعود رجال الأمن بعد أن أتوا بجميع التسجيلات الخاصة بكاميرات الفيلا ،

شهاب: مش كفاية أنا لازم أعمل حاجة كارما في خطر ؟
كريم: متقلقش يا كريم، إن شاء الله كارما هترجع وهتبقى كويسة حتى
لو هافديها بحياتي.

في أحد الطرق المهجورة.....
تقف سيارة مجهولة ويخرج منها شخصين يحملان حسن ويرمون به في
الطريق تاركينه غارقا في دماءه ويسرعوا بسيارتهم بعيدا عنه، يجاهد حسن
لإخراج هاتفه من ثيابه وينجح في الوصول إليه بعد مجهود كبير ويحاول أن
يتحدث إلى شهاب.

وفي فيلا الصفدي.....
يرن هاتف شهاب فينظر إلى الطالب ليجده حسن فيسرع بالاجابة عليه.
شهاب بقلق: ألو .

حسن يجيب بصوت ضعيف غير مسموع: إلحق كارما.
شهاب: حسن إنت بتقول إيه وفيين كارما؟
حسن يجاهد على توضيح صوته: إلحق كارما كازينو الأنوار ... كازينو
الأنوار.

وهنا ينقطع صوت حسن بعد أن فقد الوعي تماما.
شهاب: ألو، ألو بتقول إيه يا حسن؟
يغلق شهاب الهاتف مع حسن ويطلب رقم آخر.
شهاب: ألو أيوا يا عادل، في رقم اتصل بيا دلوقتي ...عايزك تحدد مكانه
بالظبط وتروح هناك ومعاك عربية إسعاف... أيوا دلوقتي مش عايز أي
تأخير بسرعة.

كريم: في إيه يا شهاب؟
شهاب: دا حسن وشكله زي ما يكون بيموت.
كريم: دا كان بيقولك إيه؟
شهاب: كل اللي فهمته منه إلحق كارما، كازينو الأنوار.
كريم: معنى كده إن كارما ممكن تكون هناك.
شهاب: لو كده تعالي نروح هناك ونطربق المكان على اللي فيه لحد ما
نلاقيها.

كريم: حيلك يا عم الحمش الدنيا متمشيش كده، انت لو عملت كده مش

بعيد يداروها عنك لو هناك أو اللي خاطفها يهرب لما يشوفك.
شهاب: أمال جنابك عايزني أعمل إيه؟
كريم: أنا هقولك نعمل إيه.

في ملهى الأنوار.....
يقف شهاب وكريم أمام باب الملهى، وشهاب في حيرة من أمره.
شهاب:ها... هنععمل إيه دلوقتي؟
كريم: هنععمل إيه يعني؟، هندخل كأننا زباين عادية وندور في المكان يمكن
نلاقى حاجة تدلنا على كارما.
شهاب: وإنت عرفت المكان دا إزاي اصلا؟
كريم: ها... لا مفيش سمعت عنه بس.
شهاب: سمعت عنه ! طب قدامى.
كريم: بقولك إيه فك كده، لحد يشك فينا، إنت المفروض داخل عشان
تفرفش وتسهر.
شهاب: أفرفش ومراقي مخطوفة يا عديم الدم.
كريم: يا سيدي مثل، متعرفش تمثل وبعدين ما هي اللي مخطوفة دي أختي
وإلا نسيت.
شهاب: طب قدامى يا أخويا.
يدخل كريم وشهاب الملهى، وعندما يدخل استقبل بنتان من المكان كريم
استقبال حافل.
البنت الأولى: هاي كيمو فينك بقالك فترة مبتجيش.
شهاب: كيمو!
البنت الثانية: وحشتنى يا كوكي، فينك من زمان.
شهاب يهمس لكريم: كيمو وكوكي وسمعت عنه بس، دا مش بعيد ألقاهم
عاملينك تمثال جوا.
كريم: لا مش للدرجة يعني، دا أنا جيت مرتين مفيش غيرهم مع صحابي
تفاريح كده.
شهاب: ما هو واضح من كيمو وكوكي.
كريم: لا متاخدش في بالك، أنا بس اللي باعلق مع الناس بسرعة.
شهاب: ومستغرب إني رفضت أجوزك أختي دا أقل واجب.

البننت الأولى: مش تعرفنا يا كيمو بصاحبك.
كريم: آه سوري، دا شهاب صاحبي الأنتم و كان جاي يفرفش شوية.
البننت الثانية : هاي شوشو.
شهاب: شوشو!.
كريم بضحك: تصدق لايقة عليك شوشو.
شهاب: أنا شكلي هارتكب جريمة النهاردة.
كريم: لا وعلى إيه يالا نقعد وإلا هنفضل واقفين.
جلس كلا من كريم وشهاب على أحد الطاولات وبجانب كل منهما بنت من البننتين، لم يتحمل شهاب الوضع وطريقة البننت معه فتركهم مغادرا الطاولة وجلس بعيدا عنهم.
البننت الثانية: ماله صاحبك ده قفل كده مش فاكك زيك؟.
كريم: معلش يا بيبي أصله مصدوم عاطفيا.

الفصل الرابع عشر

في ملهى الأنوار.....

ما زال شهاب وكريم في الملهى يبحثا عن أدلة للوصول إلى كارما .
يجلس شهاب بمفرده بعد أن ترك كريم ومن معه، كان ينظر حوله ويدور
بعينه لعله يجد الدليل الذي يساعده لإيجاد كارما ولكن يقطع شروده
إحدى الفتيات التي تجلس بجانبه محدثة إياه.
نورا: بتدور على حاجة؟.

شهاب: ها...

نورا: شكلك زي ما تكون بتدور على حاجة.

شهاب بجمود: وإنت مالك بادور وإلا مبدورش يخصك إيه؟.

نورا: خلاص يا عم متزوقش، أنا كنت عايزة أساعدك، إنت حمقي كده ليه؟.
شهاب: يا ستى حمقي لنفسي سيبيني في حالى بقى.
نورا: يا باي عليك.

يلتفت شهاب ناظرا للجهة الأخرى بعيدا عن نورا ولكن قبل أن يلتفت يلمح
شيئا يلفت انتباهه فيعود بنظره إلى تلك الفتاة مرة أخرى ليتأكد مما يراه.
نورا تلك الفتاة التي تجلس بجانبه ترتدي في عنقها سلسلة هي نفسها
سلسلة كارما ، ينظر شهاب إلى السلسلة جيدا ويدقق النظر فيها ليجدها
هي نفسها سلسلة كارما، وكانت كارما تعتز بها ولا تخلعها من رقبتها لأنها
أول هدية يهاديها بها شهاب، يزداد الغضب في عين شهاب ويركض إلى كريم
ليقص له ما رآه

شهاب: كريم يا كريم، إنت يا زفت.

كريم: في إيه يا شهاب لقيت حاجة.

شهاب يهمس لكريم: أيوا شايف البنت اللي قاعدة هناك دي.

كريم: أيوا مالها؟.

شهاب: السلسلة اللي لابساها دي نفس سلسلة كارما، أنا مش ممكن أتوه
عنها لإنها أول هدية جبتها لها وهي كانت مبتخلعهاش من رقبتها أبدا.
كريم: إنت متأكد يا شهاب.

شهاب: أيوا يا كريم متأكد، أنا قلبى حاسس إنها تعرف مكان كارما.

كريم: لو كده سبهالي وأنا بقى هاجبها لحد عندك تقررها براحتك.

ليلا في شقة كريم.....

استطاع كريم بطريقته أن يقنع نورا أن تذهب معه إلى شقته.

نورا: أفهم أنا ليه عايزنى آجي معاك؟ مش كنت جيت إنت عندي.

كريم: اصبري بس، أنا محضرك مفاجأة.

يدخل الاثنان الشقة ويغلق كريم الباب للتفاجئ نورا بوجود شهاب داخل الشقة.

نورا: هي دي المفاجأة إيه اللي جاب السمج دا هنا.

شهاب: تعرفي إيه عن حسن خليل؟

نورا : ابيبيه بتقول مين؟؟

شهاب: حسن خليل إيه مسمعتيش كويس؟

نورا بتلجلج: أنا معرفش إنت بتتكلم عن مين؟

شهاب يمسكها من شعرها بقوة : انت هتستهبلي، لا دا أنا أخفيكي من على وش الأرض، انت متعرفيش أنا مين.

كريم: براحة بس يا شهاب وهي كويسة وهتقولنا كل حاجة بالأدب.

نورا بخوف: حاضر حاضر هقول على كل حاجة.

شهاب: فين كارما؟

نورا: كارما مين؟

شهاب: صاحبة السلسلة اللي انت لابساها.

يشد شهاب السلسلة بقوة فتجرح رقبة نورا.

نورا: خلاص هتكلم، حسن كان بيجيلنا الكازينو بقاله فترة كبيرة وكان

علطول بيقتد لوحده مهموم وحزين وشايل هم الدنيا فوق دماغه، لقيت

نفسى باتشد ليه وبروح اقعد معاه كان عندي فضول أعرف إيه اللي مضايقه

كده؟، ومع الوقت فتحلي قلبه وعرفت إنه بيحب واحدة وهي متكرة

عليه مكذبش عليك يا بيه، أنا حبيته أوي، وكان نفسي هو كان يحبني، لولا

الله يسامحها اللي كانت معششة في قلبه، تصدق يا بيه لما كنت بروحله

اللوكاندة اللي قاعد فيها نقضى وقت حلو يعني مع بعض كان يغلط في

اسمى ويقولى باسمها، وأنا أعمل نفسي مش واخدة بالي، عشان مزعلوش مع

إن الموضوع دا كان بيوجعنى أوي.

شهاب ناظرا لكريم: انتِ اللي كنتى بتروحيه اللوكاندة وكان بيندهلك يا

كارما.

نورا: أيوا أنا يا بيه،

كريم: كملي وبعدين؟.

نورا: كنت باحس جواه بنار قايدة من ناحية البت اللي بيحبها دي، وكان نفسي طفهاله ما قولتلك يا بيه الحب بهدلة، فاقترحت عليه إني أساعده يخطفها ويشفى غليله منها ويمكن لما يتشفى فيها يرجعلي ويعرف إن أنا اللي ليه.

شهاب: انت اللي خطفتيها!!.

نورا: الكدب خيبة يا بيه، أنا معرفش أخطف فرخة بس أنا عرفته على اللي ساعده وقام بالواجب.

شهاب بلهفة: مين ده انطقي؟.

نورا: ما كفاية كده يا بيه، لاحسن لو قلت على اسمه ممكن يقتلني.

شهاب: متخافيش لو ساعدتيني هخليكي في حمايتي وأضمنك محدش يلمسك.

نورا: اذا كان كده فهو سعد القط، واحد من الناس الكبيرة اللي مشيها شمال في كل حاجة وأنا علاقتي كويسة بيه وكنت وسيط بينهم.

شهاب: ومتعرفيش خطفها ووداها فين.

نظرت له نورا ولم تجيبه.

شهاب: متخافيش أنا عند كلمتي محدش هياذكي.

نورا: في مخزن قديم في أكتوبر.

كريم: تعرفي عنوانه؟.

نورا: أيوا يا بيه.

شهاب: يبقى لازم نتحرك يا كريم .

كريم: طب نبلخ البوليس الأول.

شهاب: هنكلمه في السكة، أنا مش هاستنى أكثر من كده، هأخذ الرجالة معايا وأتصرف لحد ما البوليس يجي.

كريم: وأنا معاك يا معلم، المهم أختي ترجع.

يخرج كلا من شهاب وكريم في اتجاههما إلى عنوان المخزن بعد أن أبلغ شهاب الشرطة وأعطاهم عنوان المخزن.

في المخزن المهجور.....

ما زالت كارما مقيدة وبدأت تتوجع من ألم في بطنها ويدخل عليها سعد

خليل: خير يا دكتور طمني الله لا يسيئك حسن عامل إيه؟.
الطبيب : للأسف يا حج الرصاصة جت في منطقة صعبة جدا في النخاع الشوكي.

خليل: يعني إيه يا دكتور ابني حصله حاجة؟.
الطبيب: لو عدى عليه ال ٤٨ ساعة الجاين يبقى إن شاء الله هيعيش بس....

خليل: بس إيه يا دكتور؟.
الطبيب: للأسف هيعيش طول عمره عاجز مش هيقدر يتحرك.
خليل: إيه اللي بتقوله دا يا دكتور؟، يعنى ابني هيعيش ميت طول عمره.
الطبيب: أنا أسف يا حاج دي الحقيقة وربنا يتولاه.
يترك الطبيب خليل جالسا على الكرسي وهو يبكي، وبجانبه انتصار تواسيه.
انتصار: متعملش كده في نفسك يا عمي إن شاء الله هيبقى كويس.
خليل : دا انتقام ربنا يا انتصار، إلا رمي المحصنات يا بنتي، أنا يمكن أكون زعلان على ابني، وقلبي بيتقطع، بس عزائي الأخير إن يكون ربنا بيعاقبه في الدنيا ويخفف عنه في الآخرة ، ليه يا حسن يا ابني كده، إنت عمرك ما كنت كده، ليه بس، ليه متعرفش الآية اللي بتقول

بِسْمِ اللَّهِ الرَّحْمَنِ الرَّحِيمِ
{إِنَّ الَّذِينَ يَرْمُونَ الْمُحْصَنَاتِ الْغَافِلَاتِ الْمُؤْمِنَاتِ لُعِنُوا فِي الدُّنْيَا وَالْآخِرَةِ
وَلَهُمْ عَذَابٌ عَظِيمٌ}

_____ الفصل الخامس عشر _____

في إحدى غرف المستشفى.....
يجلس كريم على السرير وذراعه مربوط وأمامه لبني.
لبنى: حمدا لله على السلامة يا حبيبي.
كريم: الله يسلمك يا لبني هو أنا لازم يعني أروح فيها عشان أسمع كلمة حبيبي.
لبنى: اسكت بقى إنت وقعت قلبي عليك.
كريم: بس سييك انتِ مشوفتنيش وأنا مطوح في العصابة الضرب ولا عبده موتة.
لبنى: آه ما هو باين من الرقدة اللي إنت فيها.
كريم: لا ده حتة خربوش بسيط كده.
ويقطع كلامهم دخول شهاب.
شهاب: حمد لله على السلامة يا بطل عامل إيه دلوقتي؟
كريم: أنا كويس طماني على كارما هي عاملة إيه؟
شهاب: الحمد لله الدكتور معلقها محاليل ونايمة بتستريح دلوقتي، المهم إنت عملتينا فيلم أبيض وإسود وخضتينا عليك وختلتي أعيط على الفاضي، وفي الآخر تطلع رصاصة سطحية في الكتف الله يسامحك يا شيخ دا انا قلت بتموت.
كريم: بعينك قاعد على قلبك.
يغمز له شهاب بإحدى عينيه وينظر للبنى: ما بلاش إنت يا كيمو وإلا أقول يا كوي.
كريم: احم قلبك أبيض يا شوشو.
لبنى: كيمو وشوشو! أنا مش فاهمة حاجة.
شهاب: لا دا موضوع كده متشغليش بالك انتِ، المهم انا هروح أطمئن على كارما كمان، زمانها فاقت.

في غرفة كارما بالمستشفى.....
تجلس كارما على السرير ويدخل عليها شهاب فيبتسم لها ويذهب إليها ويقبل رأسها.

شهاب: حمدا لله على السلامة يا حبيبتى، كنت هموت لو بعد الشر كان جرالک حاجة.

لم تجبه كارما ولكن اکتفت بالنظر إليه وكانت نظراتها كلها لها معنى، طالت النظرات بينهم وبعد فترة من الصمت ضمها شهاب إلى حضنه فقد كانت ضمته لها كلها اشتياق وخوف عليها تمنى لو أدخلها بين ضلوعه حتى لا تتعد عنه مرة أخرى.

ولكن هذه المرة لم تبادلہ كارما اشتياقه فتعاملت معه بجمود.
شهاب: مالك يا كارما؟

كارما بجمود: مالي يعني إيه ما أنا كويسة أهو؟
شهاب: لا يا كارما انت متغيرة، مش كارما حبيبتى اللي حضنها كان بيحسنى بالأمان والإحتواء.

ابتسمت كارما بسخرية ولم تجبه.

شهاب: مبتديش ليه وإيه معناها الضحكة دي؟

كارما: عايز تعرف ردي عليك يا شهاب حاضر أنا

لكن يقطع كلامهم دخول الطبيب لكي يطمئن على صحة كارما.
الطبيب: إيه أخبارنا دلوقتي يا مدام كارما.

كارما: الحمد لله يا دكتور.

الطبيب: تمام أنا عندي ليكم خبر حلو أوى هيفرحكم انتو الاتنين.
شهاب: خير يا دكتور .

الطبيب: التحاليل اللي عملناها لمدام كارما مبشرة جدا، وبتقول إن الحمل امرة دي مؤشراتہ ممتازة ونسبة إنه يكمل للآخر ويجي بالسلامة نسبة عالية اوي.

شهاب بفرح: بجد يا دكتور.

الطبيب: أيوا بجد، أنا نفسي مستغرب، بس من الواضح إن إيمان مدام كارما وإصرارها إنها تبقى أم كان على حق وربنا عوض صبركم خير.

كانت كارما تستمع إلى كلام الطبيب دون أي اهتمام.

كارما: دكتور أنا ممكن اطلب من حضرتك طلب.

الطبيب: طبعا انفضلي.

كارما: أنا عايزة أنزل الحمل ده.

شهاب بصدمة: ابييييييه ! انت بتقولي إيه يا كارما.

الطبيب: ليه يا مدام كارما دا حضرتك اللي كنتي متمسكة إنك تحملي، حتى

لو كنتي هتعرضي حياتك للخطر، والحمل المرة دي الحمد لله كويس جدا واحتمال كبير يكمل للآخر.

كارما: دا كان الأول يا دكتور مش دلوقتي.

الطبيب ناظرا إلى شهاب: من الواضح إنكم محتاجين تقعدوا مع بعض شوية، عن إذنكم.

بخرج الطبيب وبتزك شهاب مع كارما في صدمة من شهاب.

شهاب: انتي ازاي عايزة تعملي كده يا كارما، مش دا ابنا اللي كنتي مستعدة تعرضي نفسك للخطر ويجي.

كارما: دا كان الأول يا شهاب دلوقتي لا.

شهاب: وإيه اللي اتغير يا كارما؟.

كارما: اللي إتغير إني مبقتش عايزة أي حاجة تربطني بيك يا شهاب بعد اللي حصل.

شهاب أمسك يديها ونظر لها بحب: كارما حبيبتى، أنا عارف إني وجعتك كتير ولازم تعرفي إن كل اللي حصل دا كان بسبب حبي ليكي وغيرتي عليكي، أنا آسف يا حبيبتى على كل لحظة وجعتك فيها.

سحبت كارما يدها من شهاب بقوة وتحدثت معه بجدية : آسف ... آسف على إيه يا ابن عمي، آسف على إنك شكيت فيا وإتهمتني بالخيانة، وإلا آسف على إنك نسيت كل الحب اللي بينا وكل السنين اللي بنيناها سوا وهديت كل دا في لحظة شك، ... وإلا آسف على المعاملة القاسية اللي كنت بتعاملني بيها وإلا آسف على عدم ثقتك فيا، .. وإلا آسف إني لما سبت البيت ومشيت مهنش عليك تسال عليا حتى بالتليفون إنك مصدقت تخلص مني، وإلا اسف على إنك.....كنت هطلقني، قولي بقى آسف على إيه وإلا إيه.

شهاب: كارما أنا بشر، وليا عذري وحسن كان حابك خطته صح.

كارما: وأنا مش صنم، أنا كمان بشر وطلبت منك تفضل معايا وتثق فيا، بس إنت خليت شكك يغلب حبك ويضيع كل حاجة حلوة.

شهاب: كان في إيدي إيه أعمله؟.

كارما: كان في إيدك كتير، كان في إيدك تشوف الأمور صح، كان في إيدك تدور على الحقيقة زي ما كريم عمل. بس لا، إنت خدت كلام حسن بثقة وبنيت على أساسه حكمك، ولا كأن اللب بيتكلم عليها بنت عمك اللي مرببها على إيدك قبل ما تكون مراتك وحبيبتك.

شهاب: كارما أنا عارف إني غلطت وبطلب منك تسامحيني، إنت زي ما قلتني

هتسببه عادي وأما تحتاجله تلاقيه (تذكرت احتضانه لها في المستشفى)
وأقولك إيه قلبي صعب بجد ينسى (تذكرت نظرة الشك في عين شهاب)
شاف كتير منك ولسه جاي تكذب تاني عليه
وانساني وروح لحالك (تذكرت حين تركها شهاب في المستشفى ورحل)
وقابلني إن قلبي يوم ندالك
حاجات كتير جوايا منك
علمت مش هنسهاك»
وهنا يوقف شهاب سيارته بقوة ويضع رأسه على مقود السيارة في وجع
عندما يتذكر قسوة حديث كارما عليه.
تمر الأيام وتبتعد المسافات بين كارما وشهاب .
فكان شهاب يتجنب أي حوار مع كارما حتى يدعها تهدأ من ثورتها وتنسى
ما حدث منه .
كان شهاب يذهب كل يوم إلى المستشفى صباحا ليطمئن على كارما وهي
ناائمة.
وفي أحد الأيام كان شهاب يجلس في مكتبه فإذا بهاتفه يرن فيتفاجئ أن
كارما هي المتصلة بيتسم شهاب حين يرى اسم كارما على الهاتف ظنا منه
أنها قد سامحته.
شهاب: وحشتيني يا كارما.
كارما: شهاب ممكن تجيلي الفيلا عايزة أتكلم معاك.
شهاب: حاضر يا حبيبتي، نص ساعة وأبقى عندك.
يخرج شهاب من الشركة حاملا في قلبه الأمل أن تكون كارما أعرضت عن
طلبها للطلاق منه وإجهاض ابنتهما .
يذهب شهاب سريعا إلى فيلا الصفيدي، ليقابل ليلي أمامه ويبدو على وجهها
الحزن والقلق، يدخل القلق في قلب شهاب من نظرة ليلي له، التي تحمل
معنى واحد وينظر لأعلى في اتجاه غرفة كارما، ويصعد السلم راكضا متجها
إلى غرفتها.
يدخل شهاب الغرفة فيجد كارما واقفة وموالية ظهرها له وهي مستندة على
كرسي ويبدو عليها التعب الشديد.
شهاب في قلق: في إيه يا كارما؟ وليه شكلك تعبان كده؟.
لم تجبه كارما ولكنها التفتت ناظرة إليه في أسي.
شهاب بصوت مرتفع نسبيا: كارما... انتِ عملتي إيه؟... انطقي ... إوعي

تكوني....

كارما: نزلته يا شهاب ... نزلت ابنك اللي كان في بطني.
لم يستطع شهاب تحمل الصدمة وسقط جالسا على أقرب كرسي له.
شهاب بوجع: لبيبييه يا كارما . ليه عملتي كده ؟
كارما: عايز تعرف ليه يا شهاب؟، عشان انت وجعتني أكبر وجع بشكك فيا
وجعتني بالحاجة اللي كانت في إيدك، حبك وثقتك فيا، وأنا كان لازم أوجعك
بالحاجة اللي في إيدي ابنك، كان لازم أدوِّقك الوجع اللي شوفته يا شهاب،
وأنا عارفة إن أكثر حاجة توجع قلبك هو ابنك اللي كان في بطني.
شهاب: انت عارفة انت عملتي إيه؟، إنت قتلتني آخر أمل كان بينا ، قتلتني
الحلم اللي فضلنا نحلم بيه طول عمرنا، انت إزاي بقيتي كده؟، أنا مش قادر
أصدق إن الإنسانية اللي واقفة قدامي تبقى كارما بنت عمي اللي ربتها على
إيدي، كارما حبيبتني مستحيل تقتل، وتقتل مين ابننا!!!
كارما: عندك حق كارما اللي عرفتها وحببتها خلاص ماتت مبقتش موجودة،
كارما قلبها انتقل من زمان ومبقاش في مكان لحب ممكن يوجعها تاني.
توجه شهاب إلى الباب تاركا كارما ولكنه التفت له عائدا ليحدثها.
شهاب بوجع: كارما انت الإنسانية الوحيدة اللي حبتها في حياتي، لا انت كنتي
كل حياتي ..أنا آسف يا كارما .. آسف يا بنت عمي ... انت طالق.
أغمضت كارما عينيها في قمة الوجع .
تركها شهاب وغادر الغرفة وفي خارج الغرفة قابل شهاب كريم ، الذي كان
قلقا من ملامح شهاب الحزينة.
كريم: شهاب ! فيه إيه مالك؟.
شهاب: خلاص يا كريم كل حاجة خلصت.
دخل كريم غرفة كارما وعندما رأته ركضت إليه وارتمت في حضنه باكية.

في شركة الصفدي.....
يجمع شهاب بعض الملفات في حقيبته بعد أن طلب من نيفين أن تحجز له
أول طائرة متجهة إلى انجلترا . يدخل عليه كريم متعجبا مما يفعل.
كريم: ممكن أعرف إنت بتعمل إيه؟.
شهاب: زى ما إنت شايف كده هسافر.
كريم: هتسافر ! قصدك هتهرب .

شهاب بيأس: سميتها زي ما تسميها يا كريم، بس مبقاش ينفع أقعد في البلد دي أكثر من كده، البلد اللي حبييتي تموت فيها ابني اللي باترجاه من الدنيا مينفعش يبقى ليا فيها مكان تاني.

كريم: وطبعاً ناوى تتجوز بعد كارما، ما إنت خلاص طلقته يعني تقدر تجيب الولد اللي إنت عايزه من واحدة تانية.

شهاب: مش بالسهولة دي أنا كان حلمي صحيح أبقى أب، بس مش لأى ابن، كان حلمي أبقى أب لابن من كارما، تبقى هي أمه ويكمل قصة حبنا لكن خلاص الحلم دا راح .

كريم: يعنى مفيش أمل يا شهاب حرام الحب اللي فضلتوا سنين تحافظوا عليه يروح بالساهل.

شهاب: كريم! أنا محتاج أبعد وأهدى، ويمكن لما أقعد مع نفسى أعرف أرسى على بر , كل اللي بطلبه منك تخلي بالك من كارما.

كريم: أكيد يا شهاب.

في فيلا الصفدي.....

تجلس كارما في غرفتها مع لبني بانتظار كريم وعندما يدخل عليهم تركض لبني إليه.

لبني: ها يا كريم كلمت شهاب حاولت تهديه.

نظر كريم إلى كارما بحزن؟

كارما: في إيه يا كريم شهاب ماله؟.

كريم: شهاب سافر يا كارما ساب البلد كلها وسافر.

كارما: بتقول ايبنيه؟.

تغمض كارما عينيها فاقدة الوعي في صراخ كلا من كريم ولبني.

الفصل السادس عشر

تمر الأيام بعد سفر شهاب الذي يعيش وحيدا يحاول أن ينسى كارما وما فعلته معه، وكيف جرحته جرح لا يمكن لإنسان أن يغفره .
ولكن شهاب لم يقدر على نسيان كارما ولم يقدر حتى أن ينسى جرحها له عندما قتلت ابنه .

ومن جهة أخرى تتألم كارما من بعد شهاب عنها فهي ولأول مرة منذ أن كانت طفلة تبتعد كل هذه الفترة عن شهاب الذي فتحت عينها على حبه وقربه منها .

في المستشفى.....

يذهب كريم وكارما إلى المستشفى للاطمئنان على حسن وهناك يقابلان خليل أمام غرفة حسن.

كارما: طمني على حسن يا عم خليل.

خليل: ياه يا بنتي جاية بنفسك تطمني على حسن بعد كل اللي حصل، مش كفاية شهاب بيه واللي عمله لما خلى رجالته تجيب حسن لحد المستشفى عشان ينقذوه، انتوا إيه للدرجة دي قلبكم أبيض وبيقدر يسامح ويدي. صحيح ولاد الأصول بيبانوا في الشدة.

كارما: مكنتش غلطة حسن لوحده يا عم خليل، كلنا غلطنا وكلنا لازم نسامح، ممكن بعد إذنك أدخله؟.

خليل: اتفضلى يا بنتي.

تدخل كارما لحسن ومعها كريم ليجدا حسن نائم على السرير لا يقدر على الحركة ، يحاول حسن أن يتحرك عند رؤية كارما ولكن لا يستطيع.

حسن بضعف: أنا مش مصدق بعد كل اللي حصل جيلي بنفسك.

كارما: كان لازم آجي يا حسن إنت ناسي إن اللي حصلك دا بسببي، وإنك كنت بتدافع عني.

حسن بكاء: أنا أسف يا ست البنات، أنا عذبتك معايا أوي، بس غصب عني الوجد اللي كان في قلبي من كلامك ليا كان عاميني، مخليني مش عارف أنا باعمل إيه بس عالعموم ربنا خدلك حقك مني وهاعيش طول عمري عاجز مش قادر أتحرك.

كارما: متعذرش يا حسن مش إنت لوحدهك اللي غلطت كلنا غلطنا وكلنا

بندفع التمن.

حسن: بس التمن اللي دفعته أنا كان غالى اوي.

كارما: وأنا أودعك إني هاسفرك برة تتعالج ومش هاسيبك غير لما تتحسن.
حسن: ياااااااه للدرجة دي أنا ضيعت عمري في الانتقام من ناس طيبة أوي،
زيك أنت وبشمهندس شهاب، أنا بجد مش هاقدر أسامح نفسي على كل
الي عملته فيكم، فعلا الطيبون للطيبات.
بكت كارما عندما سمعت كلام حسن عن علاقتها بشهاب.

حسن: مالك يا ست البنات.

كارما: حسن! الحكاية خلصت خلاص شهاب طلقني.

حسن بصدمة: معقولة طب ليه؟، لا هو أكيد لسه فاهم غلط، متزعلش
نفسك أنا هروحله لحد عنده وافهمه الحقيقة وأعرفه إني كنت كداب في كل
كلمة قولتها، وهو أكيد هيرجعلك ويستسمحك لما يعرف الحقيقة.
كريم: متتعشب نفسك يا حسن شهاب عرف الحقيقة كلها.
حسن: أمال ليه طلقها؟.

كارما: يمكن يكون اللي عملته يا حسن الاختبار الحقيقي الوحيد اللي مر عليا
أنا وشهاب عشان يعرفني حقيقة حب شهاب ليا وتمسكه بيا،
حسن: أيوا بس انتوا كده اتظلمتوا وأنا اللي ظلمتكم.
كارما: انت مظلمتناش يا حسن إنت فوقتنا.

كريم: عالموم الأيام كفيلة تداوي اللي فات وزى ما كارما قالتلك إحنا
هنفضل جنبك لحد ما تتحسن وترجع تقف على رجلك تاني.
تمر الشهور وشهاب يحاول أن ينسى كارما بكل الطرق، وبعد أن يأس من
نسيانه لها، قرر أن يعود لبلده وشركته وحياته .
يعود شهاب إلى مصر.

وبعد عودته بعدة أيام يذهب إلى الشركة للإطمئنان عليها وهناك يقابل
نيفين.

نيفين: حمد لله بالسلامة يا بشمهندس شهاب.

شهاب: الله يسلمك يا نيفين. كريم بيه على مكتبه؟.

نيفين: لا للأسف كريم بيه بقاله كذا يوم ما يجيش.

شهاب: نعم! دا ليه إن شاء الله.

نيفين: معرفش يا فندم.

شهاب في نفسه (والله عال يا سى كريم بقى أسبيلك الشركة أمانة أرجع

ألاقيك مبتجيش أصلا)
شهاب: طب دخيلي كل الشغل المتأخر.
نيفين: حاضر يا فندم.
يدخل شهاب مكنته ويمسك هاتفه محدثا كريم.
شهاب: أيوا يا كريم بيه، بقى هي دي الأمانة اللي سيبهالك، أرجع من
السفر ألاقيك مبتجيش الشركة.
كريم بتوتر: شهاب ! إنت رجعت من السفر امتي؟
شهاب: رجعت من يومين، بس إنت مال صوتك؟
كريم: شهاب الحق كارما في المستشفى تعبانة أوي.
شهاب يقف مكانه من القلق: إيه ! كارما مالها؟

في المستشفى.....
يقف كريم أمام باب المستشفى، في انتظار شهاب ويبدو عليه القلق ليجد
شهاب يأتي إليه راكضا في قلق.
شهاب بقلق: كريم ! كارما مالها إيه اللي حصلها طمني؟
كريم بتردد: شهاب مش عارف أقولك إيه.
شهاب : انطق يا كريم كارما مالها؟
كريم: بص أنا عارف إن الموضوع صعب بس لازم تتقبله لإن مفيش وقت.
شهاب: أنا مش فاهم حاجة موضوع إيه؟، وإيه هو اللي صعب؟
كريم: بصراحة كده كارما كدبت عليك لما قالتلك إنها نزلت البيبي، هي
كانت عايضة بس تقرص ودنك من الآخر كانت عايضة تربيك عشان شكيت
فيها.
شهاب: يعنى إيه إنت عايض تقولي إن كارما.....
كريم: إنت لسه هتتصدم باقولك مفيش وقت، كارما جوا بتولد ابنك اللي
كانت حامل فيه، طول الفترة اللي فاتت ومخبية عليك.
شهاب: وليه محدش قالي فيكم.
كريم: عشان الهانم كانت مخبية علينا إحنا كمان، ولما عرفنا جنابك كنت
سافرت، ومكنتش بتد على حد لعب عيال واللله.
شهاب بفرح: يعنى كارما مموتتش ابنا، كارما حبيبتى ماتغيرتش زي ما
فهمتني.

كارما: إنت لسه بتحبنى.
شهاب: ما أنا قولتلها لك قبل كده، إنت مش بس مراقي وحببتي، انت حتة
مني ولازم عشان أنساكي يستصلوكي من جوايا يعنى اللي ينسيني حبك هو
الموت.
كارما: بعد الشر عليك يا حبيبي.
شهاب: بحبك يا بنت عمي.
وبالفعل تلد كارما توأم ولد وبنت.

في غرفة كارما بالمستشفى.....
تنام كارما على سريرها وبجانبها شهاب محتضنا إياها وكأنه يخاف أن تضيع
منه مرة أخرى.
شهاب: حمدا لله على السلامة يا حبيبتى.
كارما: الله يسلمك يا حبيبي.
شهاب: ودي تاني مفاجأة ليا، بقى كنتي عارفة إنك حامل في توأم.
كارما: بصراحة كنت عارفة بس مقولتش لحد.
كريم: أيوا يا عم فضلت مدكن مدكن لحد ما جبتهم اتنين مع بعض، لا وإيه
ولد وبنت.
ليلى: الله أكبر في عينك يا واد يا كريم قول ما شاء الله.
لبنى: بس قمامير خالص يا كارما الولد شبه بابا الله يرحمه والبنت شبهك
خالص يا كوكي.
ليلى: المهم هتسموهم إيه؟
كريم: طبعا كريم وكريمة على اسمي أنا، مش متبهدل معاكم من أول
الحكاية.

شهاب: لا طبعا مش لدرجة اسمي حد من عيالي على اسمك.
لبنى: أمال هتسميهم إيه يا شهاب.
شهاب ناظرا لكارما: فاكرة يا كارما إحنا حلمنا نسميهم إيه؟
كارما: طبعا يا حبيبي فاكرة الولد زين.
شهاب: والبنت علياء.

ليلى: الله أسماء حلوة أوي زين وعلياء.
وبعد قليل يدق الباب ويدخل المأذون.

ليلي: إيه ده يا شهاب؟.

شهاب ناظرا لكارما: كل حاجة لازم ترجع لأصلها يا طنط وإلا إيه يا مدام شهاب الصفدي.

كارما: مليش كلام بعد كلامك يا ابن عمي.

وبالفعل يتزوج كارما وشهاب مجددا، والجميع سعداء وقبل أن يغادر المأذون يطلب منه شهاب البقاء في دهشة من الجميع.

يذهب شهاب إلى كريم واضعا يديه على كتفيه ومحدثا إياه.

شهاب: كريم! أنا كنت الأول كنت رافض جوازك من أختي لاني كنت شايفك مش قد المسؤولية، ومقدرش آمنك عليها، لكن دلوقتي أنا أقدر أسلمك أختي وأنا مطمئن عليها لأنك بجد الفترة اللي فاتت أثبتلي إنك راجل بجد، وتقدر تشيل المسؤولية، أثبتلي إنك بجد كريم الصفدي.

كريم غير مصدق لما يقوله شهاب وكأنه في حلم: شهاب! أنا مش فاهم إنت قصدك إيه!؟.

شهاب: جرى إيه يا كيمو، أنا برضه اللي هافهمك، أنا موافق على جوازك من لبنى، يالا المأذون مستني عشان أخط إيدي في إيدك وأجوزك أختي.

ظل كريم يقفز في مكانه من الفرحة كالطفل الصغير وظل يقبل شهاب ويحضنه.

كريم بصراخ من الفرحة: يا ديبين النبي هاتجوز يا حاجة ليلي وأبقى عريس، ابنك هيبقى عريس أخيرا يا لبنى هتجوزك.

شهاب: بس يالا متنساش إحنا في مستشفى، إتلم بقى لأرجع في كلامي.

كريم: لا وعلى إيه يالا يا عم الشيخ اكتب، لاحسن دا ابن عمي وأنا عارفه. يير اليوم على كل أبطالنا في سعادة.

وبعد أسبوع يقرر شهاب عمل فرح كريم ولبنى في فيلا الصفدي، في نفس يوم سبوع أولاده زين وعلياء، ويقيم إحتفال كبير يحضره فنانين ورجال أعمال.

وفي أثناء الإحتفال يتفاجئ شهاب بحسن يدخل عليهم بعد أن تحسنت حالته وبدأ يتحرك بفضل رعاية كارما وكريم له وسفره إلى خارج البلاد ليتعافى .

شهاب يزفر ضيقا عندما يراه وتلاحظ كارما رد فعل شهاب.

حسن: أنا عارف يا بشمهندس إنك طبعا مش طايق تشوفني ودا حقك، بس أنا المرة دي مش جاي أضايقك أنا جاي أشكرك على كرم أخلاقك معايا برغم

_____ الفصل السابع عشر والختام _____

يتزوج كريم من لبنى وينجبوا بنت اسمها نور .
تمر السنوات ويكبر الأولاد وجميعهم يدخلون الجامعة.
في فيلا الصفدي.....
يدخل زين الصفدي الفيلا وهو في حالة ضيق شديد، ويسأل على والده
شهاب فتخبره الخادمة أنه في غرفة المكتب .
زين يدخل إلى والده ويلاحظ شهاب حالة ابنه.
شهاب: مالك يا زين شكلك مضيق؟.
زين: بص بقى أنا جايلك تشوف حل مع نور، يا إما نفسخ الخطوبة دي
ونخلص.

شهاب: إهدى بس وقولي نور بنت خالك عملتلك إيه؟.
زين: كذا مرة أشوفها مع نفس الشخص في الجامعة واقفين بيتكلموا
ويضحكوا ولا الحبيبة ولا عاملة حساب للمغفل اللي مخطوباله وإلا
تكونش مغصوبة على جوازتها مني.
شهاب: ما انت عارف يا ابني خالك كريم مربي عياله إزاي ومبيغصبهمش
على حاجة.

زين: خلاص يبقى الهانم اللي بتستغفني.
شهاب: زين مش عايزك تتكلم كده على بنت خالك وحاول تحكم عقلك
قبل ما تتسرع وتأخذ قرار تندم عليه في وقت مينفعض فيه الندم.
يقطع كلامهم دخول علياء الصفدي.
علياء: بتتكلموا في أسرار؟.

شهاب: تعالي يا لولو، إيه يا حبيبتى عاملة إيه؟.
علياء: الحمد لله يا بابا.
شهاب: كنتي عايزة حاجة يا حبيبتى؟.
علياء بخجل: بصراحة يا بابا في موضوع كنت عايزة أكلم حضرتك فيه
ومكسوفة.

شهاب: قولي يا حبيبتى متتكسفيش.
علياء: بصراحة في واحد عايز يتقدملي وطالب يقابل حضرتك.
شهاب: ياه كبرتى يا لولو وعايزة تتجوزي ودا مين دا بقى.
علياء: هو المعيد بتاع نور بنت خالي في الكلية، اسمه جمال شافنى كذا
مرة لما كنت بروحها الكلية أقابلها، وكلم نور كذا مرة إنه معجب بيا وعايز

يتقدملي.

شهاب: إنت بتقولي معيد نور وكلمها كذا مرة.

علياء: أيوا يا بابا في حاجة؟.

نظر شهاب لزين فعلم زين أنه ظلم نور، ونظر إلى الأرض من الخجل.

شهاب: عالعموم خليه يحدد معايا ميعاد ويجي يقابلني.

علياء تقبل والدها : متشكرة أوى يا بابا.

تخرج علياء من المكتب وتترك شهاب مع زين.

زين: عارف هتقولي إيه يا بابا، وأنا غلطان.

شهاب: اسمعنى يا زين، إوعى يا ابني تخلي في يوم الشك يضيع منك حياتك،

والإنسانة اللي بتحبها، إوعى تخليه يغلبك ويعميك عن الحقيقة، نور دي

بنت خالك وبنت عمتك ومتربية على إيدك وفوق كل ده حبيبتك، خليك

واثق في حبها ليك وفي حبك ليها لأن يوم ما الثقة دي هتتهز ممكن تخسرهما

للأبد فاهمني يا زين.

زين: فاهم يا بابا.

يجد شهاب كارما تقف عند الباب تستمع لكلامه وعلى وجهها ابتسامة.

شهاب: أمك دي يا زين حب عمري كله، وحتة مني، عمري ما أقدر أشيلها

من جوايا أبدا.

زين: إيه يا عم الكلام الحلو ده، لا أنا ماقدرش أجاريك كده، طب سيب

حاجة للأجيال الجديدة، وبعدين أنا ليه بقيت حاسس إني عزول، أنا هاخرج

وأسيبكم تحبوا في بعض براحتكم.

شهاب يضربه على رأسه: إمشي يا مجرم.

بعد ما يخرج زين شهاب بيلف ذراعه حول كارما.

كارما: إيه الكلام الحلو دا كله، كانت فين الحكمة دي من واحد وعشرين

سنة.

شهاب: كنت غلطان وغلطتي كانت هتخسرني أهم إنسانة في حياتي، بس

ربنا كان كريم معايا ومرضيش يحرمني منها، عشان كده لازم أفهم ولادي

عشان ميغلطوش غلطتي تاني.

تمر الأيام ويأتي موعد زفاف كلا من زين ونور ابنة خاله وعلياء وجمال .

يقام إحتفال كبير في فيلا الصفدي في سعادة من الجميع، خاصة كريم ولبنى

وشهاب وكارما .

في نهاية الإحتفال يمسك شهاب الميكرفون موجها كلمته إلى أولاده.

شهاب: زين... علياء وطبعاً نور وجمال متتصرونش أنا فرحتي عاملة إزاي النهاردة، وأنا باشوف حلمي بيتحقق قدامي، أيوا يا ولادي انتوا كنتوا حلمي أنا وكارما اللي ربنا كرمننا بيه،
عشان كده عايز أقولكم كلمتين يمكن يكونوا أهم كلمتين قولتهم ليكم في حياتي،

البيت السليم لازم يتبني على الثقة بين الاتنين، إوعوا تسمحووا لحد يهز ثقتم في حبكم لبعض، إوعوا تسمحووا للشك يدخل بينكم مهما حصل، خلي حبكم أقوى من أي ربح ممكن تواجهه، أقفوا بيه قصاد أي حد، متسمحوش للشك يدخل قلبكم لأنه ببساطة قاتل القلوب.
وهنا ينتهي دور شهاب وكارما وهم ينظرون إلى أولادهم في سعادة.

النهاية.

